

元人雜劇全集



04022



由國家圖書館數位化、典藏





元人雜劇全集



第一輯

第十八種

金陵盧氏飲虹移輯本
貝葉山房張氏藏版

本書封面題簽
吳瞿安先生



0-2
8546
24 v.

王
實
甫
雜
劇

1100814

89041019



王實甫雜劇

四丞相高會麗春堂

崔鶯鶯待月西廂記

附蘇小卿月夜貶茶船

王彩雲絲竹芙蓉亭



四丞相高會麗春堂

第一折

【冲末扮押宴官引祇從上。詩云】小帽虬頭裹絳紗。征袍砌就鴈啣花。花根本豔公卿子。虎體鷓班將相家。老夫完顏女直人氏。小字徒單克寧。祖居萊州人也。幼年善騎射。有勇略。曾爲山東路兵馬都總管。行軍都統。後遷樞密院副使。兼知大興府事。官拜右丞相。老夫受恩甚厚。以年老乞歸田里。聖人言曰。朕念衆臣之功。無出卿右者。今拜左丞相之職。時遇蕤賓節。屆奉聖人的命。但是文武官員。都到御園中赴射柳會。老夫爲押宴官。射着者有賞。射不着者無賞。老夫在此久等。這早晚官人每敢待來也。【正末引屬官上。云】老夫完顏女直人氏。小字樂善。老夫幼年跟隨郎主。南征北討。東蕩西除。多有功勞。汗馬。謝聖恩可憐。官拜右丞相。領大興府事。正受管軍元帥之職。今日五月初五日。蕤賓節令。奉聖人命。都着俺文武官

員御園中赴射柳會。聖人着左丞相徒單克寧爲押宴官。想老夫幼年間苦爭惡戰。得到今日。非同容易也呵。【唱】

【仙呂點絳脣】破虜平戎。滅遼取宋。中原統建。四十里金鋪。率萬國來朝貢。

【混江龍】端的是走輪飛鞚。車如流水。馬如龍。綺羅香裏。簫鼓聲中。盛世黎民歌歲稔。太平聖主慶年豐。正遇着蕤賓節屆。今日個宴賞羣公。光祿寺醞江釀海。尙食局炮鳳烹龍。教坊司趨蹌妓女。仙音院整理絲桐。都一時向御苑來供奉。恰便似衆星拱北。萬水朝東。

【帶云】是好一座御園也。【唱】

【油葫蘆】則見貝闕蓬壺一望中。從地湧。看了這五雲樓閣日華東。恰似那訪天台。悞入桃源洞。端的便往揚州移得瓊花種。勝太平獨秀岩。冠神

龍萬壽峯。則他這雲間一派簫韶動。不弱似天上蕊珠宮。

【天下樂】可正是氣壓山河百二雄。元也波戎將軍校統。宰臣每爲頭兒。又盡忠文官每守正直。武將每建大功。到今日可也樂昇平好受用。

【云】令人報復去道某家來了也。【祇從報科云】有四丞相來了也。【押宴官云】道有請。【見科】【押宴官云】老丞相今奉聖人的命。教俺文武官員今日赴射柳會。左右那裏都擺佈下了也未。【祇從云】都擺佈了也。【淨扮李圭上詩云】幼年習兵器。都誇咱武藝。也會做院本。也會唱雜劇。要飽一隻羊。好酒十瓶醉。聽的去廝殺。躲在帳房睡。某普察人氏。姓李名圭。見爲右副統軍。使我這官不爲那武藝上得的。爲我唱得好。彈得好。舞的好。今日是麩賓節。令聖人的命。着俺大小官員赴射柳會。到那裏我便射不着呵。也有我的賞賜。可早來到也。令人報復去。道我李監軍來了也。【祇從報科】【押宴官云】着過來。【李圭見科云】老大人。小子李圭來了也。【押宴官云】李監軍。你來了也。我奉聖人的命。在此押宴。左右那裏

將這聖人賜來的錦袍玉帶。若射着的。將這錦袍玉帶賞與他。先飲酒。射不着的。則飲酒無賞。【祇從云】理會得。【押宴官云】老丞相。聖人前日分付操練的軍馬如何。【正末云】大人。數日前分付老夫。操練的軍馬都有了也。【押宴官云】如今有那幾員上將。【正末唱】

【那吒令】俺如今要取討呵。有普察副統。要辨真呵。有得滿具中。要做準呵。有完顏內奉。非是咱賣蘊藉。誇強勇。端的是結束威風。

【鵲踏枝】衲襖子繡攬絨。兔鶻碾玉玲瓏。一個個躍馬揚鞭。插箭彎弓。他每那祖宗是斑斕的大蟲。料想俺將門下無犬跡。狐踪。

【押宴官云】老丞相先射。【正末云】您官人每那個先射。【李圭云】老丞相勿罪。小官先射。【押宴官云】你若射着。這錦袍玉帶便與你。【李圭做射不中科云】我本射着了。我這馬眼又走了箭也。【押宴官云】李副統。你不中。靠後。老丞相請射。【正末云】老夫射來。孩兒先領馬者。【做射中。衆吶喊擂鼓科】【正末唱】

【賞花時】萬草千花御苑東。簌翠偎紅彩繡中。滿地綠茸茸。更打着軍兵簇擁。可兀的似錦蕪蕪。

【勝葫蘆】不刺刺引馬兒。先將箭道通。伸猿臂攬銀鬃。靶內先知箭有功。忽的呵弓開秋月。撲的呵箭飛金電。脫的呵馬過似飛熊。

【么篇】俺只見一縷垂楊落曉風。【押宴官云】老丞相射中三箭也。將過那錦袍玉帶來。送與老丞相。令人將酒來。老丞相滿飲一盃。【正末唱】人列繡芙蓉。翠袖殷勤捧玉鍾。贏的這千花錦段萬金寶帶。拚却醉顏紅。

【押宴官云】老丞相再飲一杯。【正末做醉科】【李圭云】我也吃一杯。【押宴官云】老丞相今日吃酒已散。聖人的命教您這管軍元帥明日都到香山賞翫。排有筵宴管待您咱。【正末云】感謝聖恩。大人。老夫酒噀了也。【押宴官云】老丞相再飲幾盃。【正末唱】

【賺煞】公吏緊相隨。虞候忙扶捧。休落後了。一行步從。得勝歸來喜笑濃。

氣昂昂志捲長虹。飲千鍾。滿面春風。回首金鑾紫霧重。跣登登催着玉驄。
笑吟吟袖窩着絲鞵。【做上馬科】【押宴官云】老丞相慢慢的行。【正末唱】我可便醉
熏熏扶出御園中。【下】

【押宴官云】你衆人每都散罷。令人將馬來。我回聖人的話去也。【下】【李圭云】大人。俺回
去也。【出云】羞殺人。我爲副將軍。一連三箭。無一箭中的。將錦袍玉帶都着四丞相贏將去
了。怎麼氣得過。這也容易。他說道。明早叫俺這幾個管軍的元帥。都到香山賞翫。安排筵宴
管待俺。前人賜與我的一領八寶珠衣。明日穿到香山去。我與四丞相不射箭。和他打雙陸。
將我這八寶珠衣賭他那錦袍玉帶。他必然輸與我也。我若贏了他呵。便是我平生之愿。【
詩云】我一生好唱曲。弓馬原不熟。明日到香山。只與他賭雙陸。【下】

第一折

【押宴官引祇從上云】老夫左丞相是也。昨日在御園中射柳已過。今日在此香山設宴。着

老夫仍舊做押宴官。這早晚官人每敢待來也。〔正末上云〕昨日在御園中射柳。今日在香山設宴。須索走一遭。是好香山也呵。〔唱〕

〔中呂粉蝶兒〕山勢崔巍倚時嵐。數層金碧照皇都。一片琉璃端的個路盤桓。山掩映堆藍疊翠。俺這裏佇立丹梯。則見那廣寒宮在五雲鄉內。

〔醉春風〕堪寫在畫圖中。又添入詩句裏。則我這紫藤兜轎。趁着濃陰。直等涼些。三兒個起起受用。足萬壑清風。半堦涼影。一襟爽氣。

〔云〕可早來到也。令人報復去。道某家來也。〔祇從報科〕〔押宴官云〕有請。〔見科〕〔押宴官云〕老丞相。昨日再飲幾杯去也好。〔正末云〕大人。老夫昨日沉醉。多有失禮也。〔唱〕

〔迎仙客〕不知幾時節。離御苑多早晚。出庭闈。不記得是誰人扶下這白玉梯。〔押宴官云〕老丞相。昨日也不曾飲甚麼酒。〔正末唱〕怎當他酬酢處。兩三巡。揭席時。五六盃。醉的我將宮錦淋漓。莫不我觸犯着尊嚴罪。

〔押宴官云〕老丞相請坐。則有李圭不曾來着。人覷者。若來時報復知道。〔李圭上云〕小官李圭。我今日就穿着這八寶珠衣。和四丞相打雙陸。那錦袍玉帶必然輸與我。可早來到也。接了馬者。令人報復去道。有李圭來了也。〔祇從報見科〕〔李圭云〕大人。老丞相昨日怨罪。可不是我射不着。我那馬眼生。他躲一躲。把我那箭擦過去了。〔押宴官云〕你也說不過。老丞相李監軍。您衆官每聽者。我非私來奉聖人的命。如今八方寧靜。四海晏然。五穀豐登。萬民樂業。俺文武官僚。同享太平之福。昨日在御園中射柳。今日教您這管軍元帥。在此香山。一者飲宴。二者教你遊賞取樂。隨你官人每手談博戲盤桓一會。慢慢的飲酒。〔正末云〕比及飲酒呵。我等且博戲一會咱。〔李圭云〕住住住。老丞相我與你打一會兒雙陸。〔正末云〕你要和我打雙陸。好波。我和你打。〔李圭云〕老丞相。這般打無興。可賭些利物。〔押宴官云〕你二位老夫奉聖人的命。在此押宴。則許你作歡取樂。不許你鬧炒爭競。但有攪擾者。着老夫便奏知聖人。決無輕恕。〔李圭云〕誰敢炒鬧。我將這聖人賜與我的八寶珠衣爲賭賽。老

丞相你將甚麼配的我這八寶珠衣【正末云】是好一領袍也【唱】

【紅繡鞋】金彩鳳玲瓏翡翠繡蟠龍瓔珞珠璣他怎生下工夫達着俺那大人機則俺那仁慈的明聖主掌一統錦華夷可則是平安了十萬里

【李圭云】老丞相你將甚麼配得我這八寶珠衣的【正末云】要配的過那八寶珠衣孩兒將先王賜與我的那劍來【卒子做拿劍科】【李圭云】苦也他怎麼拿出那件來老丞相這劍有甚好處【正末云】怎生我這劍不好【唱】

【上小樓】且休說白虹貫日青龍藏地這劍比那太阿無光鑌鄒無神巨闕無威你可休將他小覷的輕微不貴端的個有吹毛風力

【云】這劍上立了多少大功你那珠衣怎比的我這劍【李圭云】你這劍也不值錢【正末云】你不知這劍先帝賜與我的【李圭云】老丞相雖然如此我這珠衣是無價之寶哩

【正末唱】

【幺篇】你的是無價寶。則我的也不是無名器。是祖宗遺留。兄弟相傳。輩輩承襲。【李圭云】老丞相則怕我如今一回雙陸贏了你這劍可怎了。【正末唱】饒你便會泛遲快打疾。能那能遞怎贏的俺這二輩兒齊天福氣。

【李圭輸科云】色不順不是我輸了。【押宴官云】老丞相贏了也。【正末唱】

【滿庭芳】這都是托賴着大人的虎勢。贏的他急難措手。打的他馬不停蹄。做色數喚點兒皆隨意。【李圭云】我可生悔氣。這色兒不順。【正末云】你昨日也說馬眼叉哩。【唱】不比你射柳處也推着馬眼迷奚。【押宴官云】李監軍你輸了這翡翠珠衣也。老丞相你饒他一擲波。【正末唱】我若不覷大人面皮。直贏的他與我跟隨。【李圭云】你說這大話。贏的我跟隨。我和你如今別賭些利物。看那個贏。那個輸。【正末云】

我如今再和你打。饒你一擲。【唱】饒先遞。【李圭云】我怎麼要你饒。【正末唱】則你那赤瓦不刺強嘴。兀自說兵機。

【押宴官云】你兩個便再打一會。【李圭云】恰纔我翡翠珠衣輸與他了。我如今再打一會。若輸了的抹一個黑臉。【正末云】我待不和你打。你輸了你忍不的這口氣。料着我便輸了。呵。他便怎敢抹我個黑臉。我再和你打。【李圭云】也罷。我若贏了呵。搽他個黑臉。也出了這場氣。啗打來。【正末唱】

【石榴花】紫雲堆裏月如眉。幾點曉星稀。岸滑霜冷玉塵飛。已拋下一擲。似啄木尋食。從來那撚無凝滯。疾局到底便宜。【李圭云】這一盤是我贏了。【正末唱】我見他那頭盤裏打一箇無梁意。【李圭云】你這馬不得到家可不輸了。【正末云】則我要一個么六。【做喝科】。【李圭云】你喝么六就是么六。這骰子是你的骨頭做的。【正末唱】只喝着個么六。是贏的。

【李圭云】可知叫不出。是你輸了。【正末唱】

【鬪鷓鴣】這本是賤骨無知。怎肯便應聲也。那做美。不爭我連勝連贏。却

教你越羞越恥。也是我不合單行強出了底便輸。可怕甚的。雖然是作耍難當。怎敢失了尊卑道理。

【云】呀我輸了也。【李圭云】你輸了。將墨來搽臉。【末怒做拂雙陸科云】李圭你是甚麼人。敢如此無禮。【李圭云】一言爲定。元說道輸了的搽墨臉。【押宴官云】你兩個休得炒鬧。有聖人的命在此。【正末唱】

【耍孩兒】這潑徒怎敢將人戲。你托賴着誰人氣力。【李圭云】難道我托賴你的氣力。【正末唱】睜開你那驢眼。可便覷着阿誰。我更歹殺者波。是將相的苗裔。大人呵尙兀自高擎着玉液來酬我。你待濃蘸着霜毫敢抹誰。這廝也不稱你那元戎職。【李圭云】什麼這廝那廝。只管罵誰。【正末云】我不敢罵你。敢打你。【做打科唱】我則待一拳兩脚。打的他似土如泥。

【李圭云】好也打下我兩個門牙來也。【押宴官云】你兩個不得無禮。你既是大臣。怎敢不

尊上命【李圭云】大人可憐見。昨日射柳是他贏了錦袍玉帶。今日打雙陸又贏了我翡翠珠衣。我恰纔贏了他。他就不許我抹黑臉。咱須是賭賽哩。【押宴官云】你都回去。【正末唱】

【尾聲】我與那左丞相是兄弟。我和你須叔姪。若不爲聖人言。怕攪了香山會。我不打你這潑無徒。可也放不過你。【下】

【押宴官云】不想四丞相將李圭毆打。攪了筵宴。老夫不敢欺隱。須回聖人話去。【詩云】則爲李監軍素性疎狂。香山會攪亂非常。也不是我有心私向從實的奏與君王。【下】

第二折

【外扮孤上。詩云】聲名德化九天聞。長夜家家不閉門。雨後有人耕綠野。月明無犬吠荒村。

小官完顏女直人氏。自幼跟隨郎主。多有功勳。今除小官在此濟南府爲府尹。近聞京師有四丞相。因打李圭。如今貶在濟南府歇馬。想小官幼年間都是四丞相手裏操練成的。不料今日到俺這裏。這四丞相每日則在溪邊釣魚飲酒。我知他平日好歌舞。小官今日載着酒。

餽攜一歌妓。直至溪邊。與四丞相解悶。走一遭去。〔下〕〔左相上云〕變幻者浮雲。無定者流水。君看仕路間。升沉亦如此。自從四丞相打了李圭。聖人見怒。貶去濟南府。歇馬去了。不想聖人思起此人。往日功勞。又值草寇作亂。今奉聖人命。着老夫遣使臣星夜趕到濟南府。取四丞相還朝。依舊爲官。左右說與去的使命。小心在意。疾去早來。〔下〕〔正末拿漁竿上云〕自從香山會被李圭所奏。聖人見怒。貶在濟南府。閒住老夫每日飲酒看山。好是快活也呵。

〔唱〕

〔越調鬪鶴鶉〕閒對着綠樹青山消遣。我煩心倦日。潛入那水國漁鄉。早跳出龍潭虎窟。披着領箬笠。簑衣隄防。他斜風細雨長。則是琴一張。酒一壺。自飲自斟。自歌自舞。

〔紫花兒序〕也不學劉伶荷鍾。也不學屈子投江。且做個范蠡歸湖。遶一灘紅蓼。過兩岸青蒲。漁夫將我這小小船兒棹將過去。驚起那幾行鷗鷺。

似這等樂以忘憂。胡必歸歟。

【云】我暫停短棹。看一派好景致也。【唱】

【小桃紅】水聲山色兩模糊。閒看雲來去。則我怨結愁腸對誰訴。自躊躇。想這場煩惱都由咱取。感今懷古。舊榮新辱。都裝入酒葫蘆。

【云】家童將漁竿來者。【孤引旦兒上云】此女子乃有名歌妓。小字瓊英。談諧歌舞。無不通曉。今日將着酒餚。直到溪邊與老丞相脫悶。走一遭去。瓊英你到那裏好生追歡作樂。務要丞相喜歡。來到這裏。左右人遠避者。喚着你你便來。不喚你你休來。兀的不是老丞相在那裏釣魚哩。【旦兒云】略則在他背後立着看這老丞相釣魚。【正末唱】

【金蕉葉】撐到這蘆花密處。款款將船兒纜住。見垂柳風搖翠縷。蕩的這幾朵兒荷花似舞。

【調笑令】我向這淺處。扭定身軀呀。慢慢的將釣兒。我便垂將下去銀絲。

界破波文綠可怎生浮游兒不動纖須〔旦兒云〕老爺好快活也〔正末做回頭科。唱〕我這裏回頭猛然覷豔姝。可知道落鴈沉魚。

〔孤云〕小可聞知老丞相在此。特來與老丞相脫悶將酒來。瓊英你唱一曲者。〔旦兒云〕理會的。〔做唱科〕〔正末唱〕

〔禿廝兒〕可人意清歌妙舞酬吾志美酒鮮魚則這春風一枝花解語似出塞美人圖。可便粧梳。

〔聖藥王〕樂有餘飲未足樽前無酒典衣沽。倒玉壺聽金縷直吃的滿身花影倩人扶。我可也不讓楚三閭。

〔孤云〕想老丞相在京時。那般畫閣闌堂錦茵繡褥香車寶馬歌兒舞女。那般受用快活。今日在此閒居索是憂悶也。〔正末唱〕

〔麻郎兒〕昨日個深居華屋今日個流竄荒墟。冷落了歌兒舞女空閒了。

寶馬香車

【幺篇】知他是斷與甚處外府。則落的遶青山十里平湖。駕一葉扁舟睡足。抖擻着綠蓑歸去。

【孤云】老丞相也。則一時間在此閒居。久後聖人還有任用。【正末云】府尹。你不知老夫爲官。不如在此閒居也。【唱】

【東原樂】縱得山林趣。慣將禮法疎。頓忘了馬上燕南舊來路。如今揀溪山好處居。爲甚麼懶歸去。被一片野雲留住。

【綿搭絮】也無那採薪的樵子。耕種的農夫。往來的商賈。談笑的鴻儒。做伴的茶藥琴棋。筆硯書。秋草人情。卽漸疎。出落的滿地江湖。我可也釣賢不釣愚。

【絡絲娘】到今日身無所。如想天公也有安排我處。可不道呂望嚴陵自

千古這便算的我春風一度。

【孤云】老丞相再飲一杯。【旦兒云】妾與老丞相把一杯咱。【做遞酒科】。【使命上云】小官天朝使命爲四丞相貶在濟南府歇馬。如今草寇作亂奉聖人的命。着小官直往濟南府取他回朝。今日到此處。說他在河邊釣魚不在家中。一徑尋來。兀的不是四丞相左右。接了馬者。四丞相聽聖人的命。【孤云】老丞相天朝使命至也。【正末做跪科】。【使命云】聖人的命。將你前項罪盡皆饒免。今因草寇作亂着你星夜還朝。將你那在先手下操練過的頭目。每選揀幾個收捕草寇若收伏了時。依舊着你爲右丞相之職。望闕謝恩者。【正末拜謝科】。【使命云】老丞相恭喜賀喜。【正末云】官人每鞍馬上驅馳辛苦了也。【使命云】小官索回聖人話去。老丞相不必延遲。早早建功以慰聖意。【正末云】官人穩登前途。【使命云】左右的將馬來。則今日便回京師去也。【下】。【孤云】小官說是麼。今日果來宣取老丞相復還舊職也。【正末云】我去呵。我則放不過李圭那匹夫。【孤云】老丞相量那李圭何足道哉。【正

末唱】

【拙魯速】我今日赴京都見鑾輿也不是我倚仗着功勞敢喝金吾其實的瞞不過這近御我去處便去那一個閒人敢言語那無徒甚的是通曉兵書他怎敢我跟前我跟前無怕懼

【孤云】老丞相臨行有甚麼話分付小官者【正末唱】

【么篇】我如今上路途你聽我再囑付則要你撫恤軍卒愛惜民戶兄弟和睦伴當賓伏從今一去有的文書申到區區再也不用支吾你跟前你跟前敢做主

【孤云】老丞相若到朝中必然重用也【正末云】我去之後則是辜負了這派好景也【唱】

【收尾】則我這好山好水難將去待寫入丹青畫圖白日裏對酒賞無休到晚來挑燈看不足【下】

【孤云】不想天朝使命來。還取的四丞相往京師去了。瓊英。【旦兒云】有。【孤云】我與你將酒餚整備。再到十里長亭與丞相送行。走一遭去。【詩云】香山設宴逞粗豪。久矣閒居更入朝。不知此去成功後。李圭頭上可能饒。【下】

第四折

【老旦扮夫人上詩云】花有重開日。人無再少年。一從夫主去。皓月幾回圓。老身完顏女真人氏。夫主是四丞相。因與李圭在香山飲會。炒鬧聖人。見怒將俺丞相汗馬功勞。一旦忘了。貶在濟南府閒住。今因草寇作亂。聖人遣使命去濟南府取他去了。使命昨日來說道。俺老丞相今日下馬。下次小的每。便安排酒食茶飯。伺候丞相回來。【使命領衆官上云】小官天朝使命。奉聖人的命。着我往濟南府取四丞相。小官先回來復命。聖人着衆官人都到他宅上接待。這早晚四丞相敢待來也。左右。接了馬者。報復與老夫人知道。說俺衆官人都在門首。【左右報科云】老夫人。衆官人每都在門外。【夫人云】有請。【出見科】【夫人云】衆官人

每爲何到此。【使命云】老夫人恭喜賀喜。某等非是私來奉聖人的命。着衆官每都來接待。老丞相。【夫人云】衆官人每裏面請坐。【使命云】老夫人俺這裏安排酒果都在門外等待。想四丞相只在早晚來也。【正末引家僮持釣竿上云】老夫自謫濟南歇馬。倒也清閒自在。今奉聖人的命。宣我還朝收捕草寇。暗思俺這爲官的好似翻掌也呵。【唱】

【雙調五供養】我覩了這窮客程。舊行裝。我可甚麼衣錦還鄉。【家僮云】這裏比那濟南不同。【正末唱】我恰離了這雲水窟。早來到是非場。你與我棄了長竿。拋了短棹。我又怕惹起風波千丈。我這裏凝眸望。元來是文官武職。一剗地濟濟踴踴。

【衆官接科云】老丞相賀萬千之喜。【正末云】衆公卿每間別無恙也。【唱】

【喬木查】自別來間闊。幸得俱無恙。這裏是土長根。生父母邦。怎將咱流竄在濟南天一方。這些三時怎不淒涼。

【衆官云】左右將酒來老丞相滿飲一杯。一壁廂虎兒赤那都着與我動樂者。【做作樂科】
【正末唱】

【一錠銀】玉管輕吹引鳳凰餘韻尙悠揚。他將那阿那忽腔兒合唱。越感起我悲傷。

【相公愛】淚滴千行與萬行。那一日不登樓長望我平也波常。何曾道離故鄉。那一日離的我這心兒上。

【衆官云】老丞相請。【正末云】衆官人每請。【正末與夫人見打悲科】
【夫人云】相公今日聖恩取你回朝。爲何又煩惱。【正末云】夫人教我怎生不煩惱。【唱】

【醉娘子】剛道不思量。教人越悽惶。我家裏撇下一個紅粧。守着一間空房。如何教我不思量。

【金字經】早是人寂寞。更那堪更漏長。點點聲聲被他滴斷腸。到曉光到

曉光便道他不斷腸。又被這家私上橫枝兒有一萬椿。

【夫人云】自從老相公去後俺一家兒每日則是煩惱望老相公回來。【正末唱】

【山石榴】夫人也我則道你一身亡。全家喪二百口老小添悲愴。我怕你斷送了別頭項。

【夫人云】老相公當初一日是你的不是也。謝聖恩可憐。還取你來家。實是萬千之喜。【正末唱】

【么篇】平白地這一場。從天降想也不想誰承望。夫人也誰承望又到俺這前廳上。

【衆官云】老夫人去取的新衣服與老丞相換了者。【夫人云】下次孩兒每將那相公舊日穿的衣服來。【雜當云】衣服在此。【夫人云】請老相公換了者。【正末云】夫人這是幾時做的衣服。【夫人云】老相公是你舊時穿的衣服。【正末云】是呵。【唱】

【落梅風】這山字領緣何慢。【夫人云】老相公兀的帶。【正末唱】玉兔鶻因甚長。
【夫人云】都是你舊時穿的。【正末唱】待道是我舊衣服怎生虛儻。【云】夫人將鏡兒
來。【夫人云】鏡兒在此。【正末云】我試照咱。【唱】我這裏對青鏡猛然見我兩鬢霜。
哎。可怎生不似我舊時形像。

【夫人云】孩兒每一壁廂安排茶飯來。【左相上云】小官是左丞相奉聖人命去四丞相宅
上加官賜賞。走一遭去。可早來到也。左右接了馬者。四丞相聽聖人的命。【正末同夫人安
排香案科】【唱】

【鴈兒落】你與我拂綽了白象牀。整頓了銷金帳。高擎着鸚鵡杯。滿捧着
羊羔釀。

【得勝令】準備着翠袖舞霓裳。却又早丹詔下茅堂。未見真龍面。先聞寶
篆香。托賴着君王高力士。休攔擋。我若不斟量。又怕李太白貶夜郎。

【使命上云】聽聖人的命。因你有功在前。將你的罪犯盡皆饒免。如今取你回朝。本要差你
破除草寇。不想草寇聽的你回都來投降了。聖人大喜。教你依舊統軍復你右丞相之職。賜
你黃金千兩。香酒百瓶。就在麗春堂大吹大擂。做一個慶喜的筵席。望闕謝恩者。【正末叩
謝科】【左相同衆官云】老丞相賀喜。正末唱】

【風流體】我則道官封做官。封做一字王。位不過位。不過頭廳相。想着老
無知老無知。焉敢當。【左相云】老丞相。你受了官職者。何必太謙。【正末唱】哎。怎比的
你左丞相。左丞相。洪福量。

【古都白】願陛下聖壽無疆。頓首誠惶。說的我手兒脚兒忙也。波忙。俺如
今托賴着君王可憐我。疎狂。直來到宅上。死生應難忘。

【唐兀歹】端的是萬萬載千秋聖主昌。地久天長老臣怎敢道不謙讓。可
是當也波當。

【左相云】老丞相今日衆官人都在此。聖人着李圭到丞相跟前負荆請罪。丞相休記前讎。
【正末云】老夫怎敢。【左相云】既然如此。教李圭來見老丞相。【李圭負荆上見科云】老丞相是李圭不是。今來負荆請罪。【正末云】呀。元帥請起。【李圭云】老丞相不分付起來。李圭敢起。【正末唱】

【攪箏琶】他背着些三粗荆杖。【衆官云】請老丞相責罰他幾下。【正末云】誰敢道先打後商量。【李圭云】都因那一日與老丞相射柳時的冤讎。【正末唱】且休說百步穿楊。我和你先打一盤無梁。從今後你也要安詳。我也不誇強。【李圭云】老丞相打我幾下。倒等我放下心者。【正末唱】休慌我若是手梢兒在你身上盪。【李圭云】老丞相打幾下。怕怎麼。【正末云】不中。【唱】又只怕惹起風霜。

【云】李圭既然聖人饒了我和你。也不記舊讎。【左相云】好將酒來。我與你一位把一盃做一個和合者。【夫人云】老相公穩便我着那歌兒舞女來伏侍老相公。【正末云】夫人你執

壺我與衆官每把一盃酒。左右動起細樂者。〔唱〕

〔沽美酒〕舞蹁躑翠袖長。擊鼉鼓奏笙簧。高髻雲鬟宮樣粧。全釵列數行。歡聲動一座麗春堂。

〔太平令〕歌金縷清音嘹唳。品鸞簫餘韻悠揚。大筵會公卿宰相。早先聲把烟塵掃蕩。從今後四方八荒萬邦齊仰。賀當今皇上。

〔左相詩云〕在香山作耍難當。聖人怒譎貶他方。念功臣重加宣召。依然的衣錦還鄉。

題目 李監軍大鬧香山會

正名 四丞相高宴麗春堂

四丞相高會麗春堂雜劇終



崔鶯鶯待月西廂記

第一本 張君瑞鬧道場

楔子

〔外扮老夫人上開〕老身姓鄭。夫主姓崔。官拜前朝相國。不幸因病告歿。祇生得箇小姐。小字鶯鶯。年一十九歲。鍼黹女工。詩詞書算。無不能者。老相公在日。曾許下老身之姪。乃鄭尚書之長子鄭恆爲妻。因俺孩兒父喪未滿。未得成合。又有箇小妮子。是自幼伏侍孩兒的。喚做紅娘。一箇小廝兒。喚做歡郎。先夫棄世之後。老身與女孩兒扶柩至博陵安葬。因路途有阻。不能得去。去到河中府。將這靈柩寄在普救寺內。這寺是先夫相國修造的。是則天娘娘香火院。況兼法本長老。又是俺相公剃度的和尚。因此俺就這西廂下一座宅子。安下一壁寫書附京師去喚鄭恆來。相扶回博陵去。我想先夫在日。食前方丈。從者數百。今日至親則

這三四口兒好生傷感人也呵【唱】

【仙呂賞花時】夫主京師祿命終。子母孤孀途路窮。因此上旅櫬在梵王宮。盼不到博陵舊塚。血淚灑杜鵑紅。今日暮春天氣。好生困人。不免喚紅娘出來。分付他紅娘何在。【旦徠扮紅見科】【夫人云】你看佛殿上沒人燒香呵。和小姐閑散心。耍一回去來。【紅云】謹依嚴命。【夫人下】【紅云】小姐有請。【正旦扮鶯鶯上】【紅云】夫人著俺和姐姐佛殿上閑耍。一回去來。【旦唱】

【么篇】可正是人值殘春蒲郡東門掩。重關蕭寺中。花落水流紅。閑愁萬種。無語怨東風。【並下】

第一折

【正末扮騎馬引僮人上開】小生姓張名珙字君瑞。本貫西洛人也。先人拜禮部尙書。不幸五旬之上。因病身亡。後一年喪母。小生書劍飄零。功名未遂。遊於四方。卽今貞元十七年二

月上旬唐德宗卽位。欲往上朝取應。路經河中府。過蒲關上。有一人姓杜名確。字君實。與小生同郡同學。當初爲八拜之交。後棄文就武。遂得武舉狀元。官拜征西大元師。統領十萬大軍。鎮守著蒲關。小生就望哥哥一遭。卻往京師求進。暗想小生螢窗雪案。刮垢磨光。學成滿腹文章。尙在湖海飄零。何日得遂大志也呵。萬金寶劍藏秋水。滿馬春愁壓繡鞍。

【仙呂點絳脣】遊藝中原。脚根無綫。如蓬轉。望眼連天。日近長安遠。

【混江龍】向詩書經傳。蠹魚似不出費鑽研。將棘圍守。暖把鐵硯磨穿。投至得雲路鵬程九萬里。先受了雪窗螢火二十年。才高難入俗人機。時乖不遂男兒願。空雕蟲篆刻。綴斷簡殘編。行路之間。早到蒲津。這黃河有九曲。此正古河內之地。你看好形勢也呵。

【油葫蘆】九曲風濤何處顯。則除是此地偏。這河帶齊梁。分秦晉。隘幽燕。雪浪拍長空。天際秋雲捲。竹索纜浮橋。水上蒼龍偃。東西潰九州。南北串

百川歸舟緊不緊如何見。卻便似弩箭乍離弦。

【天下樂】只疑是銀河落九天。淵泉雲外懸。人東洋不離此。逕穿滋洛陽。千種花潤梁園萬頃田。也曾泛浮槎到日月邊。話說間早到城中。這裏一座店。琴童接下馬者。店小二哥那裏。【小二上云】自家是這狀元店裏小二哥。官人要下呵。俺這裏有乾淨店房。【末云】頭房裏下。先撒和那馬者。小二哥你來。我問你這裏有甚麼閑散心處。名山勝境。福地寶坊皆可。【小二云】俺這裏有一座寺。名曰普救寺。是則天皇后香火院。蓋造非俗。琉璃殿相近青霄。舍利塔直侵雲漢。南來北往。三教九流。過者無不瞻仰。則除那裏可以君子遊玩。【末云】琴童料持下晌午飯那裏走一遭。便回來也。【童】安排下飯。撒和了馬。等哥哥回家。【下】【法聰上】小僧法聰。是這普救寺法本長老座下弟子。今日師父赴齋去了。著我在寺中。但有探長老的。便記著。待師父回來。報知山門下立地。看有甚麼人來。【末上云】卻早來到也。【見聰了。聰問云】客官從何來。【末云】小生西洛至此。聞上刹幽雅清爽。一來瞻仰佛

像二來拜謁長老。敢問長老在麼？〔聰云〕俺師父不在寺中。貧僧弟子法聰的便是。請先生方丈拜茶。〔末云〕既然長老不在呵，不必喫茶。敢煩和尚相引瞻仰一遭。幸甚。〔聰云〕小僧取鑰匙開了佛殿鐘樓塔院羅漢堂香積廚盤桓一會。師父敢待回來。〔末云〕是蓋造得好也呵。

【唱】

【村裏逐鼓】隨喜了上方佛殿。早來到下方僧院。行過廚房近西法堂北鐘樓前面遊了洞房。登了寶塔將迴廊繞遍。數了羅漢。參了菩薩。拜了聖賢。〔鶯鶯引紅娘撚花枝上云〕紅娘俺去佛殿上耍去來。〔末做見科〕呀。正撞著五百年風流業冤。

【元和令】顛不刺的見了萬千。似這般可喜娘的龐兒罕曾見。則著人眼花撩亂口難言。魂靈兒飛在半天。他那裏儘人調戲。驀著香肩。只將花笑撚。

【上馬嬌】這的是兜率宮。休猜做了離恨天。呀。誰想著寺裏遇神仙。我見他宜嗔宜喜。春風面偏。宜貼翠花鈿。

【勝葫蘆】則見他宮樣眉兒新月偃。斜侵入鬢雲邊。【旦云】紅娘。你覷。寂寂僧房人不到。滿塔苔襯落花紅。【末云】我死也。未語人前。先腩腆。櫻桃紅綻。玉粳白露。半晌恰方言。

【么篇】恰便似嚙嚙鶯聲花外轉。行一步可人憐。解舞腰肢嬌又軟。千般袅娜。萬般旖旎。似垂柳晚風前。【紅云】那壁有人。咱家去來。【旦回顧末下】。【末云】和尚。恰怎麼觀音現來。【聽云】休胡說。這是河中開府崔相國的小姐。【末云】世間有這等女子。豈非天姿國色乎。休說那模樣兒。則那一對小脚兒。價值百鎰之金。【聽云】偌遠地。他在那壁。你在这壁。繫著長裙兒。你便怎知他脚兒小。【末云】法聰來來來。你問我怎便知。你覷。【唱】

【後庭花】若不是襯殘紅。芳逕軟。怎顯得步步香塵底。樣兒淺。且休題眼角。

兒留情處。則這脚蹤兒將心事傳。慢俄延。投至到權門兒前面。剛那了一步遠。剛剛的打箇照面。風魔了張解元。似神仙歸洞天。空餘下楊柳煙。只聞得鳥雀喧。

【柳葉兒】呀。門掩著梨花深院。粉牆兒高似青天。恨天天不與人行方便。好著我難消遣。端的是怎留連。小姐呵。則被你兀的不引了人意馬心猿。【聽云】休惹事。河中開府的小姐去遠了也。【末唱】

【寄生草】蘭麝香仍在。佩環聲漸遠。東風搖曳垂楊綫。遊絲牽惹桃花片。珠簾掩映芙蓉面。你道是河中開府相公家。我道是南海水月觀音現。十年不識君王面。恰信嬋娟解悞人。小生便不往京師去應舉也罷。【戲聽云】敢煩和尚對長老說知。有僧房借半間。早晚溫習經史。勝如旅邸內冗雜。房金依例拜納。小生明日自來也。

【賺煞】餓眼望將穿。饞口涎空嚥。空著我透骨髓相思病染。怎當他臨去

秋波那一轉。休道是小生。便是鐵石人也。意惹情牽。近庭軒。花柳爭妍。日午當庭塔影圓。春光在眼前。爭奈玉人不見。將一座梵王宮。疑是武陵源。

【下】

第一折

〔夫人上白〕前日長老將錢去與老相公做好事。不見來回話。道與紅娘傳著我的言語。去問長老。幾時好與老相公做好事。就著他辦下東西的當了。來回我話者。【下】〔淨扮潔上〕老僧法本。在這普救寺內做長老。此寺是則天皇后蓋造的。後來崩損。又是崔相國重修的。見今崔老夫人。領著家眷。扶柩回博陵。因路阻暫寓本寺西廂之下。待路通回博陵遷葬。老夫人處事溫儉。治家有方。是是非非。人莫敢犯。夜來老僧赴齋。不知曾有人來望老僧否。〔喚聰問科〕〔聰云〕夜來有一秀才自西洛而來。特謁我師。不遇而返。〔潔云〕山門外覷著。若再來時報我知道。〔末上云〕昨日見了那小姐。到有顧盼小生之意。今日去問長老借一

問僧房早晚溫習經史。倘遇那小姐出來，必當飽看一會。【唱】

【中呂粉蝶兒】不做周方，埋怨殺你箇法聰和尚，借與我半間兒客舍僧房。與我那可憎才，居止處門兒相向。雖不能勾竊玉偷香，且將這盼行雲眼睛兒打當。

【醉春風】往常時見傅粉的委實羞，畫眉的敢是謊。今日多情人一見了，有情娘著小生心兒裏早痒。痒迤逗得腸荒，斷送得眼亂，引惹得心忙。【末見聰科】【聰云】師父正望先生來哩。只此少待。小僧通報去。【潔出見末科】【末云】是好一箇和尚呵。【唱】

【迎仙客】我則見他頭似雪，鬢如霜，面如童少年得內養。貌堂堂，聲朗朗，頭直上只少箇圓光。卻便似捏塑來的僧伽像。【潔云】請先生方丈內相見。夜來老僧不在，有失迎迓，望先生恕罪。【末云】小生久聞老和尚清譽，欲來庭下聽講，何期昨日不

得相遇今能一見。是小生三生有幸矣。〔潔云〕先生世家何郡。敢問上姓大名。因甚至此。〔末云〕小生姓張。名珙。字君瑞。

〔石榴花〕大師一一問行藏。小生仔細訴衷腸。自來西洛是吾鄉。宦遊在四方。寄居咸陽。先人拜禮部尙書。多名望。五旬上因病身亡。平生正直無偏向。止留下四海一空囊。

〔鬪鷓鴣〕俺先人甚的是渾俗和光衡。一味風清月朗。〔潔云〕先生此一行。必上朝取應去。〔末唱〕小生無意求官。有心待聽講。小生特謁長老。奈路途奔馳。無以相饋。量着窮秀才人情。則是紙半張。又沒甚七青八黃。儘著你說短論長。一任待掂斤播兩。逕裏有白銀一兩。與常住公用。略表寸心。望笑留是幸。〔潔云〕先生客中何故如此。〔末云〕物鮮不足辭。但充講下一茶耳。〔唱〕

〔上小樓〕小生特來見訪。大師何須謙讓。〔潔云〕老僧決不敢受。〔末云〕這錢也

難買柴薪不勾齋糧。且備茶湯。【觀聰云】這一兩銀未爲厚禮。你若有一主張對豔
妝。將言詞說上。我將你衆和尚死生難忘。【潔云】先生必有所請。【末云】小生不
揣有懇。因惡旅邸冗雜。早晚難以溫習經史。欲假一室。晨昏聽講。房金按月。任意多少。【潔云】
敝寺頗有數間。任先生揀選。【未唱】

【么篇】也不要香積廚。枯木堂。遠著南軒。離著東牆。靠著西廂。近主廊過
耳房。都皆停當。【潔云】便不呵。就與老僧同處何如。【末笑云】要恁怎麼。你是必休題
著長老方丈。【紅上云】老夫人著俺問長老。幾時好與老相公做好事。看得停當。回話。須
索走一遭去來。【見潔科】長老萬福。夫人使侍妾來問。幾時好與老相公做好事。著看的停當
了。回話。【末背云】好箇女子也呵。【唱】

【脫布衫】大人家舉止端詳。全沒那半點兒輕狂。大師行深深拜了。啓朱
唇語言的當。

【小梁州】可喜娘的龐兒淺淡妝。穿一套縞素衣裳。胡伶淥老不尋常。偷睛望。眼挫裏抹張郎。

【幺篇】若共他多情的小姐同鴛帳。怎捨得他疊被鋪牀。我將小姐央。夫人快。他不令許放。我親自寫與從良。【潔云】二月十五日。可與老相公做好事。【紅

云】妾與長老同去佛殿看了。卻回夫人話。【潔云】先生請少坐。老僧同小娘子看一遭便來。

【末云】何故卻小生便同行一遭。又且何如。【潔云】便同行。【末云】著小娘子先行。俺近後些。

【潔云】一箇有道理的秀才。【末云】小生有一句話說敢道麼。【潔云】便道不妨。【末唱】

【快活三】崔家女豔妝。莫不是演撒你箇老潔郎。【潔云】俺出家人那有此事。

【末】既不沙。卻怎賤趁著你頭上放毫光。打扮的特來晃。【潔云】先生是何言

語。早是那小娘子不聽得哩。若知呵。是甚意思。【紅上佛殿科】【末唱】

【朝天子】過得主廊。引入洞房。好事從天降。我與你看著門兒。你進去。【潔怒云】

先生此非先王之法言。豈不得罪於聖人之門乎。老僧偌大年紀。焉肯作此等之態。〔末唱〕好模好樣。忒莽撞。沒則羅便罷。煩惱則麼耶。唐三藏。怪不得小生疑你。偌大一箇宅堂。可怎生別沒箇兒郎。使得梅香來說勾當。〔潔云〕老夫人治家嚴肅。內外並無一箇男子出入。〔末背云〕這秃廝巧說。你在我行。口強硬抵著頭皮撞。〔潔對紅云〕這齋供道場都完備了。十五日請夫人小姐拈香。〔末問云〕何故。〔潔云〕這是崔相國小姐至孝。爲報父母之恩。又是老相公禫日。就脫孝服。所以做好事。〔末哭科云〕哀哀父母。生我劬勞。欲報深恩。昊天罔極。小姐是一女子。尙然有報父母之心。小生湖海飄零數年。自父母下世之後。並不曾有一陌紙錢相報。望和尚慈悲爲本。小生亦備錢五千。怎生帶得一分兒齋。追薦俺父母咱。便夫人知也不妨。以盡人子之心。〔潔云〕法聰與這先生帶一分者。〔末背問聰云〕那小姐明日來麼。〔聰云〕他父母的勾當。如何不來。〔末背云〕這五千錢。使得有些下落者。〔唱〕

【四邊靜】人間天上。看鶯鶯強如做道場。輦玉溫香。休道是相親傍。若能勾湯他一湯。倒與人消災障。【潔云】都到方丈吃茶。【做到科】【末云】小生更衣。咱【末出科云】那小娘子已定出來也。我則在這裏等待問他咱。【紅辭潔云】我不吃茶了。恐夫人怪來遲。去回話也。【紅出科】【末迎紅娘祇揖科】小娘子拜揖。【紅云】先生萬福。【末云】小娘子莫非鶯鶯小姐的侍妾麼。【紅云】我便是。何勞先生動問。【末云】小生姓張名珙。字君瑞。本貫西洛人也。年方二十三歲。正月十七日子時建生。並不曾娶妻。【紅云】誰問你來。【末云】敢問小姐常出來麼。【紅怒云】先生是讀書君子。孟子曰。男女授受不親。禮也。君知瓜田不納履。李下不整冠。道不得箇非禮勿視。非禮勿聽。非禮勿言。非禮勿動。俺夫人治家嚴肅。有冰霜之操。內無應門五尺之童。年至十二三者。非呼召。不敢輒入中堂。向日鶯鶯潛出閨房。夫人窺之。召立鶯鶯於庭下。責之曰。汝爲女子。不告而出閨門。倘遇遊客小僧私視。豈不自恥。鶯立謝而言曰。今當改過從新。毋敢再犯。是他親女。尙然如此。何況以下侍妾乎。先生習先王之

道尊周公之禮。不干己事。何故用心。早是妾身。可以容恕。若夫人知其事呵。決無干休。今後得問的問。不得問的休胡說。【下】【末云】這相思索是害也。

【哨遍】聽說罷。心懷悒快。把一天愁都撮在眉尖上。說夫人節操凜冰霜。不招呼。誰敢輒入中堂。自思想。比及你心兒裏畏懼。老母親威嚴。小姐呵。你不合臨去也。回頭兒望。待颺下教人怎颺。赤緊的情沾了肺腑。意惹了肝腸。若今生難得有情人。是前世燒了斷頭香。我得時節手掌兒裏奇擎。心坎兒裏溫存。眼皮兒上供養。

【耍孩兒】當初那巫山遠隔如天樣。聽說罷。又在巫山那廂。業身軀雖是立。在迴廊。魂靈兒已在他行。本待要安排心事傳幽客。我子怕漏洩春光與乃堂。夫人怕女孩兒春心蕩。怪黃鶯兒作對。怨粉蝶兒成雙。

【五煞】小姐年紀小。性氣剛。張郎倘得相親傍。乍相逢。厭見何郎粉。看邂

迥偷將韓壽香。纔則是未得風流况。成就了會溫存的嬌媚。怕甚麼能拘束的親娘。

【四煞】夫人忒慮過。小生空妄想。郎才女貌合相彷彿。休直待眉兒淺淡思張敞。春色飄零憶阮郎。非是咱自誇獎。他有德言工貌。小生有恭儉溫良。

【三煞】想著他眉兒淺淺描。臉兒淡淡妝。粉香膩玉搓咽項。翠裙鶯繡金蓮小。紅袖鸞銷玉笋長。不想呵其實強。你撇下半天風韻。我拾得萬種思量。

卻忘了辭長老。【見潔科】小生敢問長老房舍何如。【潔云】塔院側邊西廂一間房。甚是瀟灑。正可先生安下。見收拾下了。隨先生早晚來。【末云】小生便回店中搬去。【潔云】既然如此。老僧準備下齋。先生是必便來。【下】【末云】若在店中人鬧。到好消遣。搬在寺中靜處。怎麼捱這淒涼也呵。

【二煞】院宇深。枕簟涼。一燈孤影搖書幌。縱然酬得今生志。著甚支吾此。

夜長。睡不著如翻掌。少可有一萬聲長吁短歎五千遍倒枕槌牀。

【尾】嬌羞花解語溫柔玉有香。我和他乍相逢記不真嬌模樣我則索手抵着牙兒慢慢的想。【下】

第二折

【正旦上云】老夫人著紅娘問長老去了。這小賤人不來我行回話。【紅上云】回夫人話了。去回小姐話去。【旦云】使你問長老幾時做好事。【紅云】恰回夫人話也。正待回姐姐話。二月十五日請夫人姐姐拈香。【紅笑云】姐姐你不知我對你說一件好笑的勾當。嚙前日寺裏見的那秀才。今日也在方丈裏。他先出門兒外。等著紅娘。深深唱箇喏道。小生姓張名珙。字君瑞。本貫西洛人也。年二十三歲。正月十七日子時建生。並不曾娶妻。姐姐。卻是誰問他來。他又問那壁小娘子。莫非鶯鶯小姐的侍妾乎。小姐常出來麼。被紅娘搶白了一頓呵。回去了。姐姐。我不知他想甚麼哩。世上有這等傻角。【旦笑云】紅娘。休對夫人說。天色晚也。安

排香案。嚙花園內燒香去來。【下】【末上云】搬至寺中正近西廂居址。我問和尚每來。小姐每夜花園內燒香。這箇花園和俺寺中合著。比及小姐出來。我先在太湖石畔。牆角兒邊等待。飽看一會。兩廊僧衆都睡著了。夜深人靜。月朗風清。是好天氣也。呵。正是閑尋方丈高僧語。悶對西廂皓月吟。

【越調鬪鶴鶉】玉宇無塵。銀河瀉影。月色橫空。花陰滿庭。羅袂生寒。芳心自警。側著耳朵兒聽。躡著脚步兒行。悄悄冥冥。潛潛等等。

【紫花兒序】等待那齊齊整整。嬈嬈婷婷。姐姐鶯鶯。一更之後。萬籟無聲。直至鶯庭。若是迴廊下沒揣的見俺可憎。將他來緊緊的摟定。則問你那會少離多。有影無形。【旦引紅娘上云】開了角門兒。將香桌出來者。【末唱】

【金蕉葉】猛聽得角門兒呀的一聲。風過處花香細生。踮著脚尖兒仔細定睛。比我那初見時龐兒越整。【旦云】紅娘。移香桌兒近太湖石畔放者。【末做看科】

云】料想春嬌厭拘束。等閑飛出廣寒宮。看他容分一臉體露半襟。繡香袖以無言垂羅裙而不語。似湘陵妃子斜倚舜廟朱扉。如月殿嫦娥微現蟾宮素影。是好女子也呵。【唱】

【調笑令】我這裏甫能見娉婷。比著那月殿嫦娥也不恁般撐。遮遮掩掩穿芳徑。料應來小脚兒難行。可喜娘的臉兒百媚生。兀的不引了人魂靈。【旦云】取香來。【末云】聽小姐祝告甚麼。【旦云】此一炷香願化去先人早生天界。此一炷香願堂中老母身安無事。此一炷香。【做不語科】【紅云】姐姐不祝這一炷香。我替姐姐祝告願俺姐姐早尋一箇姐夫。拖帶紅郎咱。【旦再拜云】心中無限傷心事。盡在深深兩拜中。【長吁科】【末云】小姐倚欄長歎。似有動情之意。【唱】

【小桃紅】夜深香靄散空庭。簾幙東風靜。拜罷也斜將曲欄凭。長吁了兩三聲。剔團圓明月如懸鏡。又不是輕雲薄霧。都則是香煙人氣。兩般兒氤氳得不分明。我雖不及司馬相如。我則看小姐。頗有文君之意。我且高吟一絕。看他則甚。月

色溶溶夜。花陰寂寂春。如何臨皓魄。不見月中人。【旦云】有人牆角吟詩。【紅云】這聲音便是那二十三歲不曾娶妻的那儂角。【旦云】好清新之詩。我依韻做一首。【紅云】你兩箇是好做一首。【旦念詩云】蘭闥久寂寞。無事度芳春。料得行吟者。應憐長歎人。【末云】好應酬得快也。呵。【唱】

【禿廝兒】早是那臉兒上撲堆著可僧。那堪那心兒裏埋沒著聰明。他把那新詩和得忒應聲。一字字。訴衷情。堪聽。

【聖藥王】那語句清。音律輕。小名兒不枉了喚做鶯鶯。他若是共小生廝覷定。隔牆兒酬和到天明。方信道惺惺的自古惜惺惺。我撞出去。看他說甚麼。

【麻郎兒】我拽起羅衫欲行。【旦做見科】他陪著笑臉兒相迎。不做美的紅娘。忒淺情。便做道謹依來命。【紅云】姐姐有人。啣家去來。怕夫人嗔著。【鶯回顧下】

【末唱】

【么篇】我忽聽一聲猛驚。元來是撲刺刺宿鳥飛騰。顫巍巍花梢弄影。亂紛紛落紅滿徑。小姐你去了呵。那裏發付小生。

【絡絲娘】空撇下碧澄澄蒼苔露冷。明皎皎花篩月影。白日淒涼枉耽病。今夜把相思再整。

【東原樂】簾垂下戶已扃。卻纔箇悄悄相問。他那裏低低應。月朗風清恰。一更廝候。他無緣小生薄命。

【綿搭絮】恰尋歸路。佇立空庭。竹梢風擺。斗柄雲橫。呀。今夜淒涼有四星。他不做人待怎生。雖然是眼角傳情。喏兩箇口不言心自省。今夜甚睡到得我眼裏呵。

【拙魯速】對著盞碧熒熒。短檠燈。倚著扇冷清清。舊幃屏。燈兒又不明。夢

兒又不成。窗兒外淅零零的風兒透疎櫺。忒楞楞的紙條兒鳴枕頭兒上。孤另被窩兒裏寂靜你便是鐵石人。鐵石人也動情。

【幺篇】怨不能。恨不成。坐不安。睡不寧。有一日柳遮花映。霧障雲屏。夜闌人靜。海誓山盟。恁時節風流嘉慶。錦片也似前程。美滿恩情。咯兩箇畫堂春自生。

【尾】一天好事從今定。一首詩分明照證。再不向青瑣闥夢兒中尋。則去那碧桃花樹兒下等。【下】

第四折

【潔引聰上云】今日二月十五日開啓。衆僧動法器者。請夫人小姐拈香。比及夫人未來。先請張生拈香。怕夫人問呵。則說道貧僧親者。【末上云】今日二月十五日。和尚請拈香。須索走一遭。【唱】

【雙調新水令】梵王宮殿月輪高。碧琉璃瑞煙籠罩。香煙雲蓋結。諷呪海波潮。幡影飄颻。諸檀越盡來到。

【駐馬聽】法鼓金鐸。二月春雷響殿角。鐘聲佛號。半天風雨灑松梢。侯門不許老僧敲。紗窗外定有紅娘報。害相思的饞眼腦。見他時須看箇十分飽。【末見潔科】【潔云】先生先拈香。恐夫人問呵。則說是老僧的親。【末拈香科】【唱】

【沈醉東風】惟願存在的人間壽高。亡化的天上逍遙。爲曾祖父先靈禮佛法僧三寶。焚名香暗中禱告。則願得紅娘休劣。夫人休焦。犬兒休惡。佛囉早成就了幽期密約。【夫人引旦上云】長老請拈香。小姐。嚙走一遭。【末做見科】【覷聽云】爲你志誠呵。神仙下降也。【聽云】這生卻早兩遭兒也。【末唱】

【雁兒落】我則道這玉天仙離了碧霄。元來是可意種來清醮。小子多愁多病身。怎當他傾國傾城貌。

【得勝令】恰便似檀口點櫻桃。粉鼻兒倚瓊瑤。淡白梨花面。輕盈楊柳腰。妖嬈。滿面兒撲堆著俏。苗條。一團兒衝是嬌。【潔云】貧僧一句話。夫人行取道麼。老僧有箇敝親。是箇飽學的秀才。父母亡後。無可相報。對我說。央及帶一分齋。追薦父母。貧僧一時應允了。恐夫人見責。【夫人云】長老的親。便是我的親。請來廝見咱。【末拜夫人科】【衆僧見旦發科】【唱】

【喬牌兒】大師年紀老。法座上也凝眺。舉名的班首。真呆儂。覷著法聰頭。做金磬敲。

【甜水令】老的小的。村的俏的。沒顛沒倒。勝似鬧元宵。稔色人兒。可意冤家。怕人知道。看時節。淚眼偷瞧。

【折桂令】著小生迷留沒亂。心痒難撓。哭聲兒似鶯囀喬林。淚珠兒似露滴花梢。大師也難學。把一箇發慈悲的臉兒來。朦著擊磬的頭陀。懊惱。添

香的行者心焦。燭影風搖。香靄雲飄。貪看鶯鶯燭滅香消。〔潔云〕風滅燈也。

〔末云〕小生點燈燒香。〔旦與紅云〕那生忙了一夜。〔唱〕

〔錦上花〕外像兒風流。青春年少。內性兒聰明。冠世才學。扭捏著身子兒。百般做作。來往向人前。賣弄俊俏。〔紅云〕我猜那生。黃昏這一回。白日那一覺。窗兒外那會。鑊鐸。到晚來向書幃裏。比及睡著。千萬聲長吁。捱不到曉。〔末云〕那小姐好生顧盼小生。〔唱〕

〔碧玉簫〕情引眉梢。心緒你知道。愁種心苗。情思我猜著。暢懊惱。響鐺鐺。雲板敲。行者又嚎沙彌。又哨恁。須不奪人之好。〔潔與衆僧發科〕〔動法器了。潔

搖鈴跪宣疏了燒紙科〕〔潔云〕天明了也。請夫人小姐回宅。〔末云〕再做一會也好。那裏發付小生也呵。〔唱〕

〔鴛鴦煞〕有心爭似無心好。多情卻被無情惱。勞攘了一宵。月兒沈。鐘兒

響雞兒叫。唱道是玉人歸去得疾。好事收拾得早。道場畢。諸人散了。酪子裏各歸家。葫蘆提闌到曉。〔並下〕

【絡絲娘煞尾】則爲你閉月羞花相貌。少不得剪草除根大小。

題目 老夫人閑春院 崔鶯鶯燒夜香

正名 小紅娘傳好事 張君瑞闌道場

第一本 崔鶯鶯夜聽琴

第一折

〔孫飛虎上開〕自家姓孫。名彪。字飛虎。方今上德宗卽位。天下擾攘。因主將丁文雅失政。俺分統五千人馬。鎮守河橋。近知先相公崔珏之女鶯鶯。眉黛青顰。蓮臉生春。有傾國傾城之容。西子太真之顏。見在河中府普救寺借居。我中心想來。當今用武之際。主將尙然不正。我獨廉何爲。大小三軍聽吾號令。人盡銜枚。馬皆勒口。連夜進兵河中府。擄鶯鶯爲妻。是我平

生願足。【法本慌上】誰想孫飛虎將半萬賊兵圍住寺門。鳴鑼擊鼓。吶喊搖旗。欲擄鶯鶯。小姐爲妻。我今不敢違悞。卽索報知夫人走一遭。【下】【夫人上慌云】如此卻怎了。俺同到小姐臥房裏商量去。【下】【旦引紅上云】自見了張生。神魂蕩漾。情思不快。茶飯少進。早是離人傷感。况值暮春天道。好煩惱人也呵。好句有情聯夜月。落花無語怨東風。

【仙呂八聲甘州】厭厭瘦損。早是傷神。那值殘春。羅衣寬褪。能消幾度黃昏。風裊篆煙不捲簾。雨打梨花深閉門。無語凭闌干。目斷行雲。

【混江龍】落紅成陣。風飄萬點正愁人。池塘夢曉。闌檻辭春。蝶粉輕沾飛絮雪。燕泥香惹落花塵。繫春心情短。柳絲長。隔花陰。人遠天涯近。香消了。六朝金粉。清減了三楚精神。【紅云】姐姐情思不快。我將被兒薰得香香的。睡些兒。

【旦唱】

【油葫蘆】翠被生寒壓繡裯。休將蘭麝薰。便將蘭麝薰盡。則索自溫存。昨

宵箇錦囊佳製明勾引。今日箇玉堂人物難親近。這些時坐又不安。睡又不穩。我欲待登臨又不快。閑行又悶。每日價情思睡昏昏。

【天下樂】紅娘呵。我則索搭伏定鮫綃枕頭兒上盹。但出閨門。影兒般不離身。【紅云】不干紅娘事。老夫人著我跟著姐姐來。【旦云】俺娘也好沒意思。這些時直恁般隄防著人。小梅香伏侍的勤。老夫人拘繫的緊。則怕俺女孩兒折了氣分。【紅云】姐姐往常不會如此無情無緒。自曾見了那生。便卻心事不寧。卻是如何。【旦唱】

【那吒令】往常但見箇外人。氲的早嗔。但見箇客人。厭的倒褪。從見了那人。兜的便親。想著他昨夜詩。依前韻。醉和得清新。

【鵲踏枝】吟得句兒勻。念得字兒真。詠月新詩。煞強似織錦迴文。誰肯把鍼兒將線引。向東鄰通箇慇懃。

【寄生草】想著文章士。旖旎人。他臉兒清秀身兒俊。性兒溫克情兒順。不

由人口兒裏作念心兒裏印。學得來一天星斗煥文章。不枉了十年窗下無人問。〔飛虎領兵上圍寺科〕〔下〕〔卒子內高叫云〕寺裏人聽者。限你們三日內將鶯鶯獻出來與俺將軍成親。萬事干休。三日之後不送出。伽藍盡皆焚燒。僧俗寸斬。不留一箇。〔夫人潔同上敲門了〕〔紅看了云〕姐姐。夫人和長老都在房門前。〔旦見了科〕〔夫人云〕孩兒。你知道麼。如今孫飛虎將半萬賊兵圍住寺門。道你眉黛青顰。蓮臉生春。似傾國傾城的太真。要擄你做壓寨夫人。孩兒怎生是了也。〔旦唱〕

〔六么序〕聽說罷魂離了殼。見放著裊滅身。將袖稍兒搵不住啼痕。好教我去住無因。進退無門。可著俺那塢兒裏人急偎親。孤孀子母無投奔。赤緊的先亡過了有福之人。耳邊廂金鼓連天振。征雲冉冉。土雨紛紛。〔么篇〕那廝每風聞胡云。道我眉黛青顰。蓮臉生春。恰便似傾國傾城的太真兀的不送了他三百僧人。半萬賊軍。半霎兒敢剪草除根。這廝每於

家爲國無忠信恣情的擄掠人民更將那天宮般蓋造焚燒盡則沒那諸葛孔明便待耍博望燒屯。【夫人云】老身年六十歲不爲壽夭奈孩兒年少未得從夫却如之奈何。【旦云】孩兒有一計想來則是將我與賊漢爲妻庶可免一家兒性命。【夫人哭云】俺家無犯法之男再婚之女怎捨得你獻與賊漢卻不辱沒了俺家譜。【潔云】俺同到法堂兩廊下問僧俗有高見者俺一同商議箇長便。【同到法堂科】【夫人云】小姐卻是怎生。【旦云】不如將我與賊人其便有五。【唱】

【後庭花】第一來免摧殘老太君第二來免堂殿作灰燼第三來諸僧無事得安存第四來先君靈柩穩第五來歡郎雖是未成人。【歡】俺呵打甚麼不緊。【旦】須是崔家後代孫鶯鶯爲惜已身不行從著亂軍諸僧衆汚血痕將伽藍火內焚先靈爲細塵斷絕了愛弟親割開了慈母恩。

【柳葉兒】呀將俺一家兒不留一箇齟齬待從軍又怕辱沒了家門我不

如白練套頭兒尋箇自盡。將我屍櫬獻與賊人。也須得箇遠害全身。

【青歌兒】母親都做了鶯鶯生忿。對傍人一言難盡。母親休愛惜鶯鶯這一身。恁孩兒別有一計。不揀何人。建立功勳。殺退賊軍。掃蕩妖氛。倒陪家門。情願與英雄結婚姻。成秦晉。

【夫人云】此計較可。雖然不是門當戶對。也強如陷于賊中。長老在法堂上高叫。兩廊僧俗。但有退兵之策的。倒陪房奩。斷送鶯鶯與他爲妻。

【潔叫】了住。【末鼓掌上云】我有退兵之策。何不問我。【見夫人了】

【潔云】這秀才便是前日帶追薦的秀才。【夫人云】計將安在。【末云】重賞之下。必有勇夫。賞罰若明。其計必成。

【旦背云】只願這生退了賊者。【夫人云】恰纔與長老說下。但有退得賊兵的。將小姐與他爲妻。

【末云】既是恁的。休嚇了我渾家。請入臥房裏去。俺自有退兵之策。

【夫人云】小姐和紅娘回去者。【旦對紅云】難得此生。這一片好心。

【唱】

【賺煞】諸僧衆各逃生。衆家眷誰倏問。這生不相識。橫枝兒著緊。非是善。

生多議論也。隄防著玉石俱焚。雖然是不關親。可憐見命在逡巡。濟不濟權將秀才來儘。果若有出師表文。嚇蠻書信。張生呵則願將筆尖兒橫掃了五千人。【下】

楔子

【夫人云】此事如何。【末云】小生有一計。先用著長老。【潔云】老僧不會廝殺。請秀才別換一箇。【末云】休慌。不要你廝殺。你出去與賊漢說。夫人本待便將小姐出來送與將軍。奈有父喪在身。不爭鳴鑼擊鼓。驚死小姐。也可惜了。將軍若要做女婿呵。可按甲束兵。退一射之地。限三日功德圓滿。脫了孝服。換上顏色衣服。倒陪房奩。定將小姐送與將軍。不爭便送來。一來父服在身。二來于軍不利。你去說來。【本云】三日如何。【末云】有計在後。【潔朝鬼門道叫科】請將軍打話。【飛虎卒上云】快送出鶯鶯來。【潔云】將軍息怒。夫人使老僧來與將軍說。【說如前了】。【飛虎云】既然如此。限你三日後。若不送來。我著你人人皆死。箇箇不

存。你對夫人說去。恁的這般好性兒的女婿。教他招了者。〔潔云〕賊兵退了也。三日後不送出去。便都是死的。〔末云〕小子有一故人。姓杜名確。號爲白馬將軍。見統十萬大兵。鎮守著蒲關。一封書去。此人必來救我。此間離蒲關四十五里。寫了書呵。怎得人送去。〔潔云〕若是白馬將軍肯來。何慮孫飛虎。俺這裏有一箇徒弟。喚作惠明。則是要吃酒廝打。若使央他去。定不肯去。須將言語激著他。他便去。〔末喚云〕有書寄與杜將軍。誰敢去。誰敢去。〔惠明上

唱】

【正宮端正好】不念法華經。不禮梁皇懺。彫了僧伽帽。袒下我這偏衫。殺人心逗起英雄膽。兩隻手將烏龍尾鋼椽搭。

【滾繡球】非是我貪。不是我敢。知他怎生喚做打參。大踏步直殺出虎窟龍潭。非是我攬。不是我攬。那些時吃菜饅頭。委實口淡。五千人也不索炙。博煎熅。腔子裏熱血權消渴。肺腑內生心且解饑。有甚腌臢。

【叨叨令】浮沙羹寬片粉添些雜糝。酸黃齏爛豆腐休調淡。萬餘斤黑麵從教暗。我將這五千人做一頓饅頭餛。是必休誤了也麼哥。休誤了也麼哥。包殘餘肉把青鹽蘸。【潔云】張秀才著你寄書去蒲關。你敢去麼。【惠唱】

【倘秀才】你那裏問小僧敢去也。那不敢我這裏啓大師用簪也不用簪。你道是飛虎將聲名播斗南。那廝能淫欲。會貪婪。誠何以堪。【末云】你是出家人。卻怎不看經禮懺。則厮打爲何。【惠唱】

【滾繡球】我經文也不會談。逃禪也懶去。參戒刀頭近。新來鋼蘸鐵棒上。無半星兒土漬塵緘。別的都僧不僧。俗不俗。女不女。男不男。則會齋的飽也。則向那僧房中胡揜。那裏怕焚燒了兜率伽藍。則爲那善文能武人。千里憑著這濟困扶危書一緘。有勇無慚。【末云】他倘不放你過去如何。【惠云】他不

放我呵。你放心。

【白鶴子】著幾箇小沙彌把幢幡寶蓋擎壯行者將捍棒鑊叉擔你排陣
脚將衆僧安我撞釘子把賊兵來探。

【二煞】遠的破開步將鐵棒彪近的順著手把戒刀鈿有小的提起來將
脚尖踉有大的扳下來把髑髏勸。

【一煞】噫一噫古都都翻了海波混一混廝琅琅振動山巖脚踏得赤力
力地軸搖手扳得忽刺刺天關撼。

【耍孩兒】我從來駁駁劣劣世不曾忑忑志志打熬成不厭天生敢我從
來斬釘截鐵常居一不似恁惹草粘花沒掂三劣性子人皆慘捨著命提
刀仗劍更怕甚勒馬停驂。

【二煞】我從來欺硬怕軟吃苦不甘你休只因親事胡撲俺若是杜將軍
不把干戈退張解元干將風月擔我將不志誠的言詞賺偷或紕繆倒大

羞慚【惠云】將書來你等回音者。

【收尾】恁與我助威風。搯幾聲鼓仗佛力。吶一聲喊繡旗下。遙見英雄俺。我教那半萬賊兵嚇破膽。【下】【末云】老夫人長老都放心。此書到日必有佳音。答眼

觀旌節旗。耳聽好消息。你看一封書札。逡巡至半萬雄兵咫尺來。【並下】【杜將軍引卒子上開】林下晒衣嫌日淡。池中濯足恨魚腥。花根本豔公卿子。虎體鴛班將相孫。自家姓杜名確。字君實。本貫西洛人也。自幼與君瑞同學儒業。後棄文就武。當年武舉及第。官拜征西大將軍。正授管軍元帥。統領十萬之衆。鎮守著蒲關。有人自河中來。聽知君瑞兄弟在普救寺中。不來望我。著人去請。亦不肯來。不知主甚意。今聞丁文雅失政。不守國法。剽掠黎民。我爲不知虛實。未敢造次興師。孫子曰。凡用兵之法。將受命於君。合軍聚衆。圯地無舍。衢地交合。絕地無留。圍地則謀。死地則戰。途有所不由。軍有所不擊。城有所不攻。地有所不爭。君命有所不受。故將通於九變之利者。知用兵矣。治兵不知九變之術。雖知五利。不能得人用矣。吾之未疾。進兵征討。

者爲不知地利淺深出沒之故也。昨日探聽去，不見回報。今日升帳，看有甚軍情來報。我知道者。【卒子引惠明和尚上開】【惠明云】我離了普救寺，一日至蒲關，見杜將軍走一遭。【卒報科】【將軍云】著他過來。【惠打問訊了云】貧僧是普救寺，今有孫飛虎作亂，將半萬賊兵圍住寺門，欲劫故臣崔相國女爲妻。有遊客張君瑞奉書，令小僧拜投于麾下，欲求將軍以解倒懸之危。【將軍云】將過書來。【惠投書了】【將軍拆書念曰】琪頓首再拜大元帥將軍契兄。蘇下伏自洛中拜違犀表，寒暄屢隔，積有歲月，仰德之私，銘刻如也。憶昔聯牀風雨，嘆今彼各天涯。客況復生于肺腑，離愁無慰于羈懷。念貧處十年藜藿，走困他鄉，羨威統百萬貔貅，坐安邊境。故知虎體食天祿，瞻天表大德勝常。使賤子慕台顏，仰台翰，寸心爲慰。輒稟小弟辭家，欲詣帳下，以紓數載間闊之情。奈至河中府，普救寺忽值採薪之憂，不期有賊將孫飛虎領兵半萬，欲劫故臣崔相國之女，實爲迫切狼狽。小弟之命亦在逡巡，萬一朝廷知道，其罪何歸。將軍倘不棄舊交之情，與一旅之師，上以報天子之恩，下以救蒼生之急，使故相國雖在九泉，亦不

泯將軍之德。願將軍虎視去書。使小弟鵠觀來施。造次干瀆。不勝慚媿。伏乞台照。不宣。張珙再拜。二月十六日書。【將軍云】既然如此。和尚你行。我便來。【惠明云】將軍是必疾來者。【將軍云】雖無聖旨發兵。將在軍。君命有所不受。大小三軍。聽吾將令。速點五千人馬。人盡銜枚。馬皆勒口。星夜起發。直至河中府普救寺。救張生走一遭。【引卒子上開】【將軍引卒子騎竹馬調陣拿綁下】【夫人潔同末上云】下書已兩日。不見回音。【末云】山門外吶喊搖旗。莫不是俺哥哥軍至了。【末見將軍了】【引夫人拜了】【將軍云】杜確有失防禦。至令老夫人受驚。切勿見罪。是幸。【末拜將軍了】自別兄長台顏。一向有失聽教。今得一見。如撥雲覩日。【夫人云】老身子母。如將軍所賜之命。將何補報。【將軍云】不敢。此乃職分之所當爲。敢問賢弟。因甚不至戎帳。【末云】小弟欲來。奈小疾偶作。不能動止。所以失敬。今見夫人受困。所言退得賊兵者。以小姐妻之。因此愚弟作書請吾兄。【將軍云】既然有此姻緣。可賀可賀。【夫人云】安排茶飯者。【將軍云】不索。尚有餘黨未盡。小官去捕了。卻來望賢弟。左右那裏去斬孫飛虎去。【拿賊

了】本欲斬首示衆具表奏聞見丁文雅失守之罪恐有未叛者今將爲首各杖一百餘者盡歸舊營去者【孫飛虎謝了下】【將軍云】張生建退賊之策夫人面許結親若不違前言淑女可配君子也【夫人云】恐小女有辱君子【末云】請將軍筵席者【將軍云】我不喫筵席了我回營去異日卻來慶賀【末云】不敢久留兄長有勞台候【將軍望蒲關起發】【衆念云】馬離普救敲金鐙人望蒲關唱凱歌【下】【夫人云】先生大恩不敢忘也自今先生休在寺裏下則著僕人寺內養馬足下來家內書院裏安歇我已收拾了便搬來者到明日略備草酌著紅娘來請你是必來一會別有商議【末云】這事都在長老身上【問潔云】小子親事未知何如【潔云】鶯鶯親事擬定妻君只因兵火至引起雨雲心【下】【末云】小子收拾行李去花園裏去也【下】

第一一折

【夫人上云】今日安排下小酌單請張生酬勞道與紅娘疾忙去書院中請張生著他是必

便來休推故〔下〕〔末上云〕夜來老夫人說著紅娘來請我。你怎生不見來。我打扮著等他。皂角也使過兩箇也。水也換了兩桶也。烏紗帽擦得光掙掙的。怎麼不見紅娘來也呵。〔紅娘上云〕老夫人使我請張生。我想若非張生妙計呵。俺一家兒性命難保也呵。〔唱〕

〔中呂粉蝶兒〕半萬賊兵。捲浮雲片時掃淨。俺一家兒死裏逃生。舒心的列仙靈陳水陸。張君瑞合當欽敬。當日所望無成。誰想一緘書倒爲了媒證。

〔醉春風〕今日箇東閣玳筵開。煞強如西廂和月等。薄衾單枕有人溫。早則不冷冷。受用足寶鼎香濃。繡簾風細。綠窗人靜。

〔脫布衫〕幽僻處可有人行。點蒼苔白露冷冷。隔窗兒咳嗽了一聲。〔紅敲門科〕〔末云〕是誰來也。〔紅云〕是我。他啓朱唇急來答應。〔末云〕拜揖小娘子。〔紅唱〕

〔小梁州〕則見他叉手忙將禮數迎。我這裏萬福先生。烏紗小帽耀人明。

白襪淨。角帶傲黃鞓。

【么篇】衣冠濟楚。龐兒整。可知道引動俺鶯鶯。據相貌憑才情。我從來心硬。一見了也留情。【末云】既來之。則安之。請書房內說話。小娘子此行爲何。【紅云】賤妾奉夫人嚴命。特請先生小酌數杯。勿卻。【末云】便去便去。敢問席上有鶯鶯姐姐麼。【紅唱】

【上小樓】請字兒不曾出聲。去字兒連忙答應。可早鶯鶯根前。姐姐呼之。喏喏連聲。秀才每聞道請。恰便似聽將軍嚴令。和他那五臟神願隨鞭鐙。【么篇】第一來爲壓驚。第二來因謝承。不請街坊。不會親鄰。不受人情。避衆僧請老兄。和鶯鶯匹聘。【末云】如此小生歡喜。【紅】則見他歡天喜地。謹依來命。【末云】小生客中無鏡。敢煩小娘子看小生一看何如。【紅唱】

【滿庭芳】來回顧影。文魔秀士。風欠酸丁。下工夫將額顛十分淨。遲和疾。擦倒蒼蠅。光油油耀花人眼睛。酸溜溜螫得人牙疼。【末云】夫人辦甚麼請我。

【紅】茶飯已安排定。淘下陳倉米數升。爍下七八碗軟蔓菁。【末云】小生想來自寺中一見了小姐之後。不想今日得成婚姻。豈不爲前生分定。【紅云】姻緣非人力所爲。天意爾。【快活三】嗜人一事精。百事精。一無成。百無成。世間草木本無情。自古云。地生連理木。水出並頭蓮。他猶有相兼併。

【朝天子】休道這生年紀兒後生。恰學害相思病。天生聰俊。打扮素淨。奈夜夜成孤另。才子多情。佳人薄倖。兀的不擔閣了人性命。【末云】你姐姐果有信行。【紅】誰無一箇信行。誰無一箇志誠。您兩箇今夜親折證。我囑付你咱。

【四邊靜】今宵歡慶。軟弱鶯鶯。可曾慣經。你索款款輕輕。燈下交鴛頸。端詳可憎。好煞人也無乾淨。【末云】小娘子先行。小生收拾書房。便來敢問那裏有甚麼景致。【紅云】

【耍孩兒】俺那裏落紅滿地。胭脂冷。休孤負了良辰媚景。夫人遣妾莫消

停請先生勿得推稱。俺那裏準備著鴛鴦夜月銷金帳。孔雀春風軟玉屏。樂奏合歡令。有鳳簫象板。錦瑟鸞笙。〔末云〕小生書劍飄零。無以爲財禮。卻是怎生。

〔紅唱〕

〔四煞〕聘財斷不爭。婚姻事有成。新婚燕爾安排慶。你明博得跨鳳乘鸞。客我到晚來臥看牽牛織女星。休俟倖。不要你半絲兒紅線成就了一世兒前程。

〔三煞〕憑著你滅寇功。舉將能兩般兒功效。如紅定。爲甚俺鶯娘心下十分順。都則爲君瑞胸中百萬兵。越顯得文風盛。受用足珠圍翠繞。結果了黃卷青燈。

〔二煞〕夫人只一家。老兄無伴等。爲嫌繁冗尋幽靜。〔末云〕別有甚客人。〔紅〕單請你箇有恩有義閑中客。且迴避了無是無非窗下僧。夫人的命道足。

下莫教推托。和賤妾即便隨行。【末云】小娘子先行。小生隨後便來。【紅唱】

【收尾】先生休作謙。夫人專意等。常言道恭敬不如從命。休使得梅香再來請。【下】【末云】紅娘去了。小生拽上書房門者。我比及到得夫人那裏。夫人道。張生你來了也。飲幾杯酒。去臥房內和鶯鶯做親去。小生到得臥房內。和小姐解帶脫衣。顛鸞倒鳳。同諧魚水之歡。共效于飛之願。覷他雲鬢低墜。星眼微朦。被翻翡翠。襪繡鴛鴦。不知性命何如。且看下回分解。【笑云】單羨法本好和尚也。只憑說法口。遂卻讀書心。【下】

第二折

【夫人排桌子上云】紅娘去請張生。如何不見來。【紅見夫人云】張生著紅娘先行。隨後便來也。【末上見夫人施禮科】【夫人云】前日若非先生。焉得見今日。我一家之命。皆先生所活也。聊備小酌。非爲報禮。勿嫌輕意。【末云】一人有慶。兆民賴之。此賊之敗。皆夫人之福。萬一杜將軍不至。我輩皆無免死之術。此皆往事。不必掛齒。【夫人云】將酒來。先生滿飲此。

杯。〔末云〕長者賜。少者不敢辭。〔末做飲酒科〕〔末把夫人酒了〕〔夫人云〕先生請坐。〔末云〕小子侍立座下。尙然越禮。焉敢與夫人對坐。〔夫人云〕道不得箇恭敬。不如從命。〔末謝了坐〕〔夫人云〕紅娘去喚小姐來。與先生行禮者。〔紅朝鬼門道喚云〕老夫人後堂待客。請小姐出來哩。〔旦應云〕我身子有些不停當。來不得。〔紅云〕你道請誰哩。〔旦云〕請誰。〔紅云〕請張生哩。〔旦云〕若請張生。扶病也索走一遭。〔紅發科了〕〔旦上〕免除崔氏全家禍。盡在張生半紙書。〔旦唱〕

〔雙調五供養〕若不是張解元識人多。別一箇怎退干戈。排著酒果。列著笙歌。篆煙微。花香細。散滿東風。簾幙。救了。嗒全家禍。殷勤呵。正禮欽敬呵。當合。

〔新水令〕恰纔向碧紗窗下。畫了雙蛾。拂拭了羅衣上。粉香浮汚。則將指尖兒輕輕的貼了鈿窩。若不是驚覺人呵。猶壓著繡衾臥。〔紅云〕覷俺姐姐這

箇臉兒吹彈得破。張生有福也呵。【旦唱】

【么篇】沒查沒利。謊僂科。你道我宜梳妝的臉兒。次彈得破。【紅云】俺姐姐天生的。一箇夫人的樣兒。【旦】你那裏休聒不當。一箇信口開合。知他命福是。如何。我做一箇夫人也做得過。【紅云】往常兩箇都害。今日早則喜也。【旦唱】

【喬木查】我相思爲他。他相思爲我。從今後兩下裏相思都較可。酬賀間禮當酬賀。俺母親也好心多。【紅云】敢著小姐和張生結親呵。怎生不做大筵席會親戚朋友。安排小酌爲何。【旦云】紅娘你不知夫人意。

【攪箏琶】他怕我是陪錢貨。兩當一便成合。據著他舉將除賊也消得家緣。過活費了甚一股。那便待要結絲羅。休波。省人情的妳妳忒慮過。恐怕張羅。【末云】小子更衣咱。【做撞見旦科】【旦唱】

【慶宣和】門兒外簾兒前。將小脚兒那。我恰待日轉秋波。誰想那識空便

的靈心兒早瞧破。說得我倒趣。倒趣。〔末見旦科〕〔夫人云〕小姐近前拜子哥哥者。

〔末背云〕呀。聲息不好了也。〔旦云〕呀。俺娘變了卦也。〔紅云〕這相思又索害也。〔旦唱〕

〔雁兒落〕荆棘刺怎動那。死沒騰無回豁。措支刺不對答。軟兀刺難存坐。
〔得勝令〕誰承望這卽卽世。世老婆婆。著鶯鶯做妹妹。拜哥哥。白茫茫溢起藍橋水。不鄧鄧點著祆廟火。碧澄澄清波。撲刺刺將比目魚分破。急攘攘因何。挖搭地把雙眉鎖。納合。〔夫人云〕紅娘看熱酒。小姐與哥哥把盞者。〔旦唱〕

〔甜水令〕我這裏粉頸低垂。蛾眉頻蹙。芳心無那。俺可甚相見話偏多。星眼朦朧。檀口嗟咨。擷容不過。這席面兒暢好是烏合。〔旦把酒科〕〔夫人央科〕

〔末云〕小生量窄。〔旦云〕紅娘接了臺盞者。〔唱〕

〔折桂令〕他其實燕不下玉液金波。誰承望月底西廂。變做了夢裏南柯。泪眼偷淹。酩子裏搵濕香羅。他那裏眼倦開軟癱。做一垛我這裏手難擡。

稱不起肩窩病染沈疴斷然難活。則被你送了人呵。當甚麼僕儼〔夫人云〕
再把一盞者〔紅遞了盞〕〔紅背與旦云〕姐姐這煩惱怎生是了〔旦唱〕

〔月上海棠〕而今煩惱猶閑可。久後思量怎奈何。有意訴衷腸。爭奈母親
側坐成拋擻。咫尺間如間闊。

〔么篇〕一杯悶酒尊前過。低首無言自摧挫。不甚醉顏酡。卻早嫌玻璃盞
大從因我。酒上心來覺可。〔夫人云〕紅娘送小姐臥房裏去者〔旦辭末出科〕〔旦云〕
俺娘口不應心也呵。

〔喬牌兒〕老夫人轉關兒沒定奪。啞謎兒怎猜破。黑閣落甜話兒將人和。
請將來著人不快活。

〔江兒水〕佳人自來多命薄。秀才每從來懦悶殺沒頭鵝。撇下陪錢貨。下
場頭那答兒發付我。

【殿前歡】恰纔箇笑呵呵。都做了江州司馬淚痕多。若不是一封書將半萬賊兵破俺一家兒。怎得存活。他不想結姻緣想甚麼。到如今難著摸。老夫人謊到天來大。當日成也是恁箇母親。今日敗也是恁箇蕭何。

【離亭宴帶歇拍煞】從今後玉容寂寞梨花朵。胭脂淺淡櫻桃顆。這相思何時是可昏鄧鄧黑海來深。白茫茫陸地來厚。碧悠悠青天來闊。太行山般高仰望東洋海般深思渴。毒害的恁麼俺娘呵。將顛巍巍雙頭花蕊撻。香馥馥同心縷帶割長攙攙連理瓊枝挫。白頭娘不負荷青春女成擔閣。將俺那錦片也似前程蹬脫。俺娘把甜句兒落空了他。虛名兒誤賺了我。

【下】【末云】小生醉也告退。夫人跟前欲一言以盡意。未知可否。前者賊寇相迫。夫人所言能退賊者以鶯鶯妻之。小生挺身而出。作書與杜將軍。庶幾得免夫人之禍。今日命小生赴宴。將謂有喜慶之期。不知夫人何見。以兄妹之禮相待。小生非圖補啜而來。此事果若不諧。小生卽

當告退。【夫人云】先生縱有活我之恩。奈小姐先相國在日。曾許下老身姪兒鄭恆。卽日有書赴京喚去了。未見來。如若此子至。其事將如之何。莫若多以金帛相酬。先生揀豪門貴宅之女。別爲之求。先生台意若何。【末云】旣然夫人不與。小生何慕金帛之色。卻不道書中有女顏如玉。則今日便索告辭。【夫人云】你且住者。今日有酒也。紅娘扶將哥哥去書房中歇息。到明日。咱別有話說。【紅扶末科】【末念】有分只熬蕭寺夜。無緣難遇洞房春。【紅云】張生少喫一錢卻不好。【末云】我吃甚麼來。【末跪紅科】小生爲小姐晝夜忘食廢寢。魂勞夢斷。常忽忽如有所失。自寺中一見。隔牆酬和。迎風帶月。受無限之苦楚。甫能得成就婚姻。夫人變了卦。使小生智竭思窮。此事幾時是了。小娘子怎生可憐見小生。將此意伸與小姐。知小生之心。就小娘子前。解下腰間之帶。尋箇自盡。【末念】可憐刺股懸梁志。險作離鄉背井魂。【紅云】街上好賤柴。燒你箇傻角。你休慌。妾當與君謀之。【末云】計將安在。小生當築壇拜將。【紅云】妾見先生有囊琴一張。必善于此。俺小姐深慕于琴。今夕妾與小姐同至花園內燒夜香。但聽咳嗽爲令。

先生動操。看小姐聽得時。說甚麼言語。卻將先生之言達知。若有話說。明日妾來回報。這早晚怕夫人尋我回去也。【下】

第四折

【末上云】紅娘之言。深有意趣。天色晚也。月兒。你早些出來麼。【焚香了】呀。卻早發播也。呀。卻早撞鐘也。【做理琴科】琴呵。小生與足下湖海相隨數年。今夜這一場大功。都在你這神品金徽玉軫。蛇腹斷紋。嶧陽焦尾。冰絃之上。天那。卻怎生借得一陣順風。將小生這琴聲吹入俺那小姐玉琢成粉。捏就知音的耳。躲裏去者。【旦引紅上紅云】小姐燒香去來。好明月也呵。【旦云】事已無成。燒香何濟。月兒。你團圓呵。嗒。卻怎生。【唱】

【越調鬪鶴鶉】雲歛晴空。冰輪乍湧。風掃殘紅。香堦亂擁。離恨千端。閑愁萬種。夫人那。靡不有初。鮮克有終。他做了箇影兒裏的情郎。我做了箇畫兒裏的愛寵。

【紫花兒序】則落得心兒裏念想口兒裏閑題。則索向夢兒裏相逢。俺娘昨日箇大開東閣。我則道怎生般炮鳳烹龍。朦朧可教我翠袖慙勤捧玉鍾。卻不道主人情重。則爲那兒妹排連。因此上魚水難同。【紅云】姐姐你看月闌。明日敢有風也。【旦云】風月天邊有人間好事無。【唱】

【小桃紅】人間看波玉容深鎖繡幃中。怕有人搬弄。想嫦娥西沒東生有誰共怨。天宮裴航不作遊仙夢。這雲似我羅幃數重。只恐怕嫦娥心動。因此上圍住廣寒宮。【紅做咳嗽科】【末云】來了。【做理琴科】【旦云】這甚麼響。【紅發科】

【旦唱】

【天淨沙】莫不是步搖得寶髻玲瓏。莫不是裙拖得環珮玎珰。莫不是鐵馬兒簷前驟風。莫不是金鈎雙控。吉丁當敲響簾櫳。

【調笑令】莫不是梵王宮。夜撞鐘。莫不是疎竹瀟瀟曲檻中。莫不是牙尺

剪刀聲相送。莫不是漏聲長滴響。壺銅潛身再聽在牆角。東元來是近西廂。理結絲桐。

【禿廝兒】其聲壯似鐵騎刀鎗。冗冗其聲幽似落花流水溶溶。其聲高似風清月朗。鶴唳空其聲低似聽兒女語。小窗中喁喁。

【聖藥王】他那裏思不窮。我這裏意已通。嬌鸞雛鳳失雌雄。他曲未終我意轉濃。爭奈伯勞飛燕各西東。盡在不言中。我近書窗聽咱。【紅云】姐姐。你這裏聽我瞧夫人一會便來。【末云】窗外是有人。已定是小姐。我將弦改過。彈一曲就歌一篇。名曰鳳求凰。昔日司馬相如得此曲成事。我雖不及相如。願小姐如有文君之意。【歌曰】有美人兮。見之不忘。一日不見兮。思之如狂。鳳飛翩翩兮。四海求凰。無奈佳人兮。不在東牆。張絃代語兮。欲訴衷腸。何時見許兮。慰我彷徨。願言配德兮。攜手相將。不得于飛兮。使我淪亡。【旦云】是彈得好也。呵。其詞哀。其意切。淒淒然如鶴唳天。故使妾聞之不覺淚下。【唱】

【麻郎兒】這的是令他人耳聰訴自己情衷。知音者芳心自懂。感懷者斷腸悲痛。

【么篇】這一篇與本宮始終不同。又不是清夜聞鐘。又不是黃鶴醉翁。又不是泣麟悲鳳。

【絡絲娘】一字字更長漏永。一聲聲衣寬帶鬆。別恨離愁變做一弄。張生阿越教人知重。【末云】夫人且做忘恩。小姐你也說謊也呵。【旦云】你差怨了我。【唱】

【東原樂】這的是俺娘的機變。非干是妾身脫空。若由得我呵。乞求得効鸞鳳。俺娘無夜無明。併女工。我若得些兒閑空。張生呵。怎教你無人處把妾身作誦。

【綿搭絮】疎簾風細。幽室燈清。都則是一層兒紅紙。幾塊兒疎櫺。兀的不。是隔著雲山幾萬重。怎得箇人來信息通。便做道十二巫峯。他也曾賦高

唐來夢中【紅云】夫人尋小姐哩。啞家去來【旦唱】

【拙魯速】則見他走將來氣沖沖。怎不教人恨匆匆。嚇得人來怕恐。早是不曾轉動。女孩兒家直恁響喉嚨。緊摩弄。索將他攔縱。則恐怕夫人行。把我來廝葬送【紅云】姐姐。則管里聽琴。怎麼張生著我對姐姐說。他回去也【旦云】好姐姐。呵。是必再著住一程兒【紅云】再說甚麼【旦云】你去呵【唱】

【尾】則說道夫人時下有人啣膿。好共歹不著你落空。不問俺口不應的。狠毒娘。怎肯著別離了志誠種【並下】

【絡絲娘煞尾】不爭惹恨牽情鬪引。少不得廢寢忘餐病證。

題目 張君瑞破賊計 莽和尚生殺心

正名 小紅娘晝請客 崔鶯鶯夜聽琴

第二本 張君瑞害相思

楔子

【旦上云】自那夜聽琴後聞說張生有病我如今著紅娘去書院裏看他說甚麼【叫紅科】
【紅上云】姐姐喚我不知有甚事須索走一遭【旦云】這般身子不快呵你怎麼不來看我
【紅云】你想張【旦云】張甚麼【紅云】我張著姐姐哩【旦云】我有一件事央及你咱【紅云】甚麼事【旦云】你與我望張生去走一遭看他說甚麼你來回我話者【紅云】我不去
夫人知道不是耍【旦云】好姐姐我拜你兩拜你便與我走一遭【紅云】侍長請起我去則
便了說道張生你好生病重則俺姐姐也不弱只因午夜調琴手引起春閨愛月心【唱】

【仙呂賞花時】俺姐姐鍼綫無心不待拈脂粉香消懶去添春恨壓眉尖
若得靈犀一點敢醫可了病懨懨【下】【旦云】紅娘去了看他回來說甚麼話我自
有主意【下】

第一折

【末上云】害殺小生也。自那夜聽琴之後，再不能勾見俺那小姐。我著長老說將去。道張生好生病重，卻怎生不見人來看我。卻思量上來。我睡些兒咱。【紅上云】奉小姐言語，著我看張生，須索走一遭。我想咱每一家，若非張生，怎存俺一家兒性命也。【唱】

【仙呂點絳脣】相國行祠，寄居蕭寺，因喪事，幼女孤兒，將欲從軍死。

【混江龍】謝張生伸志，一封書到便興師。顯得文章有用，足見天地無私。若不是翦草除根，半萬賊險些兒滅門絕戶了俺一家兒。鶯鶯君瑞許配雄雌，夫人失信推託別詞，將婚姻打滅，以兄妹爲之。如今都廢卻成親事，一箇價糊突了胸中錦繡，一箇價淚搵溼了臉上胭脂。

【油葫蘆】憔悴潘郎鬢有絲，杜韋娘不似舊時帶圍寬，清減了瘦腰肢。一箇睡昏昏不待觀經史，一箇意懸懸懶去拈鍼指，一箇絲桐上调弄出離恨譜，一箇花牋上刪抹成斷腸詩，一箇筆下寫幽情，一箇絃上傳心事，兩

下裏都一樣害相思。

【天下樂】方信道才子佳人信有之。紅娘看時。有些乖性兒。則怕有情人不遂心也似此。他害的有些抹媚。我遭著沒三思。一納頭安排著憔悴死。卻早來到書院裏。我把唾津兒潤破窗紙。看他在書房裏做甚麼。

【村里迓鼓】我將這紙窗兒溼破。悄聲兒窺視。多管是和衣兒睡起。羅衫上前襟褶。孤眠况味。淒涼情緒。無人伏侍。覷了他澀滯氣色。聽了他微弱聲息。看了他黃瘦臉兒。張生呵。你若不悶死。多應是害死。

【元和令】金釵敲門扇兒。【末云】是誰。【紅唱】我是箇散相思的五瘟使。俺小姐想著風清月朗夜深時。使紅娘來探爾。【末云】既然小娘子來。小姐必有言語。

【紅唱】俺小姐至今脂粉未曾施。念到有一千番張殿試。【末云】小姐既有見憐之心。小生有一簡敢煩小娘子達知肺腑。【紅云】只恐他番了面皮。

【上馬嬌】他若是見了這詩。看了這詞。他敢顛倒費神思。他拽扎起面皮來。查得誰的言語你將來。這妮子怎敢胡行事。他可敢嘖嘖的扯做了紙條兒。【末云】小生久後多以金帛拜酬小娘子。【紅唱】

【勝葫蘆】哎你箇饞窮酸。俵沒意兒賣弄你有家私。莫不圖謀你東西來。到此先生的錢物。與紅娘做賞賜。是我愛你的金貲。

【么篇】你看人似桃李春風牆外枝。賣俏倚門兒。我雖是箇婆娘有氣志。則說道可憐見小子。隻身獨自。恁的呵。顛倒有箇尋思。【末云】依著姐姐。可憐

見小生隻身獨自。【紅云】兀的不是也。你寫來嚙與你將去。【末寫科】【紅云】寫得好呵。讀與我聽。【末讀云】琪百拜奉書芳卿。可人妝次。自別顏範。鴻稀鱗絕。悲愴不勝。孰料夫人以恩成怨。變易前姻。豈得不爲失信乎。使小生目視東牆。恨不得腋翅於妝臺左右。患成思渴。垂命有日。因紅娘至。聊奉數字。以表寸心。萬一有見憐之意。書以擲下。庶幾尙可保養。造次不謹。伏

乞情怨後成五言詩一首就書錄呈相思恨轉添謾把瑤琴弄樂事又逢春芳心爾亦動此情不可違芳譽何須奉莫負月華明且憐花影重【紅唱】

【後庭花】我則道拂花牋打稿兒元來他染霜毫不勾思先寫下幾句寒溫序後題著五言八句詩不移時把花牋錦字疊做箇同心方勝兒忒聰明忒煞思忒風流忒浪子雖然是假意兒小可的難到此

【青歌兒】顛倒寫鴛鴦兩字方信道在心爲志看喜怒其間覷箇意兒放心波學士我願爲之並不推辭自有言詞則說道昨夜彈琴的那人兒教傳示【紅云】這箇帖兒我與你將去先生當以功名爲念休墮了志氣者【唱】

【寄生草】你將那偷香手準備著折桂枝休教那淫詞兒污了龍蛇字藕絲兒縛定鷓鴣翅黃鶯兒奪了鴻鵠志休爲這翠幃錦帳一佳人誤了你玉堂金馬三學士【末云】姐姐在意者【紅云】放心放心【唱】

【煞尾】沈約病多般。宋玉愁無二。清減了相思樣子。嗒眉眼傳情未了時。中心日夜藏之。怎敢因而有美玉於斯。我須教有發落歸著這張紙。憑著我舌尖兒上說詞。更和這簡帖兒裏心事。管教那人兒來探你一遭兒。【下】

【末云】小娘子將簡帖兒去了。不是小生說口。則是一道會親的符籙。他明日回話。必有箇次第。且放下心。須索好音來也。且將宋玉風流策。寄與蒲東窈窕娘。【下】

第一折

【旦上云】紅娘伏侍老夫人。不得空。偌早晚敢待來也。困思上來再睡些兒。咱。【睡科】

【紅上云】奉小姐言語。去看張生。因伏侍老夫人。未曾回小姐話去。不聽得聲音。敢又睡哩。我入去看一遭。【唱】

【中呂粉蝶兒】風靜簾閑。透紗窗麝蘭香散。啓朱扉。搖響雙環。絳臺高。金荷小。銀釭猶燦。比及將暖帳輕彈。先揭起這梅紅羅軟簾。偷看。

【醉春風】則見他釵驪玉橫斜。髻偏雲亂挽。日高猶自不明眸。暢好是懶懶。【旦做起身長歎科】【紅唱】半晌擡身。幾回搔耳。一聲長歎。【紅云】我待便將這簡帖兒與他。恐俺小姐有許多假處哩。我則將這簡帖兒放在妝盒兒上。看他見了說甚麼。【旦做照鏡科見帖看科】【紅唱】

【普天樂】曉妝殘。烏雲驪輕勻了粉臉。亂挽起雲鬟。將簡帖兒拈。把妝盒兒按。開拆封皮。孜孜看顛來倒去。不害心煩。【旦怒叫】紅娘。【紅做意云】呀。決撒了也。厭的早挖皺了黛眉。【旦云】小賤人不來怎麼。【紅唱】忽的波低垂了粉頸。氲的呵改變了朱顏。【旦云】小賤人這東西那裏將來的。我是相國的小姐。誰敢將這簡帖來戲弄我。我幾曾慣看這等東西。告過夫人。打下你箇小賤人下截來。【紅云】小姐使將我去。他著我將來。我不識字。知他寫著甚麼。【唱】

【快活三】分明是你過犯。沒來由把我摧殘。使別人顛倒惡心煩。你不慣

誰曾慣 姐姐休鬧。比及你對夫人說呵。我將這簡帖兒去。夫人行出首去來。【旦做揪住科】我逗你要來。【紅云】放手。看打下下截來。【旦云】張生兩日如何。【紅云】我則不說。【旦云】好姐姐。你說與我聽。咱。【紅唱】

【朝天子】張生近間。面顏瘦得來。實難看。不思量。茶飯怕見動。憚。曉夜將佳期盼。廢寢忘餐。黃昏清旦。望東牆。淹淚眼。【旦云】請箇好太醫。看他證候。咱。【紅云】他證候吃藥不濟。病患要安。則除是出幾點風流汗。【旦云】紅娘。不看你面時。我將與老夫人看看。他有何面目見夫人。雖然我家虧他。只是兄妹之情。焉有外事。紅娘。早是你口穩哩。若別人知呵。甚麼模樣。【紅云】你哄着誰哩。你把這箇餓鬼弄的他七死八活。卻要怎麼。

【四邊靜】怕人家調犯。早共晚夫人見些三破綻。他我何安。問甚麼他遭危難。攔斷得上竿。掇了梯兒看。【旦云】將描筆兒過來。我寫將去。回他。著他下次休是這

般【旦做寫科】【起身科云】紅娘你將去說小姐看望先生相待兄妹之禮如此非有他意再一遭兒是這般呵必告夫人知道和你箇小賤人都有說話【旦擲書下】【紅唱】

【脫布衫】小孩兒家口沒遮欄一迷的將言語摧殘把似你使性子休思量秀才做多少好人家風範【紅做拾書科】

【小梁州】他爲你夢裏成雙覺後單廢寢忘餐羅衣不奈五更寒愁無限寂寞淚闌干

【么篇】似這等辰勾空把佳期盼我將這角門兒世不曾牢拴則願你做夫妻無危難我向這筵席頭上整扮做一箇縫了口的撮合山【紅云】我若不去來道我違拘他那生又等我回報我須索走一遭【下】【末上云】那書倩紅娘將去未見回話我這封書去必定成事這早晚敢待來也【紅上】須索回張生話去小姐你性兒忒慣得嬌了有前日的心那得今日的心來【唱】

【石榴花】當日箇晚妝樓上杏花殘。猶自怯衣單。那一片聽琴心清露月明間。昨日箇向晚。不怕春寒。幾乎險被先生饌。那其間豈不胡顏。爲一箇不酸不醋風魔漢。隔牆兒險化做了望夫山。

【鬪鶴鶉】你用心兒撥雨撩雲。我好意兒傳書寄簡。不肯搜自己狂爲。則待要覓別人破綻。受艾焙權時忍這番。暢好是奸。張生是兄妹之禮。焉敢如此。

對人前巧語花言。沒人處便想張生。背地裏愁眉淚眼。【紅見末科】【末云】小娘子來了。擎天柱大事如何了也。【紅云】不濟事了。先生休憊。【末云】小生簡帖兒是一道會親的符籙。則是小娘子不用心。故意如此。【紅云】我不用心有天理。你那簡帖兒好聽。

【唱】

【上小樓】這的是先生命慳。須不是紅娘違慢。那簡帖兒到做了你的招狀。他的勾頭我的公案。若不是覷面顏。廝顧盼。擔饒輕慢。先生受罪禮之當。

當然賤妾何辜。爭些三兒把你娘拖犯。

【么篇】從今後相會少。見面難。月暗西廂。鳳去秦樓。雲歛巫山。你也越我也越。請先生休訕。早尋箇酒闌人散。【紅云】只此再不必申訴。足下肺腑。怕夫人尋我回去也。【末云】小娘子此一遭去。再著誰與小生分割。必索做一箇道理。方可救得小生一命。【末跪下揪住紅科】【紅云】張先生是讀書人。豈不知此意。其事可知矣。【唱】

【滿庭芳】你休要呆里撒奸。你待要恩情美滿。卻教我骨肉摧殘。老夫人手執著棍兒。摩娑看。麤麻綾怎透得鍼關。直待我拄著拐幫閑鑽懶。縫合唇送暖偷寒。待去呵。小姐性兒撮鹽入火。消息兒踏著泛。待不去呵。【末跪哭云】

小生這一箇性命都在小娘子身上。【紅唱】禁不得你甜話兒熱趲。好著我兩下裏做人難。我沒來由分說小姐回與你的書。你自看者。【末接科開讀科】呀。有這場喜事。撮土焚香。三拜禮畢。早知小姐簡至。理合遠接。接待不及。勿令見罪。小娘子和你也歡喜。【紅

云】怎麼【末云】小姐罵我都是假書中之意。著我今夜花園裏來。和他哩也波哩也囉哩【紅云】你讀書我聽【末云】待月西廂下。迎風戶半開。隔牆花影動。疑是玉人來【紅云】怎見得他著你來。你解與我聽咱【末云】待月西廂下。著我月上來。迎風戶半開。他開門待我。隔牆花影動。疑是玉人來。著我跳過牆來【紅笑云】他著你跳過牆來。你做下來。端的有此說麼【末云】俺是箇猜詩謎的社家。風流隋何。浪子陸賈。我那裏有差的勾當【紅云】你看姐姐。在我行也。使這般道兒【唱】

【耍孩兒】幾曾見寄書的顛倒。瞞著魚雁。小則小心腸兒轉關。寫著道西廂待月。等得更闌。著你跳東牆。女字邊。千元來。那詩句兒裏。包籠著二更。棗簡帖兒裏。埋伏著九里山。他著緊處。將人慢。恁會雲雨。鬧中取靜。我寄音書。忙裏偷閑。

【四煞】紙光明玉板。字香噴麝蘭。行兒邊。涇透非春汗。一緘滿淚紅猶溼。

滿紙春愁墨未乾。從今後休疑難。放心波玉堂學士。穩情取金雀鷓鬟。

【三煞】他人行別樣的親。俺根前取次看。更做道孟光接了梁鴻案。別人行甜言美語三冬暖。我根前惡語傷人六月寒。我爲頭兒看看你箇離魂倩女。怎發付擲果潘安。【末云】小生讀書人。怎跳得那花園過也。【紅唱】

【二煞】隔牆花又低。迎風戶半拴。偷香手段今番按。怕牆高怎把龍門跳。嫌花密難將仙桂攀。放心去休辭憚。你若不去呵。望穿他盈盈秋水。蹙損了淡淡春山。【末云】小生曾到那花園裏。已經兩遭不見那好處。這一遭知他又怎麼。【紅云】如今不比往常。【唱】

【煞尾】你雖是去了兩遭。我敢道不如這番。你那隔牆酬和都胡侃。證果的是今番這一簡。【紅下】【末云】萬事自有分定。誰想小姐有此一場好處。小生是猜詩謎的社家。風流隋何。浪子陸賈。到那裏挖扎幫便倒地。今日頹天百般的難得晚。天你有萬物

於人何故爭此一日。疾下去波。讀書繼晷怕黃昏。不覺西沈強掩門。欲赴海棠花下約。太陽何苦又生根。〔看天云〕呀。纔晌午也。再等一等。又看咱今日萬般的難得下去也。呵。碧天萬里無雲。空勞倦客身心。恨殺太陽貪戰。不教紅日西沈。呀。卻早倒西也。再等一等咱。無端三足烏團團光燦燦。安得后羿弓。射此一輪落。謝天地。卻早日下去也。呀。卻早發播也。呀。卻早撞鐘也。拽上書房門。到得那里。手挽著垂楊。滴流撲跳過牆去。〔下〕

第二折

〔紅上云〕今日小姐著我寄書與張生。當面偌多般意見。元來詩內暗約著他來。小姐也不對我說。我也不瞧破他。則請他燒香。今夜晚妝處。比每日較別。我看他到其間怎的瞞我。〔紅喚科〕姐姐。嚙燒香去來。〔旦上云〕花陰重疊香風細。庭院深沈淡月明。〔紅云〕今夜月明風清好。一派景致也。呵。〔唱〕

〔雙調新水令〕晚風寒峭透窗紗。控金鈎繡簾不挂門闌。疑暮靄樓角歛。

殘霞恰對菱花樓上晚妝罷。

【駐馬聽】不近喧譁嫩綠池塘藏睡鴨自然幽雅淡黃楊柳帶棲鴉金蓮
蹴損牡丹芽玉簪抓住荼蘼架夜涼苔徑滑露珠兒濕透了凌波鞵我看
那生和俺小姐巴不得到晚【唱】

【喬牌兒】自從那日初時想月華捱一刻似一夏見柳梢斜日遲遲下早
道好教賢聖打。

【攪箏琶】打扮的身子兒詐準備著雲雨會巫峽只爲這燕侶鶯儔鎖不
住心猿意馬不則俺那小姐害那生呵二三日來水米不黏牙因姐姐閉月
羞花真假這其間性兒難按納一地裏胡拏這湖山下立地我開了寺里角門兒
怕有人聽俺說話我且看一看【做意了】偌早晚傻角卻不來赫赫赤赤來【末云】這其間正
好去也赫赫赤赤【紅云】那鳥來了【紅唱】

【沈醉東風】我則道槐影風搖暮鴉。元來是玉人帽側烏紗。一箇潛身在曲檻邊。一箇背立在湖山下。那裏敘寒溫。並不曾打話。【紅云】赫赫赤赤。那鳥來了。【末云】小姐你來也。【摟住紅科】【紅云】禽獸是我。你看得好仔細著。若是夫人怎了。【末云】小生害得眼花。摟得慌了些兒。不知是誰望乞恕罪。【紅唱】便做道摟得慌呵。你也索覷咱。多管是餓得你箇窮神眼花。【末云】小姐在那裏。【紅云】在湖山下。我問你咱。真箇著你來哩。【末云】小生猜詩謎社家。風流隋何。浪子陸賈。准定挖扎幫便倒地。【紅云】你休從門裏去。則道我使你來。你跳過這牆去。今夜這一弄兒。助你兩箇成親。我說與你。依著我者。【唱】

【喬牌兒】你看那淡雲籠月華。似紅紙護銀蠟。柳絲花朵垂簾下。綠莎茵鋪著繡榻。

【甜水令】良夜迢迢。閑庭寂靜。花枝低亞。他是箇女孩兒家。你索將性兒

溫存話兒摩弄。意兒謙洽。休猜做敗柳殘花。

【折桂令】他是嬌嬌滴滴美玉無瑕。粉臉生春。雲鬢堆鴉。恁的般受怕擔驚。又不圖甚浪酒閑茶。則你那夾被兒時當奮發。指頭兒告了消乏。打疊起嗟呀。畢罷了牽挂收拾了憂愁。準備著撐達。【末作跳牆樓旦科】【旦云】是誰。【末云】是小生。【旦怒云】張生。你是何等之人。我在這裏燒香。你無故至此。若夫人聞知。有何理說。【末云】呀。變了卦也。【紅唱】

【錦上花】爲甚媒人心無驚怕。赤緊的夫妻每意不爭差。我這裏躡足潛蹤。悄悄聽咱。一箇羞慚。一箇怒發。張生無一言。呀。鶯鶯變了卦。一箇悄悄冥冥。一箇絮絮答答。卻早禁住隋何。迸住陸賈。叉手躬身。妝聾做啞。張生。背地裏嘴那裏去了。向前樓住丟番。告到官司怕羞了你。【唱】

【清江引】沒人處則會閒嗑牙。就里空奸詐。怎想湖山邊。不記西廂下。香

美娘處分破花木瓜【旦】紅娘有賊【紅云】是誰【末云】是小生【紅云】張生你來這裏有甚麼勾當【旦云】捲到夫人那裏去【紅云】到夫人那裏恐壞了他行止我與姐姐處分他一場張生你過來跪着你既讀孔聖之書必達周公之禮夤夜來此何幹【唱】

【雁兒落】不是俺一家兒喬作衙說幾句衷腸話我則道你文學海樣深誰知你色膽有天來大【紅云】你知罪麼【末云】小生不知罪【紅唱】

【得勝令】誰著你夤夜入人家非姦做賊拏你本是箇折桂客做了偷花漢不想去跳龍門學騙馬姐姐且看紅娘面饒過這生者【旦云】若不看紅娘面扯你

到夫人那裏去看你有何面目見江東父老起來【紅唱】謝小姐賢達看我面遂情罷若到官司詳察你既是秀才只合苦志於寒窗之下誰教你夤夜輒入人家花園做得箇

非姦卽盜先生呵整備著精皮膚吃頓打【旦云】先生雖有活人之恩恩則當報既爲兄妹何生此心萬一夫人知之先生何以自安今後再勿如此若更爲之與足下決無干休

【下】末朝鬼門道云。你著我來。卻怎麼有偌多說話。【紅扳過末云】羞也羞也。卻不風流。隋何浪子陸賈。【末云】得罪波社家。今日便早則死心塌地。【紅唱】

【離亭宴帶歇拍煞】再休題春宵一刻千金價。準備著寒窗更守十年寡。猜詩謎的杜家竹拍了迎風戶。半開山障了隔牆花影動。綠慘了待月西廂下。你將何郎粉面搽。他自把張敞眉兒畫。彊風情措大。晴乾了尤雲殢雨心。悔過了竊玉偷香膽。刪抹了倚翠偎紅話。【末云】小生再寫一簡。煩小娘子將去。以盡衷情如何。【紅唱】淫詞兒早則休。簡帖兒從今罷。猶古自參不透風流調法。從今後悔罪也。卓文君。你與我學去波漢司馬。【下】末云。你這小姐送了人也。此一念。小生再不敢舉。柰有病體日篤。將如之柰。何夜來得簡。方喜今日強扶至此。又值這一場怨氣。眼見休也。則索回書房中納悶去。桂子閑中落。槐花病裏看。【下】

第四折

【夫人上云】早間長老使人來說。張生病重。我著長老使人請箇太醫去。看了一壁道與紅娘。看哥哥行問湯藥去者。問太醫下甚麼藥。證候如何。便來回話。【下】【紅上云】老夫人纔說。張生病沈重。昨夜吃我那一場氣。越重了。鶯鶯呵。你送了他人。【下】【旦上云】我寫一簡。則說道藥方。著紅娘將去與他。證候便可。【旦喚紅科】【紅云】姐姐喚紅娘怎麼。【旦云】張生病重。我有一箇好藥方兒。與我將去。【紅云】又來也。娘呵。休送了他人。【旦云】好姐姐。救人一命。將去。【紅云】不是你。一世也救他不得。如今老夫人使我去哩。我就與你將去。走一遭。【下】【旦云】紅娘去了。我繡房裏等他回話。【下】【末上云】自從昨夜花園中吃了這一場氣。投著舊證候。眼見得休了也。老夫人說著長老喚太醫來看我。我這顏證候。非是太醫所治的。則除是那小姐美甘甘。香噴噴。涼漚漚。嬌滴滴。一點唾津兒。嚥下去。這扁病便可。【潔引太醫上。雙鬪醫科範了。】【下】【潔云】下了藥了。我回夫人話去。少刻再來相望。【下】【紅上云】俺小姐送得人如此。又著我去動問。送藥方兒去。越著他病沈了也。我索走。

一遭。

【越調鬪鶴鶉】則爲你彩筆題詩。迴文織綿。送得人臥枕著牀。忘餐廢寢。折倒得鬢似愁潘。腰如病沈。恨已深。病已沈。昨夜箇熱臉兒對面搶白。今日箇冷句兒將人廝侵。昨夜這般搶白他呵。

【紫花兒序】把似你休倚著權門兒待月。依著韻腳兒聯詩。側著耳朵兒聽琴。見了他。撇假偌多話。張生。我與你兄妹之禮。甚麼勾當。怒時節把一箇書生來

迭嗽。歡時節紅娘好姐姐去望他一遭。將一箇侍妾來逼臨。難禁好著我似綫

脚兒般殷勤不離了鍼。從今後教他一任。這的是俺老夫人的不是。將人的義

海恩山。都做了遠水遙岑。【紅見末問云】哥哥病體若何。【末云】害殺小生也。我若

是死呵。小娘子閻王殿前少不得你做箇干連人。【紅歎云】普天下害相思的。不似你這箇

傻角。

【天淨紗】心不存學海文林。夢不離柳影花陰。則去那竊玉偷香上用心。又不曾得甚。自從海棠開。想到如今。【紅云】你因甚的便病得這般了。【末云】都因你行怕說的謊。因小侍長上來。當夜書房。一氣一箇死。小生救了人。返被害了。自古人云。癡心女子負心漢。今日返其事了。【紅唱】

【調笑令】我這裏自審。這病爲邪淫。尸骨崑崑鬼病侵。更做道秀才每。從來恁似這般乾相思的好撒。唾功名上早則不遂心。婚姻上更返吟復吟。【紅云】老夫人著我來看哥哥。要甚麼湯藥。小姐再三伸敬。有一藥方。送來與先生。【末做慌科】在那裏。【紅云】用著幾般兒生藥。各有制度。我說與你。

【小桃紅】桂花搖影夜深沈。酸醋當歸浸。【末云】桂花性溫。當歸活血。怎生制度。【紅唱】面靠著湖山背。陰里窸這方兒。最難尋。一服兩服。令人恁。【末云】忌甚麼物。【紅唱】忌的是知母未寢。怕的是紅娘撒沁。吃了呵。穩情取使君子。

一星兒參。【紅云】這藥方兒小姐親筆寫的。【末看藥方大笑科】【末云】早知姐姐書來只合遠接小娘子。【紅云】又怎麼卻早兩遭兒也。【末云】不知這首詩意。小姐待和小生理也波哩。【紅云】不少了一些兒。【唱】

【鬼二臺】足下其實嚇休妝。笑你箇風魔的翰林。無處問佳音。向簡帖兒上計稟。得了箇紙條兒。恁般綿裏鍼。若見玉天仙。怎生軟廝禁。俺那小姐忘恩。赤緊的。儂人負心。【紅云】書上如何說你讀與我聽。【末念云】休將閑事苦縈懷。取次摧殘天賦才。不意當時完妾命。豈防今日作君災。仰圖厚德難從禮。謹奉新詩可當媒。寄與高唐休詠賦。今宵端的雨雲來。此韻非前日之比。小姐必來。【紅云】他來呵怎生。【唱】

【禿廝兒】身臥著一條布衾。頭枕著二尺瑤琴。他來時怎生和你一處寢。凍得來戰兢兢。說甚知音。

【聖藥王】果若你有心。他有心。昨日鞦韆院宇夜深沈。花有陰。月有陰。春

宵一刻抵千金。何須詩對會家吟。【末云】小生有花銀十兩，有鋪蓋賃與小生一付。

【紅唱】

【東原樂】俺那鴛鴦枕，翡翠衾，便遂殺了人心。如何肯賃，至如你不脫解和衣兒更怕甚。不强如手執定指尖兒，恁倘或成親倒大來福廕。【末云】小生爲小姐，如此容色，莫不小姐爲小生也。減動丰韻麼。【唱】

【綿搭絮】他眉彎遠山不翠，眼橫秋水無光。體若凝酥，腰如弱柳，俊的是龐兒俏的是心。體態溫柔，性格兒沈。雖不會法灸神鍼，更勝似救苦難觀世音。【末云】今夜成了事，小生不敢有忘。【紅唱】

【么篇】你口兒裏謾沈吟，夢兒裏苦追尋。往事已沈，只言目今，今夜相逢管教恁不圖你甚。白璧黃金，則要你滿頭花拖地錦。【末云】怕夫人拘繫，不能勾出來。【紅云】則怕小姐不肯，果有意呵。【唱】

【煞尾】雖然是老夫人曉夜將門禁。好共歹須教你稱心。【末云】休是昨夜不肯。【紅云】你掙揣咱來時節。肯不肯盡由他。見時節親不親在於您。【並下】

【絡絲娘煞尾】因今宵傳言送語。看明日攜雲握雨。

題目 老夫人命醫士 崔鶯鶯寄情詩

正名 小紅娘問湯藥 張君瑞害相思

第四本 草橋店夢鶯鶯

楔子

【旦上云】昨夜紅娘傳簡去與張生。約今夕和他相見。等紅娘來做箇商量。【紅上云】姐姐著我傳簡兒與張生。約他今宵赴約。俺那小姐我怕又有說謊。送了他性命。不是耍處。我見小姐看他說甚麼。【旦云】紅娘收拾臥房。我睡去。【紅云】不爭你要睡呵。那裏發付那生。【旦云】甚麼那生。【紅云】姐姐你又來也。送了人性命。不是耍處。你若又番悔。我出首與夫

人你著我將簡帖兒約下他來。〔旦云〕這小賤人到會放刁，羞人答答的怎生去。〔紅云〕有甚的羞，到那裏則合著眼者。〔紅催鶯云〕去來去來，老夫人睡了也。〔旦走科〕〔紅云〕俺姐姐語言雖是強，脚步兒早先行也。〔唱〕

〔仙呂端正好〕因姐姐玉精神，花模樣，無倒斷曉夜思量，著一片志誠心，蓋抹了漫天謊。出畫閣向書房離楚岫，赴高唐學竊玉，試偷香。巫娥女，楚襄王，楚襄王敢先在陽臺上。〔下〕

第一折

〔未上云〕昨夜紅娘所遺之簡，約小生今夜成就，這早晚初更盡也不見來呵。小姐休說謊，咱人間良夜靜不靜，天上美人來不來。〔唱〕

〔仙呂點絳脣〕竚立閑階，夜深香靄橫金界，瀟灑書齋，悶殺讀書客。

〔混江龍〕彩雲何在，月明如水浸樓臺，僧居禪室，鴉噪庭槐，風弄竹聲則

道似金珮響。月移花影疑。是玉人來。意懸懸業眼。急穰穰情懷。身心一片。無處安排。則索呆答孩倚定門兒待。越越的青鸞信杳。黃犬音乖。小生一日十二時無一刻放下小姐。你那裏知道呵。【唱】

【油葫蘆】情思昏昏眼倦開。單枕側。夢魂飛入楚陽臺。早知道無明無夜。因他害。想當初不如不遇傾城色。人有過必自責。勿憚改。我卻待賢賢易色將心戒。怎禁他兜的上心來。

【天下樂】我則索倚定門兒手托腮。好著我難猜。來也那不來。夫人行料應難離。側望得人眼欲穿。想得人心越窄。多管是冤家不自在。偌早晚不來。莫不又是說謊麼。【唱】

【那吒令】他若是肯來。早身離貴宅。他若是到來。便春生敝齋。他若是不來。似石沈大海。數著他脚步兒行。倚定窗櫺兒待。寄語多才。

【鵲踏枝】恁的般惡搶白。並不曾記心懷。撥得箇意轉心回。夜去明來。空調眼色。經今半載。這其間委實難捱。小姐這一遭若不來呵。

【寄生草】安排著害。準備著擡。想著這異鄉身強把茶湯捱。則爲這可憎才熬得心腸耐。辦一片志誠心留得形骸在。試著那司天臺打算半年愁。端的是太平車約有十餘載。【紅上云】姐姐。我過去你在這裏。【紅敲科】【末問云】是誰。【紅云】是你前世的娘。【末云】小姐來麼。【紅云】你接了衾枕者。小姐入來也。張生。你怎麼謝我。【末拜云】小生一言難盡。寸心相報。惟天可表。【紅云】你放輕者。休諛了他。【紅推旦入云】姐姐你入去。我在門兒外等你。【末見旦跪云】張生有何德能。敢勞神仙下降。知他是睡裏

夢裏。【唱】

【村裏迓鼓】猛見他可憎模樣。小生那裏得病來。早醫可九分不快。先前見責。誰承望。今宵歡愛。著小姐這般用心。不才張珙。合當跪拜。小生無宋

玉般容。潘安般貌。子建般才。姐姐。你則是可憐見。爲人在客。

【元和令】繡鞋兒剛半拆。柳腰兒勾一搦。羞答答不肯把頭擡。只將鴛枕。捱雲鬟彷彿墜金釵。偏宜鬢髻兒歪。

【上馬嬌】我將這紐扣兒鬆。把樓帶兒解。蘭麝散幽齋。不良會把人禁害。哈。怎不肯回過臉兒來。

【勝葫蘆】我這裏軟玉溫香抱滿懷。呀。阮肇到天台。春至人間花弄色。將柳腰款擺。花心輕折。露滴牡丹開。

【么篇】但蘸著些兒麻上來。魚水得和諧。嫩蕊嬌香蝶恣採。半推半就。又驚又愛。檀口搵香腮。【末跪云】謝小姐不棄。張珙今夕得就枕席。異日犬馬之報。【旦云】妾千金之軀。一旦棄之。此身皆託於足下。勿以他日見棄。使妾有白頭之歎。【末云】小生焉敢

如此。【末看手帕科】

【後庭花】春羅元瑩白。早見紅香點嫩色。【旦云】羞人答答的看甚麼。【末】燈下偷睛覷胸前。著肉揣。暢奇哉。渾身通泰。不知春從何處來。無能的張秀才。孤身西洛客。自從逢稔色。思量的不下懷。憂愁因間隔。相思無擺劃。謝芳卿不見責。

【柳葉兒】我將你做心肝兒般看待。點污了小姐清白。忘餐廢寢舒心害。若不是真心耐。志誠捱。怎能勾這相思苦盡甘來。

【青哥兒】成就了今宵歡愛。魂飛在九霄雲外。投至得見你多情小妳妳。憔悴形骸。瘦似麻穉。今夜和諧。猶似疑猜。露滴香埃。風靜閑階。月射書齋。雲鎖陽臺。審問明白。只疑是昨夜夢中來。愁無奈。【旦云】我回去也。怕夫人覺來尋我。【末云】我送小姐出來。

【寄生草】多丰韻。忒稔色。乍時相見教人害。霎時不見教人怪。些兒得見

教人愛。今宵同會碧紗廚。何時重解香羅帶。【紅云】來拜你娘。張生你喜也。姐姐。嗒家去來。【末唱】

【煞尾】春意透酥胸。春色橫眉黛。賤卻人間玉帛。杏臉桃腮。乘著月色嬌滴滴。越顯得紅白。下香階。懶步蒼苔。動人處。弓鞋鳳頭窄。歎鰕生不才。謝多嬌錯愛。若小姐不棄小生。此情一心者。你是必破工夫。明夜早些來。【下】

第一一折

【夫人引徠上云】這幾日竊見鶯鶯。語言恍惚。神思加倍。腰肢體態。比向日不同。莫不做下來了麼。【徠云】前日晚夕。奶奶睡了。我見姐姐和紅娘燒香。半晌不回來。我家去睡了。【夫人云】這樁事都在紅娘身上。喚紅娘來。【徠喚紅科】【紅云】哥哥喚我怎麼。【徠云】妳妳知道你和姐姐去花園裏去。如今要打你哩。【紅云】呀。小姐你帶累我也。小哥哥你先去我。便來也。【紅喚旦科】【紅云】姐姐事發了也。老夫人喚我哩。卻怎了。【旦云】好姐姐。遮蓋咱。

【紅云】娘呵你做的穩秀者。我道你做下來也。【旦念】月圓便有陰雲蔽花發。須教急雨催。【紅唱】

【越調鬪鶴鶉】則著你夜去明來。到有箇天長地久。不爭你握雨攜雲。常使我提心在口。則合帶月披星。誰著你停眠整宿。老夫人心教多。情性儻使不著我巧語花言。將沒做有。

【紫花兒序】老夫人猜那窮酸做了新婿。小姐做了嬌妻。這小賤人做了擗頭俺小姐。這些時春山低翠。秋水凝眸。別樣的都休。試把你裙帶兒拴。紐門兒扣。比著你舊時肥瘦。出落得精神。別樣的風流。【旦云】紅娘。你到那裏。小心回話者。【紅云】我到夫人處。必問這小賤人。

【金蕉葉】我著你但去處行監坐守。誰著你迤逗的胡行亂走。若問著此一節呵。如何訴休。你便索與他箇知情的犯由。姐姐你受責理當。我圖甚麼來。

【調笑令】你繡幃裏效綢繆。倒鳳顛鸞百事有。我在窗兒外幾曾經咳嗽。立蒼苔將繡鞋兒冰透。今日箇嫩皮膚倒將麈棍抽。姐姐呵。俺這通股勤的著甚來由。姐姐在這裏等著。我過去說過呵。休歡喜。說不過。休煩惱。【紅見夫人科】夫人云。小賤人爲甚麼不跪下。你知罪麼。【紅跪云】紅娘不知罪。夫人云。你故自口強哩。若實說呵。饒你。若不實說呵。我直打死你這箇賤人。誰著你和小姐花園裏去來。【紅云】不曾去。誰見來。夫人云。歡郎見你去來。尙故自推哩。【打科】【紅云】夫人休閃了手。且息怒。停嗔。聽紅娘說。【唱】

【鬼三台】夜坐時停了鍼繡。共姐姐閑窮究。說張生哥哥病久。咯兩箇背著夫人。向書房問候。夫人云。問候呵。他說甚麼。【紅云】他說來道。老夫人事已休。將恩變爲讎。著小生半途喜變做憂。他道紅娘你且先行。教小姐權時落後。夫人云。他是箇女孩兒家。著他落後麼。【紅唱】

【禿廝兒】我則道神鍼法灸誰承望燕侶鶯儔他兩箇經今月餘則是一處宿何須你一一問緣由。

【聖藥王】他每不識憂不識愁一雙心意兩相投夫人得好休便好休這其間何必苦追求常言道女大不中留【夫人云】這端事都是你箇賤人【紅云】非是張生小姐紅娘之罪乃夫人之過也【夫人云】這賤人到指下我來怎麼是我之過【紅云】信者人之根本人而無信不知其可也大車無輓小車無軌其何以行之哉當日軍圍普救夫人所許退軍者以女妻之張生非慕小姐顏色豈肯區區建退軍之策兵退身安夫人悔卻前言豈得不爲失信乎既然不肯成其事只合酬之以金帛令張生捨此而去卻不當留請張生於書院使怨女曠夫各相早晚窺視所以夫人有此一端目下老夫人若不息其事一來辱沒相國家譜二來張生日後名重天下施恩於人忍令返受其辱哉使至官司夫人亦得治家不嚴之罪官司若推其詳亦知老夫人背義而忘恩豈得爲賢哉紅娘不敢自尊乞望夫人台鑒

莫若恕其小過。成就大事。擱之以去其污。豈不爲長便乎。〔唱〕

【麻郎兒】秀才是文章魁首。姐姐是仕女班頭。一箇通徹三教九流。一箇曉盡描鸞刺繡。

【么篇】世有便休罷手。大恩人怎做敵頭。起白馬將軍故友。斬飛虎叛賊草寇。

【絡絲娘】不爭和張解元參辰卯酉。便是與崔相國出乖弄醜。到底干連者自己骨肉。夫人索窮究。〔夫人云〕這小賤人也道得是。我不合養了這箇不肖之女。待經官呵。玷辱家門。罷罷。俺家無犯法之男。再婚之女。與了這廝罷。紅娘喚那賤人來。〔紅見旦云〕且喜姐姐。那棍子則是滴溜溜在我身上。吃我直說過了。我也怕不得許多。夫人如今喚你來。待成合親事。〔旦云〕羞人答答的。怎麼見夫人。〔紅云〕娘根前有甚麼羞。

【小桃紅】當日箇月明纔上柳梢頭。卻早人約黃昏後。羞的我腦背後將

牙兒襯著衫兒袖。猛凝眸看時節。則見鞋底尖兒瘦。一箇恁情的不休。一箇啞聲兒廝縛。吓。那其間可怎生不害半星兒羞。【旦見夫人科】夫人云。鴛鴦我怎生擡舉你來。今日做這等的勾當。則是我的孽障。待怨誰的是。我待經官來。辱沒了你父親。這等事。不是俺相國人家的勾當。罷罷罷。誰似俺養女的不長俊。紅娘書房裏喚將那禽獸來。【紅喚末科】末云。小娘子喚小生做甚麼。【紅云】你的事發了也。如今夫人喚你來。將小姐配與你哩。小姐先招了也。你過去。【末云】小生惶恐。如何見老夫人。當初誰在老夫人行說來。【紅云】休伴小心過去便了。

【小桃紅】既然泄漏怎干休。是我相投首。俺家裏陪酒陪茶倒攔就。你休愁。何須約定通媒媁。我棄了部署不收。你元來苗兒不秀。吓。你是箇銀樣蠟鎗頭。【末見夫人科】夫人云。好秀才呵。豈不聞非先王之德行不敢行。我待送你去官司裏去來。恐辱沒了俺家譜。我如今將鴛鴦與你爲妻。則是俺三輩見不招白衣女婿。你明日

便上朝取應去。我與你養着媳婦。得官呵。來見我。駁落呵。休來見我。〔紅云〕張生早則喜也。

〔東原樂〕相思事。一筆勾。早則展放從前眉兒皺。美愛幽歡恰動頭。既能勾。張生你覷兀的般可喜娘龐兒。也要人消受。〔夫人云〕明日收拾行裝。安排果酒。請長老一同送張生。到十里長亭去。〔旦念〕寄與西河隄畔柳。安排青眼送行人。〔同夫人

下〕〔紅唱〕

〔收尾〕來時節畫堂簫鼓鳴春晝。列着一對兒鸞交鳳友。那其間纔受你說媒紅。方吃你謝親酒。〔並下〕

第二折

〔夫人長老上云〕今日送張生赴京。十里長亭。安排下筵席。我和長老先行。不見張生小姐來到。〔旦末紅同上〕〔旦云〕今日送張生上朝取應。早是離人傷感。况值那暮秋天氣。好煩惱人也呵。悲歡聚散一杯酒。南北東西萬里程。〔唱〕

【正宮端正好】碧雲天。黃花地。西風緊。北鴈南飛。曉來誰染霜林醉。總是離人淚。

【滾繡毬】根相見得遲。怨歸去得疾。柳絲長。玉驄難繫。恨不倩疏林挂住。斜暉馬兒。迤迤的行。車兒快快的隨。卻告了相思。迴避破題兒。又早別離。聽得一聲去也。鬆了金釧。迤望見十里長亭。減了玉肌。此恨誰知。【紅云】姐姐今日怎麼不打扮。【旦云】你那知我的心裏呵。【唱】

【叨叨令】見安排著車兒馬兒。不由人熬熬煎煎的氣。有甚麼心情花兒鬢兒。打扮的嬌嬌滴滴的媚。準備著被兒枕兒。則索昏昏沈沈的睡。從今後衫兒袖兒都搵做重重疊疊的淚。兀的不悶殺人也麼歌。兀的不悶殺人也麼歌。久已後書兒信兒。索與我恹恹惶惶的寄。【做到】【見夫人科】【夫人云】張生和長老坐。小姐這壁坐。紅娘將酒來。張生。你向前來。是自家親眷。不要迴避。俺今

日將鶯鶯與你。到京師休辱末了俺孩兒。掙揣一箇狀元回來者。【末云】小生託夫人餘蔭。憑著胸中之才。視官如拾芥耳。【潔云】夫人主見不差。張生不是落後的人。【把酒了坐】。【旦長吁科】。【唱】

【脫布衫】下西風黃葉紛飛。染寒煙衰草萋迷。酒席上斜簽著坐的。蹙愁眉死臨侵地。

【小梁州】我見他閣淚汪汪不敢垂。恐怕人知。猛然見了把頭低。長吁氣。推整素羅衣。

【幺篇】雖然久後成佳配。奈時閒怎不悲嘆。意似癡。心如醉。昨宵今日。清減了。小腰圍。【夫人云】小姐把盞者。【紅遞酒旦把盞長吁科云】請吃酒。【唱】

【上小樓】合歡未已。離愁相繼。想著俺前暮私情。昨夜成親。今日別離。我諗知這幾日相思滋味。卻元來此別離情更增十倍。

【幺篇】年少呵。輕遠別。情薄呵。易棄擲。全不想腿兒相挨。臉兒相偎。手兒相攜。你與俺崔相國做女婿。妻榮夫貴。但得一箇並頭蓮。煞強如狀元及第。【紅云】姐姐。不曾吃早飯。飲一口兒湯水。【旦云】紅娘。甚麼湯水。嚥得下。【唱】

【滿庭芳】供食太急。須臾對面。頃刻別離。若不是酒席間子母。每當迴避。有心待與他舉案齊眉。雖然是廝守得一時半刻。也合著俺夫妻每共桌而食。眼底空留意。尋思起。就裏險化做望夫石。【夫人云】紅娘把盞者。【紅把酒科】【旦唱】

【快活三】將來的酒共食。嘗著似土和泥。假若便是土和泥。也有些土氣息。泥滋味。

【朝天子】煖溶溶。玉醅白。冷冷似水。多半是相思淚。眼面前。茶飯怕不待要吃。恨塞滿愁腸。胃蝸角虛名。蠅頭微利。拆鴛鴦在兩下裏。一箇這壁。一

箇那壁一遞一聲長吁氣。【夫人云】輛起車兒俺先回去小姐隨後和紅娘來。【下】【末辭潔科】【潔云】此一行別無話兒貧僧準備買登科錄看做親的茶飯少不得貧僧的先生在。意鞍馬上保重者從今經懺無心禮專聽春雷第一聲。【下】【旦唱】

【四邊靜】霎時間杯盤狼籍車兒投東馬兒向西兩意徘徊落日山橫翠。知他今宵宿在那裏有夢也難尋覓。【旦云】張生此一行得官不得官疾便回來

【末云】小生這一去白奪一箇狀元正是青霄有路終須到金榜無名誓不歸。【旦云】君行別無所贈口占一絕爲君送行棄擲今何在當時且自親還將舊來意憐取眼前人。【末云】小姐之意差矣張琪更敢憐誰謹廣一絕以剖寸心。人生長遠別孰與最關情不遇知音者誰憐長歎人。【旦唱】

【耍孩兒】淋漓襟袖唬紅淚比司馬青衫更溼伯勞東去燕西飛未登程先問歸期雖然眼底人千里且盡生前酒一杯未飲心先醉眼中流血心

裏成灰。

【五煞】到京師服水土。趁程途節飲食。順時自保揣身體。荒村雨露宜眠早。野店風霜要起遲。鞍馬秋風裏。最難調護。最要扶持。

【四煞】這憂愁訴與誰。相思只自知。老天不管人憔悴。淚添九曲黃河溢。恨壓三峯華岳低。到晚來悶把西樓倚。見了些夕陽古道。衰柳長隄。

【三煞】笑吟吟一處來。哭嘸嘸獨自歸。歸家若到羅幃裏。昨宵箇繡衾香暖。留春住。今夜箇翠被生寒。有夢知。留戀你別無意見。據鞍上馬。閣不住。淚眼愁眉。【未云】有甚言語。囑付小生咱。【旦唱】

【二煞】你休憂文齊福不齊。我則怕你停妻再娶妻。休要一春魚雁無消息。我這裏青鸞有信頻須寄。你卻休金榜無名誓不歸。此一節君須記。若見了那異鄉花草。再休似此處棲遲。【未云】再誰似小姐。小生又生此念。【旦唱】

【一煞】青山隔送行。疏林不做美。淡煙暮靄相遮蔽。夕陽古道無人語。禾黍秋風聽馬嘶。我爲甚麼懶上車兒內。來時甚急去後何遲。【紅云】夫人去好一會。姐姐咱家去。【旦唱】

【收尾】四圍山色中。一鞭殘照裏。遍人間煩惱填胸臆。量這些大小車兒如何載得起。【旦紅下】【末云】僕童趕早行一程兒。早尋箇宿處。泪隨流水急。愁逐野雲飛。【下】

第四折

【末引僕騎馬上開】離了蒲東早三十里也。兀的前面是草橋店里。宿一宵。明日趕早行。這馬百般兒不肯走。行色一鞭催去馬。羈愁萬斛引新詩。【唱】

【雙調新水令】望蒲東蕭寺暮雲遮。慘離情半林黃葉。馬遲人意懶。風急雁行斜。離恨重疊。破題兒第一夜。想著昨日受用。誰知今日淒涼。【唱】

【步步嬌】昨夜箇翠被香濃薰蘭麝。欵珊枕把身軀兒起。臉兒廝搵者。仔細端詳。可憎的別鋪雲鬢玉梳斜。恰便似半吐初生月。早至也。店小二哥那裏。
【小二哥上云】官人俺這頭房裏下。
【末云】琴童接了馬者。點上燈。我諸般不要吃。則要睡些兒。
【僕云】小人也辛苦待歇息也。
【在牀前打鋪做睡科】
【末云】今夜甚睡得到我眼裏來也。

【唱】

【落梅花】旅館欵單枕。秋蛩鳴四野。助人愁的是紙窗兒風裂。乍孤眠被兒薄又怯。冷清清幾時溫熱。
【末睡科】
【旦上云】長亭畔別了張生。好生放不下。老夫人和梅香都睡了。我私奔出城。趕上和他同去。
【唱】

【喬木查】走荒郊曠野。把不住心嬌怯。喘吁吁難將兩氣接。疾忙趕上者。打草驚蛇。

【攪箏琶】他把我心腸撻。因此不避路途賒。瞞過俺能拘管的夫人。穩住。

俺廝齊攢的侍妾。想著他臨上馬痛傷嗟。哭得我也似癡呆。不是我心邪。自別離已後。到西日初斜。愁得來陡峻。瘦得來啣。則離得半箇日頭。却早又寬掩過翠裙。三四褶。誰曾經這般磨滅。

【錦上花】有限姻緣。方纔窸貼。無奈功名。使人離缺。害不了的愁懷。卻纔覺些。掉不下的思量。如今又也。清霜淨碧波。白露下黃葉。下下高高。道路凹折。四野風來。左右亂。惹我這裏奔馳。他何處困歇。

【清江引】呆答孩店房兒裏沒話說。悶對如年夜。暮雨催寒蛩。曉風吹殘月。今宵酒醒何處也。【旦云】在這箇店兒裏。不免敲門。【末云】誰敲門哩。是一箇女人的聲音。我且開門看咱。這早晚是誰。【唱】

【慶宣和】是人呵。疾忙快分說。是鬼呵。合速滅。【旦云】是我。老夫人睡了。想你去。了呵。幾時再得見。特來和你同去。【末】聽說罷。將香羅袖兒拽。卻元來是姐姐。姐

姐難得小姐的心勤【唱】

【喬牌兒】你是爲人須爲徹。將衣袂不藉。繡鞋兒被露水泥沾惹。脚心兒管踏破也。【旦云】我爲足下呵。顧不得迢遞。【旦唧唧了】

【甜水令】想著你廢寢忘餐。香消玉減。花開花謝。猶自覺爭些。便枕冷衾寒。鳳隻鸞孤。月圓雲遮。尋思來有甚傷嗟。

【折桂令】想人生最苦離別。可憐見千里關山。獨自跋涉。似這般割肚牽腸。到不如義斷恩絕。雖然是一時間花殘月缺。休猜做瓶墜簪折。不戀豪傑。不羨驕奢。生則同衾。死則同穴。【外淨一行扮卒子上叫云】恰纔見一女子渡河。不知那裏去了。打起火把者。分明見他走在這店中去也。將出來。將出來。【末云】卻怎了。【旦云】你近後。我自開門對他說。【唱】

【水仙子】硬圍著普救寺下。鍬掘強當住咽喉。仗劍鉞。賊心腸。饞眼腦。天

生得劣。〔卒子云〕你是誰家女子。夤夜渡河。〔旦唱〕休言語。靠後些。杜將軍你知道他是英傑。覷一覷著你爲了醯醬。指一指教你化做膏血。騎著匹白馬來也。〔卒子搶旦下〕〔末驚覺云〕呀。元來卻是夢裏。且將門兒推開看。只見一天露氣。滿地霜華。曉星初上。殘月猶明。無端燕鵲高枝上。一枕鶯鶯夢不成。〔唱〕

〔雁兒落〕綠依依牆高柳半遮。靜悄悄門掩清秋夜。疏刺刺林梢落葉風。昏慘慘雲際穿窗月。

〔得勝令〕驚覺我的是顛巍巍竹影走龍蛇。虛飄飄莊周夢蝴蝶。絮叨叨促織兒無休歇。韻悠悠砧聲兒不斷絕。痛煞煞傷別急煎煎好夢兒應難捨。冷清清的咨嗟。嬌滴滴玉人兒何處也。〔僕云〕天明也。嚙早行一程兒。前面打火去。〔末云〕店小二哥。還你房錢。鞦了馬者。〔唱〕

〔鶯鶯煞〕柳絲長咫尺情牽惹。水聲幽彷彿人嗚咽。斜月殘燈半明不滅。

唱道是舊恨連絲。新愁鬱結。恨塞離愁。滿肺腑難淘瀉。除紙筆代喉舌。千種相思對誰說。【並下】

【絡絲娘煞尾】都則爲一官半職。阻隔得千山萬水。

題目 小紅娘成好事 老夫人問由情

正名 短長亭斟別酒 草橋店夢鶯鶯

崔鶯鶯待月西廂記雜劇終



跋

實甫名德信。大都人。太和正音譜評其曲如花間美人。鋪叙委婉。深得騷人之趣。極有佳句。若玉環之出浴華清。綠珠之採蓮洛浦。所作計十四種。僅存四丞相高會麗春堂。與西廂記二種。麗春堂見元曲選已集上。鍾嗣成錄鬼簿作四天王歌舞麗春堂。西廂記傳本至多。經徐文長。王伯良。陳眉公。李卓吾。王思任。金聖歎諸家評點。幾失原書面目。茲刊據明閱遇五本。當較可信。貶茶船。芙蓉亭皆殘帙。姑附及之。前按實甫生平無考。麗春堂譜金章宗時事。末云齊仰賀。當今聖上。王國維遂疑爲作於金代。蓋實甫亦由金入元者。諸劇究成於何時。要未敢貿然斷定耳。乙亥秋月。盧前記於柴室。

王實甫雜劇

跋



元劇拾遺一一

金陵盧 前校輯

王實甫雜劇殘本二種

蘇小卿月夜貶茶船

【中呂粉蝶兒】這些時浪靜風恬。再不去喚官身題名兒。差占直睡到上紗窗紅日淹淹。從今後管家私學針指。畢罷了花濃酒醞。一會家暗掐春纖。我這里數歸期。故人作念。

【醉春風】舊約信難憑。新愁眉帶臉。落紅滿地不鈎簾。把朱扉半掩。掩怕對菱花照人憔悴。不似我舊時嬌艷。

【迎仙客】靈鵲兒噪綠槐。喜珠兒掛在垂簷。不由我腮斗兒上喜孜孜。堆着笑臉。這書寫時節。帶着些愁眉。封時節和泪粘。折開封皮仔細觀瞻。我

與你一字字從頭數念。

【石榴花】原來這負心的真個不中粘。想當初啜賺我話兒甜。則好去破
窰中捱風雪受蘸鹽。那時節謹廉君子謙謙。賚發的赴科場纔把鰲頭占。
風塵行不待占粘。如今這七香車五花誥無憑驗。到做了脫擔兩頭尖。

【鬪鶻鶻】則有分泪眼愁眉。無福受金花翠鬢。我這里按不住長吁。搵不
乾不乾泪點。誰承望你半路里將人來死拋閃。恩情似水底鹽。到罵我做
路柳牆花。顧不的桃腮杏臉。

【上小樓】也是我那前世里緣。也是我今生少欠。賚發的他應舉求官。獨
步青霄折桂攀蟾。受了些老母嚴。女伴每喏。何曾心厭兀的。可不虧負殺
小卿雙漸。

【么】有一日見了他。我和他便有甚臉。若見俺那負德辜恩短命敲才。敢

喫我會搥打楸擗見放着海神廟有報應爺爺靈驗看你這個負心賊恁
般短監。

【十二月】這廝把鶯花來熱粘俺娘將才禮錢忙苦你道是先憂來後喜
我着你有苦無甜請學士先生吊賺快疾忙歸去陶潛

【堯民歌】使了些精銀夯鈔買人嫌把這廝剔了髓挑了筋剮了肉不傷
廉我從來針頭線角不曾拈我則會付粉施朱對妝奩心嚴財錢信口添
着這廝喫我會開荒劍

【耍孩兒】俺伴是風流俊俏潘安臉怎覷那向日頭權兒的嘴臉喬趨踉
宜舞一張掀怎和他送春情眼角眉尖我心裏不愛他心裏愛正是家菜
不甜野菜甜覷不的喬鋪苫看了他村村棒棒怎和他等等潛潛

【二煞】你休誇七步才連敢道三個鹽九江絕品三江湫倚仗你茶多強

挽爭着買。倚仗着錢多熱死粘。眼見的泥中陷。赤緊的泛茶的客富。更和這愛鈔的娘嚴。

【尾聲】往常時一迷里嫌。到今日都是詔。汝陽齋眼見撇下坑塹。不隄防腦背後將咱這一閃。

王彩雲絲竹芙蓉亭

【點絳脣】天霽雲開。月華精彩南樓外。行過庭堦。我潛立在湖山側。

【混江龍】今夜箇百無妨碍。洗乾坤風露淨塵埃。冷清清風搖翠竹。白冷冷露滴蒼苔。風力緊寒侵金縷衣。露華涼冰透綉羅鞋。慢移蓮步。欵轉雕欄。簾篩月影。燈晃書齋。又不敢呼名道姓。我則索躡足潛踪。悄聲兒獨立在窗兒外。想着我懷兒中受用。我怕甚末這臉兒上搶白。

【油葫蘆】着我這瘦聳聳香肩將門扇挨。你是猜止不過月明千里故人

來可交我後園中晚謁文章伯。你不肯秦樓夜訪金釵客。外面兒模樣好。就里最爲事歹。我不比你窮酸餓醋交君恠。不放參緊閉定看書齋。

【天下樂】却做了十謁朱門九不開。書房中好幽哉。不曾有俗客來將舊幃屏幾扇兒門下擺。戀蝴蝶床榻兒窄。夢梅花紙帳兒矮。秀才呵也是我成人來不自在。

【村重迓古】你休交一時風火燒了。嚼百年恩愛。則爲你衾寒枕冷。咱廝敬重。一家無外。你這般假古懶。驕分粧。芟台孩。可知道死了杜甫。亡了韓愈。淪殺李白。我道來你可甚賢賢易色。

【元和令】他有那曹子建七步才。還不了龐居士一分債。他那般氣昂昂。胸次捲江淮。你可甚酒量寬似海。則想我夜深私出綉房來。實不不耽着利害。

【上馬嬌】一來是天帝差。二來是緣分該。則你那嚇宋玉自裁割。待將這無出路巫娥推在門外。我爲甚來干交我空下楚陽臺。

【遊四門】却正是疾蕤妙上野花開。可不道疑是玉人來。則爲你冷清清難把長更捱。堦下亂蛩哀。哈。我特地探多才。

【勝葫蘆】枉交我倚定門兒手托腮。休將那不觀事的話兒揣。小的每天生酒量窄。道的我速速的眼跳。氳氳的耳熱。忽忽的瞭雙腮。

【么篇】你見我兩朵桃花上臉來。則怕你悔後也棟梁才。哎。你箇秉燭顏叔自鑿戒。兀的般月斜風細。更闌人靜。天上巧安排。

【後庭花】你親的論孟白。主婚的唐後策。送女客霜毫筆。守親的是石硯臺。你旣怕女裙釵。無心耽待。枉將你廝定害。王子高不好色。周瓊姬忒分外。卓文君他事不諧。

【柳葉兒】呀。哎。你箇漢相如休恠。則要你溫和我浸冷的羅鞋。我羞答答的懶把門程驀。哎。你箇梁山伯不采我祝英臺。羞的我怏怏而來。

【寄生草】你則怕耽煩惱。惹罪責。爲姪兒恐怕尊姑恠。書生不好陰人愛。你莫不一家兒受了康禪戒。量這箇彩雲喫打有何羞。尙兀自文王下馬將荆條拜。

【尾聲】得了首有分斷腸詞。自惹下場無倒斷想思債。這一箇小書舍天寬地窄。又不比對天地說盟山言誓海。常則是似今夜魚水和諧。謹裁排我怎肯交信斷音乖。則要你常是臨風戶半開。來日箇一更左側我則索倚門兒等待。我則等的夫人燒罷夜香來。



王實甫雜劇存目

東海郡于公高門

孝父母明達賈子

曹子建七步成章

才子佳人拜月庭

呂蒙正風雪破窑記

趙光普進梅諫

詩酒麗春園

陸績懷橘

雙蓮怨

王實甫雜劇存目

嬌紅記



晚
進
王
生
雜
劇

晚進王生雜劇

圍棋闖局

晚進王生雜劇





晚進王生雜劇

圍棋闖局

【旦扮鶯引旦俵扮紅上旦云】自從寺中見了那秀才。便有些心中放不下。况兼昨夜妾身焚香拜月之時。他到牆角邊吟詩。我也依著他韻脚兒和了一首。我想著那秀才詩意。好生關妾之情。使我繡房中身心俱倦。倦繡無心。正無奈。月明花落又黃昏。【紅云】銀燭照乾雙淚眼。閨房空鎖惜春心。小姐且停女工。今夜月朗風清。雲收雨霽。後園景物撩人。佳期難再。何不一觀。少舒倦怠也呵。【唱】

【一枝花】浮雲歛太虛。好雨澄清霽。碧天懸翡翠。明月漾玻璃。昏霧霏霏。百蕊飄花氣。可憐今宵能有幾兀的般。一刻千金說甚麼。三從四德。

【梁州第七】我則見燕將慵鶯將懶。那時節韶光事。便到九分九釐。綠漸

肥紅漸瘦。早晚送春歸。三月三十日。風光五百偏明媚。較之往日。難比今夕。同行隨喜。不是臨逼。惜人生虛度芳菲。怕春光頃刻別離。你把官冠芳珠急速收拾。告舌頭玉玎璫架起。〔潛出房科〕數腳蹤金蹀躞輕移。一齊悄的出閨房。用脫殼金蟬計。老夫人正沈睡。忙裏偷閒耍一會。快活的是便宜。〔旦云〕後園中景物。別是一樣天氣。〔紅唱〕

【隔尾】後園中別是一樣新天氣。妾言方知是與非。月色如銀勝白日。就萬花亭這壁。下數著大碁。誰弱誰強勝負比。〔旦對紅奕科〕〔旦云〕圍棋之說有道。棋啓於何氏。中間機關勝負攻守之法。必有說焉。〔紅云〕圍棋之道。其來尙矣。昔古有丹朱不肖。堯設此以訓之。其理微妙。非智者不能明。故局方正。象地利也。道必神明。正直德也。子用黑白。別陰陽也。駢羅布列。效天文也。四象旣陳。行之在人。蓋上有天地之象。中有五霸之權。下有攻戰之事。覽其得失。古今略備。古書有云。飽食終日。無所用心。難矣哉。不有博奕者乎。爲之

猶賢乎已。

【牧羊關】自從堯曾置。丹朱教演習。黑白著陰偶。陽奇造化有億萬千端。疆路止三百六十。錯綜周天數。列布渾天儀。千古無窮祕。神仙不測機。

【隔尾】採樵爛柯光陰逝。嘔血成圖妙算奇。死裏逃生箇中意。若是諗知。這箇就理勝固欣然。敗亦喜。

【牧羊關】袖手傍觀易。臨輸悔後遲。但當局箇箇著迷。守成要顧後瞻前。用戰在征東擊西。未做眼防點破。纔得手便斜飛。門有總關處。基無兩面持。

【罵玉郎】尋思使得心腸碎。宵廢寢。晝忘食。知難見可觀乎勢。局面危。拈上難。衝開易。

【感皇恩】撞著勁敵。誰肯伏低。用機謀。相數算。廝騙欺。逢生勿擊。遇劫先

提滿盤贏一著錯便差池


【採茶歌】得便宜便收拾成功一路是強的。十九縱橫白與黑。多人迷悞少人知。【末上云】前者向西廂下和詩。分明興合。奈何侍妾紅娘。不全其美。小生未遂所願。今夜雨收雲霽。月白風清。未免再到西廂一行。【旦對紅奕】【末云】聽有碁聲。此是鶯鶯小姐。與紅娘月下下碁。不免悄悄的踰牆。走到碁邊。看數著若何。我且過去看咱。【做踰牆科】【旦紅驚科】【紅唱】

【黃鍾尾】柳陰中響擦似有人行立。花梢上驚起鳥數飛。聽沈來多一會。二更過。萬籟息。露華濃。晚風細。靜巉巉。玉漏滴。聽西廂響撲地。見一人到跟底。紗帽明。白欄繫。這生面頗相識。記前回。那一日。蕭寺中。見來的。這秀才。甚通濟。序寒溫。道名諱。姓挽弓。字君瑞。飽詩書。擔才藝。入科場。必及第。步蟾宮。卽攀桂。占鰲頭。定第一。【旦云】紅娘你怎得知是他。【紅唱】你問咱怎見

得。偌高低。省氣力。粉牆東。滴流撲。翦過牆西。演習那龍門。慣跳腿。〔紅對旦云〕這秀才跳過牆近前來也。若夫人知道。好生不便。到不如回去咱。〔旦紅下〕末云。小姐去了。小生昨夜牆角兒吟詩。今夜踰牆看碁。明月之下。他分明見我近前來。並無嗔責之心。其情不覺自熟矣。我回到書房中。且捱過今宵。明日到道場中。若見小姐。十分下工夫飽看一會。其中我臨事別有機變。

前四爲王實父。後一爲關漢卿。太和正音譜明載。王弇洲徐士範諸公已有論矣。乃元人詠西廂詞。有云董解元古詞章。關漢卿新腔韻。參訂西廂的本。晚進王生多議論。把圍碁增。豈實父之後。又出一晚進王耶。抑其人意在左關右王而爲是也。耳食者因此使有關前王續之說。然圍碁之詞。板直淡澀。不唯遠遜實父。亦大不逮漢卿。其爲另一晚進無疑。姑附諸此。博詞家彈射。閱遇五識。

晚進王生雜劇終



跋

明以來有以一折成劇者。晚進王生實創此格。或謂王生卽指實甫。殊不足信。茲據閱遇五本。仍題作晚進王生雜劇。且俟異日之考訂可耳。乙亥秋月盧前記。

晚進王生雜劇

跋



二

白
仁
甫
雜
劇

白仁甫雜劇

唐明皇秋夜梧桐雨

鴛鴦簡牆頭馬上

附董秀英花月東牆記

郭采蘋御水流紅葉

李克用箭射雙鵬



唐明皇秋夜梧桐雨

楔子

【冲末扮張守珪引卒子上。詩云】坐擁貔貅鎮朔方。每臨塞下受降王。太平時世轅門靜。自把雕弓數鴈行。某姓張名守珪。見任幽州節度使。幼讀儒書。兼通韜略。爲藩鎮之名臣。受心膺之重寄。且喜近年以來。邊烽息警。軍士休閒。昨日奚契丹部擅殺公主。某差捉生使安祿山率兵征討。不見來回話。左右。轅門前覷者。等來時報復我知道。【卒云】理會的。【淨扮安祿山上云】自家安祿山是也。積祖以來。爲營州雜胡。本姓康氏。母阿史德。爲突厥覲者。禱于軋犖山。戰鬪之神而生。某生時有光照穹廬。野獸皆鳴。遂名爲軋犖山。後母改嫁安延偃。乃隨安姓。改名安祿山。開元年間。延偃攜某歸國。遂蒙聖恩。分隸張守珪部下。爲某通曉蕃言語。膺力過人。現任捉生討擊使。昨因奚契丹反叛。差我征討。自恃勇力深入。不料衆寡

不敵。遂致喪師。今日不免回見主帥。別作道理。早來到府門首也。左右報復去道。有捉生使安祿山來見。〔卒報科。〕〔張守珪云。〕着他進來。〔安祿山做見科。〕〔張守珪云。〕安祿山征討勝敗如何。〔安祿山云。〕賊衆我寡。軍士畏怯。遂至敗北。〔張守珪云。〕損軍失機。明例不宥。左右推出去斬首報來。〔卒推出科。〕〔安祿山大叫云。〕主帥不欲滅奚契丹耶。奈何殺壯士。〔張守珪云。〕放他回來。〔安祿山回科。〕〔張守珪云。〕某也惜你驍勇。但國有定法。某不敢賣法市恩。送你上京取聖斷如何。〔安祿山云。〕謝主帥不殺之恩。〔押下。〕〔張守珪云。〕安祿山去了也。〔詩云。〕須知生殺有旗牌。只爲軍中惜將才。不然斬一胡兒首。何用親煩聖斷來。〔下。〕〔正末扮唐玄宗駕。旦扮楊貴妃引高力士楊國忠宮娥上。〕〔正末云。〕寡人唐玄宗是也。自高祖神堯皇帝起兵晉陽。全仗我太宗皇帝滅了六十四處煙塵。一十八家擅改年號。立起大唐天下。傳高宗中宗。不幸有宮闈之變。寡人以臨淄郡王領兵靖難。大哥哥寧王讓位於寡人。卽位以來二十餘年。喜的太平無事。賴有賢相姚元之。宋璟。韓休。張九齡同心致

治寡人得遂安逸。六宮嬪御雖多。自武惠妃死後。無當意者。去年八月中秋。夢遊月宮。見嫦娥之貌。人間少有。昨壽邸楊妃。絕類嫦娥。已命爲女道士。旣而取入宮中。策爲貴妃。居太真院。寡人自從太真入宮。朝歌暮宴。無有虛日。高力士。你快傳旨排宴梨園子弟奏樂。寡人消遣。唱。〔高力士云〕理會的。〔外扮張九齡押安祿山上。〕〔詩云〕調和鼎鼐理陰陽。位列鸞班坐省堂。四海承平無一事。朝朝曳履侍君王。老夫張九齡是也。南海人氏。早登甲第。荷聖恩。直做到丞相之職。近日邊帥張守珪。解送失機蕃將一人。名安祿山。我見其身軀肥矮。語言利便。有許多異相。若留此人。必亂天下。我今見聖人面。奏此事。早來到宮門前也。〔入見科。〕〔云〕臣張九齡見駕。〔正末云〕卿來有何事。〔張九齡云〕近日邊臣張守珪。解送失機蕃將安祿山。例該斬首。未敢擅便。押來請旨。〔正末云〕你引那蕃將來我看。〔張九齡引安祿山見科。云〕這就是失機蕃將安祿山。〔正末云〕一員好將官也。你武藝如何。〔安祿山云〕臣左右開弓。一十八般武藝。無有不會。能通六蕃言語。〔正末云〕你這等肥胖。此胡腹

中何所有。〔安祿山云〕惟有赤心耳。〔正末云〕丞相不可殺此人。留他做箇白衣將領。〔張九齡云〕陛下此人。有異相。留他必有後患。〔正末云〕卿勿以王夷甫識石勒。留着怕做甚麼。兀那左右。放了他者。〔做放科〕〔安祿山起謝云〕謝主公不殺之恩。〔做跳舞科〕〔正末云〕這是甚麼。〔安祿山云〕這是胡旋舞。〔旦云〕陛下這人。又性矮。又會舞旋。留着解悶倒好。〔正末云〕貴妃。就與你做義子。你領去。〔旦云〕多謝聖恩。〔同安祿山下〕〔張九齡云〕國舅。此人有異相。他日必亂唐室衣冠。受禍不小。老夫老矣。國舅恐或見之奈何。〔楊國忠云〕待下官明日再奏。務要屏除爲妙。〔正末云〕不知後宮中爲什麼這般喧笑。左右可去看來回話。〔宮娥云〕是貴妃娘娘與安祿山做洗兒會哩。〔正末云〕既做洗兒會。取金錢百文。賜他做賀禮。就與我宣祿山來。封他官職。〔宮娥拿金錢下〕〔安祿山上見駕科云〕謝陛下賞賜。宣臣那廂使用。〔正末云〕宣卿來不爲別。卿既爲貴妃之子。卽是朕之子。白衣不好出入宮掖。就加你爲平章政事者。〔安祿山云〕謝了聖恩。〔楊國忠云〕陛下不可。不可。安祿

山乃失律邊將。例當處斬。陛下免其死足矣。今給事宮庭。已爲非宜。有何功勳。加爲平章政事。况胡人狼子野心。不可留居左右。望陛下聖鑒。〔張九齡云〕楊國忠之言。陛下不可不聽。
【正末云】你可也說的是。安祿山且加你爲漁陽節度使。統領蕃漢兵馬。鎮守邊庭。早立軍功。不次陞擢。〔安祿山云〕感謝聖恩。〔正末云〕卿休要怨寡人。這是國家典制。非輕可也。
呵〔唱〕

【仙呂端正好】則爲你不曾建甚奇功。便教你做元輔。滿朝中都指斥。鑿與眼見的平章政事。難停住。寡人待定奪些別官祿。

【幺篇】且着你做節度漁陽去。破強寇永鎮幽都。休得待國家危急纔防護。常先事設權謀。收猛將保皇圖。分鐵券賜丹書。怎肯便辜負了你這功勞簿。〔同下〕

【安祿山去】聖人回宮去了也。我出的宮門來。叵奈楊國忠這廝。好生無禮。在聖人前奏准。

着我做漁陽節度使。明陞暗貶。別的都罷。只是我與貴妃有些私事。一旦遠離。怎生放的下心。罷罷罷。我這一去到的漁陽。練兵秣馬。別作箇道理。正是畫虎不成君莫笑。安排牙爪好驚人。【下】

第一折

【旦扮貴妃引宮娥上云】妾身楊氏弘農人也。父親楊玄琰。爲蜀州司戶。開元二十二年。蒙恩選爲壽王妃。開元二十八年八月十五日。乃主上聖節。妾身朝賀。聖上見妾貌類嫦娥。令高力士傳旨。度爲女道士。住內太真宮。賜號太真。天寶四年册封爲貴妃。半后服用寵幸殊甚。將我哥哥楊國忠。加爲丞相。姊妹三人。封做夫人。一門榮顯極矣。近日邊庭。送一蕃將來。名安祿山。此人猾黠。能奉承人意。又能胡旋舞。聖人賜與妾爲義子。出入宮掖。不期我哥哥楊國忠看出破綻。奏准天子。封他爲漁陽節度使。送上邊庭。妾心中懷想。不能再見。好是煩惱人也。今日是七月七夕。牛女相會。人間乞巧令節。已曾分付宮娥。排設乞巧筵。在長生殿。

妾身乞巧一番宮娥乞巧筵設定不曾。〔宮娥云〕已完備多時了。〔旦云〕咱乞巧則箇〔正末引宮娥挑燈拿砌末上云〕寡人今日朝回無事。一心只想着貴妃。已令在長生殿設宴慶賞七夕。內使引駕去來。〔唱〕

〔仙呂八聲甘州〕朝綱倦整。寡人待痛飲昭陽。爛醉華清。却是吾當有幸。一箇太真妃傾國傾城。珊瑚枕上兩意足。翡翠簾前百媚生。夜同寢。晝同行。恰似鸞鳳和鳴。

〔帶云〕寡人自從得了楊妃。真所謂朝朝寒食。夜夜元宵也。〔唱〕

〔混江龍〕晚來乘興。一襟爽氣酒初醒。鬆開了龍袍羅扣。偏斜了鳳帶紅鞵。侍女齊扶碧玉輦。宮娥雙挑絳紗燈。順風聽一派簫韶令。〔內作吹打喧笑科〕〔正末云〕是那裏這等喧笑。〔宮娥云〕是太真娘娘在長生殿乞巧排宴哩。〔正末云〕衆宮娥不要走的響。待寡人自看去。〔唱〕多啗是胭嬌簇擁。粉黛施呈。

【油葫蘆】報接駕的宮娥且慢行。親自聽上瑤階那步近前楹。悄悄蹙蹙款把紗牕映。撲撲簌簌風颭珠簾影。我恰待行。打個嚙掙。怪玉籠中鸚鵡知人性。不住的語偏明。

【內作鸚鵡叫云】萬歲來了。接駕。【旦驚云】聖上來了。【做接駕科】【正末唱】

【天下樂】則見展翅忙呼萬歲聲。驚的那娉婷。將鑾駕迎。一箇暈龐兒畫不就描不成。行的一步步嬌生的一件件撐。一聲聲似柳外鶯。

【云】卿在此做甚麼。【旦云】今逢七夕。妾身設瓜果之會。問天孫乞巧哩。【正末看科云】排設的是好也。【唱】

【醉中天】龍麝焚金鼎。花萼插銀餅。小小金盆種五生。供養着鵲橋會丹青。一箇米來大蜘蛛兒抱定。攬奪盡六宮寵幸。更待怎生般智巧心靈。

【正末與旦砌末科云】這金釵一對。鈿盒一枚。賜與卿者。【旦接科云】謝了聖恩也。【正末唱】

【金盞兒】我着絳紗蒙翠盤盛。兩般禮物堪人敬。趁着這新秋節。令賜卿卿。七寶金釵盟厚意。百花鈿盒表深情。這金釵兒教你高聳聳頭上頂。這鈿盒兒把你另巍巍手中擎。

【旦云】陛下這秋光可人。妾待與聖駕亭下閒步一番。【正末做同行科】【唱】

【憶王孫】瑤堦月色晃疎櫺。銀燭秋光冷畫屏。消遣此時此夜景。和月步閒庭。苔浸的凌波羅襪冷。

【云】這秋景與四時不同。【旦云】怎見的與四時不同。【正末云】你聽我說。【唱】

【勝葫蘆】露下天高夜氣清。風掠得羽衣輕。香惹了東環佩聲。碧天澄淨。銀河光瑩。只疑是身在玉蓬瀛。

【旦云】今夕牛郎織女相會之期。一年只是得見一遭。怎生便又分離也。【正末唱】

【金盞兒】他此夕把雲路鳳車乘。銀漢鵲橋平。不甫能今夜成歡慶。枕邊忽聽曉雞鳴。却早離愁情脈脈。別淚雨冷冷。五更長嘆息。則是一夜短恩情。

【旦云】他是天宮星宿。經年不見。不知也曾相憶否。【正末云】他可怎生不想來。【唱】

【醉扶歸】暗想那織女分。牛郎命。雖不老是長生。他阻隔銀河信。知冥經年度。歲成孤另。你試向天宮打聽。他決害了些相思病。

【旦云】妾身得侍陛下。寵幸極矣。但恐容貌日衰。不得似織女長久也。【正末唱】

【後庭花】偏不是上列着星宿名。下臨着塵世生。把天上姻緣重。將人間恩愛輕。各辦着真誠。天心必應。量他每何足稱。

【旦云】妾想牛郎織女。年年相見。天長地久。只是如此。世人怎得似他情長也。【正末唱】

【金盞兒】咱日日醉霞觥。夜夜宿銀屏。他一年一日見。把佳期等若論着。多多爲勝。咱也合贏。我爲君王猶妄想。你做皇后尙嫌輕。可知道斗牛星畔客。回首問前程。

【旦云】妾蒙主上恩寵無比。但恐春老花殘。主上恩移寵衰。使妾有龍陽泣魚之悲。班姬題扇之怨。奈何。【正末云】妃子。你說那裏話。【旦云】陛下請示私約。以堅終始。【正末云】咱和你去那處說話去。【做行科】【唱】

【醉中天】我把你半鞦的肩兒憑。你把箇百媚臉兒擎。正是金闕西廂叩玉肩。悄悄迴廊靜。靠着這招綵鳳舞青鸞。金井梧桐樹影。雖無人竊聽。也索悄悄聲兒海誓山盟。

【云】妃子。朕與卿。儘今生偕老百年以後。世世永爲夫婦。神明鑒護者。【旦云】誰是盟證。【正末唱】

【賺煞尾】長如一雙鈿盒盛。休似兩股金釵另。願世世姻緣注定。在天呵。做鴛鴦常比並。在地呵。做連理枝生。月澄澄。銀漢無聲。說盡千秋萬古情。咱各辦着志誠。你道誰爲顯證。有今夜度天河相見女牛星。【同下】

第一一折

【安祿山引衆將上云】某安祿山是也。自到漁陽操練蕃漢人馬。精兵見有四十萬。戰將千員。如今明皇年已昏眊。楊國忠李林甫播弄朝政。我今只以討賊爲名。起兵到長安。搶了貴妃。奪了唐朝天下。纔是我平生願足。左右。軍馬齊備了麼。【衆將云】都齊備了。【安祿山云】着軍政司先發檄一道。說某奉密旨討楊國忠等。隨後令史思明領兵三萬。先取潼關。直抵京師。我大事如反掌耳。【衆將云】得令。【安祿山云】今日天晚。明日起兵。【詩云】統精兵直指潼關。料唐家無計遮攔。單要搶貴妃一個。非專爲錦繡江山。【同下】【正末引高力士。鄭觀音抱琵琶。寧王吹笛。花奴打羯鼓。黃翻綽執板。捧旦上】【正末云】今日新秋天氣。寡人

朝回無事。妃子學得霓裳羽衣舞。同往御園中沉香亭下。閒耍一番。早來到也。你看這秋來風物。好是動人也呵。【唱】

【中呂粉蝶兒】天淡雲閒。列長空數行征鴈。御園中夏景初殘。柳添黃。荷減翠。秋蓮脫瓣。坐近幽闌。噴清香玉簪花綻。

【帶云】早到御園中也。雖是小宴。倒也整齊。【唱】

【叫聲】共妃子喜開顏。等閒。等閒御園中列餚饌。酒注嫩鵝黃。茶點鷓鴣班。

【醉春風】酒光泛紫金鍾。茶香浮碧玉盞。沉香亭畔晚涼多。把一搭兒親自揀。揀粉黛濃粧。管絃齊列。綺羅相間。

【外扮使臣上詩云】長安回望繡成堆。山頂千門次第開。一騎紅塵妃子笑。無人知是荔枝來。小官四川道差來使臣。因貴妃娘娘好啖鮮荔枝。遵奉詔旨。特來進鮮。早到朝門外了。宮

官通報一聲。說四川使臣來進荔枝。【做報科】【正末云】引他進來。【使臣見駕科云】四川道使臣進貢荔枝。【正末看科云】妃子你好食此果。朕特令他及時進來。【旦云】是好荔枝也。【正末唱】

【迎仙客】香噴噴味正甘。嬌滴滴色初綻。只疑是九重天。謫來人世間。取時難得。後慳可惜。不近長安。因此上教驛使把紅塵踐。

【旦云】這荔枝顏色嬌嫩。端的可愛也。【正末唱】

【紅繡鞋】不則向金盤中好看。便宜將玉手擎餐。端的個絳紗籠罩水晶寒。爲甚教寡人醒醉眼。妃子暈嬌顏。物稀也。人見罕。

【高力士云】請娘娘登盤。演一回霓裳之舞。【正末云】依卿奏者。【正旦做舞】【衆樂攏撥科】【正末唱】

【快活三】囑付你仙音院莫怠慢。道與你教坊司要迭辦。把箇太真妃扶

在翠盤間快結束宜粧扮

【鮑老兒】雙撮得泥金衫袖挽把月殿裏霓裳按。鄭觀音琵琶準備彈。早搭上鮫綃襪賢王玉笛花奴羯鼓韻美聲繁。壽寧錦瑟梅妃玉簫。嘹唳循環。

【古鮑老】屹刺刺撒開紫檀黃翻綽向前手拈板低低的叫聲玉環太眞妃笑時花近眼紅牙筋趁五音擊着梧桐按嫩枝柯猶未乾更帶着瑤琴音泛。卿呵你則索出幾點瓊珠汗。

【旦舞科】【正末唱】

【紅芍藥】腰鼓聲乾羅襪弓彎玉佩丁東響珊珊。卽漸裏舞驪雲鬟施呈你蜂腰細燕體翻作兩袖香風拂散。【帶云】卿倦也飲一盃酒者。【唱】寡人親捧盃玉露甘寒你可也莫得留殘。拚着個醉醺醺直吃到夜靜更闌。

【旦飲酒科】【淨扮李林甫上云】小官李林甫是也。見爲左丞相之職。今早飛報將來。說安祿山反叛。軍馬浩大。不敢抵敵。只得見駕。【做見駕科】【正末云】丞相有何事。這等慌促。

【李林甫云】邊關飛報。安祿山造反。大勢軍馬。殺將來了。陛下承平日久。人不知兵。怎生是

好。【正末云】你慌做甚麼。【唱】

【剔銀燈】止不過奏說邊庭上造反。也合看空便覩遲疾緊慢。等不的俺筵上笙歌散。可不氣不丕冒突天顏。那些個齊管仲。鄭子產。敢待做假忠孝。龍逢比干。

【李林甫云】陛下。如今賊兵已破潼關。哥舒翰失守逃回。目下就到長安了。京城空虛。決不能守。怎生是好。【正末唱】

【蔓菁菜】險些兒慌殺你箇周公旦。【李林甫云】陛下。只因女寵盛。讒夫昌。惹起這刀兵來了。【正末唱】你道我因歌舞壞江山。你常好是占姦早。難道羽扇綸巾。

笑談間。破強虜二十萬。

〔云〕既賊兵壓境。你衆官計議選將統兵出征便了。〔李林甫云〕如今京營兵不滿萬。將官衰老。如哥舒翰名將。尙且支持不住。那一箇是去得的。〔正末唱〕

〔滿庭芳〕你文武兩班。空列些烏靴象簡。金紫羅襪。內中沒箇英雄漢。掃蕩塵寰。慣縱的箇無徒祿山。沒揣的撞過潼關。先敗了哥舒翰。疑怪昨宵向晚。不見烽火報平安。

〔云〕卿等有何計策可退賊兵。〔李林甫云〕安祿山部下蕃漢兵馬四十餘萬。皆是一以當百。怎與他拒敵。莫若陛下幸蜀。以避其鋒。待天下兵至。再作計較。〔正末云〕依卿所奏。便傳旨收拾六宮嬪御諸王百官。明日早起幸蜀去來。〔旦作悲科云〕妾身怎生是好也。〔正末唱〕

〔普天樂〕恨無窮。愁無限。爭奈倉卒之際。避不得驀嶺登山。鑿駕遷成都。

盼更那堪。澹水西飛。鴈一聲聲送上雕鞍。傷心故園西風渭水。落日長安。

【旦云】陛下怎受的途路之苦。【正末云】寡人也沒奈何哩。【唱】

【啄木兒尾】端詳了你上馬嬌。怎支吾蜀道難。替你愁那嵯峨峻嶺連雲棧。自來驅馳可慣。幾程兒捱得過劍門關。【同下】

第二折

【外扮陳玄禮上。詩云】世受君恩統禁軍。天顏喜怒得先聞。太平武備皆無用。誰料狂胡起戰塵。某右龍武將軍陳玄禮是也。昨因逆胡安祿山倡亂。潼關失守。昨日宰臣會議。大駕暫幸蜀川。以避其鋒。今早飛報。說賊兵離京城不遠。聖主令某統領禁軍護駕。軍馬點就多時。專候大駕起行。【正末引旦及楊國忠、高力士、并太子扈駕、郭子儀、李光弼上。】【正末云】寡人眼不識人。致令狂胡作亂。事出急迫。只得西行避兵。好傷感人也呵。【唱】

【雙調新水令】五方旗招颭日邊霞。冷清清半張鑾駕。鞭倦裊鐙慵踏。回

首京華一步步放不下。

【帶云】寡人深居九重怎知閭閻貧苦也。【唱】

【駐馬聽】隱隱天涯剩水殘山五六搭。蕭蕭林下。壞垣破屋兩三家。秦川遠樹霧昏花。灞橋衰柳風瀟灑。煞不如碧牕紗。晨光閃爍鴛鴦瓦。

【衆扮父老上云】聖上鄉里百姓叩頭。【正末云】父老有何話說。【衆云】宮闕陛下家居。陵寢陛下祖墓。今捨此欲何之。【正末唱】寡人不得已暫避兵耳。【衆云】陛下既不肯留。臣等願率子弟從殿下東破賊取長安。若殿下與至尊皆入蜀。使中原百姓誰爲之主。【正末云】父老說的是左右。宣我兒近前來者。【太子做見科】。【正末云】衆父老說中原無主。留你東還統兵殺賊。就令郭子儀李光弼爲元帥。後軍分撥二千人。跟你回去。你聽我說。【唱】

【沉醉東風】父老每忠言聽納。教小儲君專任征伐。你也合分取些三社稷。憂怎肯教別人把江山霸。將這顆傳國寶。你行留下。【太子云】兒子只統兵殺

賊豈敢便登天位。〔正末唱〕勤除了賊徒，救了國家，更避甚稱孤道寡。

〔太子云〕既爲國家重事，兒子領詔旨，率領郭子儀、李光弼回去也。〔做辭駕科〕〔衆軍不行科〕〔正末唱〕

〔慶東原〕前軍疾行動，因甚不進發。〔衆軍吶喊科〕一行人覩了，皆驚怕，嗔忿忿停鞭立馬，惡嗽嗽披袍貫甲，明彪彪掣劍離匣，齊臻臻鴈行班排，密密匝匝魚鱗似亞。

〔陳玄禮云〕衆軍士說國有姦邪，以致乘輿播遷，君側之禍不除，不能斂戢衆志。〔正末云〕這是怎麼說。〔唱〕

〔步步嬌〕寡人呵，萬里烟塵，你也合嗟訝，就勢兒把吾當謊。國家又不曾虧你半指，因甚軍心有爭差。問卿咱爲甚不說半句兒知心話。

〔陳玄禮云〕楊國忠專權誤國，今又與吐蕃使者交通，似有反情，請誅之以謝天下。〔正末

唱。

【沉醉東風】據着楊國忠合該萬剛鬪的個祿山賊亂了中華。是非寡人股肱難棄捨。更兼與妃子骨肉相牽掛。斷遣盡枉展污了五條刑法。把他剝了官職。貶做窮民。也是陣殺。允不允陳玄禮將軍鑒察。

【衆軍怒喊科】【陳玄禮云】陛下軍心已變。臣不能禁止。如之奈何。【正末云】隨你罷。【衆殺楊國忠科】【正末唱】

【鴈兒落】數層鎗密匝匝。一聲喊山摧塌。元來是陳將軍號令明。把楊國忠施行罷。

【衆軍仗劍擁上科】【正末唱】

【撥不斷】語喧譁鬧交雜。六軍不進屯戈甲。把箇馬嵬坡簇合沙。又待做甚麼說的我戰欽欽。遍體寒毛乍。吃緊的軍隨印轉。將令威嚴。兵權在手。

主弱臣強。卿呵則你道波寡人是怕也那不怕。

【云】楊國忠已殺了。你衆軍不進却爲甚的。【陳玄禮云】國忠謀反。貴妃不宜供奉。願陛下割恩正法。【正末唱】

【攪箏琶】高力士道與陳玄禮。休沒高下。豈可教妃子受刑罰。他見請受着皇后中宮。兼踏着寡人御榻。他又無罪過頗賢達。須不似周褒姒舉火取笑。紂姐已敲脛。覷人早間把他個哥哥壞了。總便有萬千不是。看寡人也合饒過他。一地胡拿。

【高力士云】貴妃誠無罪。然將士已殺國忠。貴妃在陛下左右。豈敢自安。願陛下審思之。將士安則陛下安矣。【正末唱】

【風入松】止不過鳳簫羯鼓間琵琶。忽刺刺板撒紅牙。假若更添箇么花十八。那些兒是敗國亡家。可知道陳後主遭着殺伐。皆因唱後庭花。

【旦云】妾死不足惜。但主上之恩。不曾報得。數年恩愛。教妾怎生割捨。【正末云】妃子不濟事了。大軍心變。寡人自不能保。【唱】

【胡十八】似恁地對咱。多應來變了卦。見俺留戀着他。龍泉三尺手中拿。便不將他刺殺。也將他嚇殺。更問甚陛下。大古是知重俺帝王家。

【陳玄禮云】願陛下早割恩正法。【旦云】陛下怎生救妾身一救。【正末云】寡人怎生是好。【唱】

【落梅風】眼兒前不甫能栽起合歡樹。恨不得手掌裏奇擎着解語花。盡今生翠鸞同跨。怎生般愛他看待他。忍下的教橫拖在馬嵬坡下。

【陳玄禮云】祿山反逆。皆因楊氏兄妹。若不正法。以謝天下。禍變何時得消。望陛下乞與楊氏。使六軍馬踏其尸。方得憑信。【正末云】他如何受的高力士引妃子去佛堂中。令其自盡。然後教軍士驗看。【高力士云】有白練在此。【正末唱】

【殿前歡】他是朵嬌滴滴海棠花。怎做得鬧荒荒亡國禍根芽。再不將曲彎彎遠山眉兒畫。亂鬆鬆雲鬢堆鴉。怎下的礮磕磕馬蹄兒臉上踏。則將細裊裊咽喉掐。早把條長攏攏素白練安排下。他那裏一身受死。我痛煞煞獨力難加。

【高力士云】娘娘去罷。悞了軍行。【旦回望科云】陛下好下的也。【正末云】卿休怨寡人。

【唱】

【沽美酒】沒亂殺怎救拔。沒奈何怎留他。把死限俄延了多半霎。生各支勒殺陳玄禮鬧交加。

【高力士引旦下】【正末唱】

【太平令】怎的教酪子裏題名單罵。腦背後着武士金瓜。教幾箇鹵莽的宮娥監押。休將那軟款的娘娘驚唬。你呀見他問咱。可憐見唐朝天下。

【高力士持旦衣上云】娘娘已賜死了。六軍進來看視。【陳玄禮率衆馬踐科】【正末做哭科云】妃子閃殺寡人也。【唱】

【三煞】不想你馬嵬坡下今朝化。沒指望長生殿裏當時話。

【太清歌】恨無情捲地狂風刮。可怎生偏吹落我御苑名花。想他魂斷天涯。作幾縷兒綵霞。天那一箇漢明妃。遠把單于嫁。止不過泣西風。淚濕胡笳。幾曾見六軍廝踐踏。將一箇尸首臥黃沙。

【正末做拿汗巾哭科云】妃子不知那裏去了。止留下這箇汗巾兒。好傷感人也。【唱】

【二煞】誰收了錦纏聯窄面吳綾襪。空感嘆這淚斑斕擁項鮫綃帕。

【川撥棹】痛憐他不能勾水銀灌玉匣。又沒甚綵嬾宮娃。拽布拖麻。奠酒澆茶。只索淺土兒權時葬下。又不及選山陵將墓打。

【鴛鴦煞】黃埃散漫悲風颯。碧雲黯淡斜陽下。一程程水綠山青。一步步

劍嶺巴峽。唱道感嘆情多。恹惶淚灑。早得升遐。休休却是今生罷。這箇不得已的官家。哭上逍遙玉驄馬。【同下】

第四折

【高力士上云】自家高力士是也。自幼供奉內宮。蒙主上擡舉。加爲六宮提督太監。往年主上悅楊氏容貌。命某取入宮中。寵愛無比。封爲貴妃。賜號太真。後來逆胡稱兵。僞誅楊國忠。爲名逼的主上幸蜀。行至中途。六軍不進。右龍武將軍陳玄禮奏過。殺了國忠。禍連貴妃。主上無可奈何。只得從之。縊死馬嵬驛中。今日賊平無事。主上還國。太子做了皇帝。主上養老。退居西宮。晝夜只是想貴妃娘娘。今日教某掛起真容。朝夕哭奠。不免收拾停當。在此伺候。咱。【正末上云】寡人自幸蜀還京。太子破了逆賊。卽了帝位。寡人退居西宮養老。每日只是思量妃子。教畫工畫了一軸真容。供養着。每日相對。越增煩惱也呵。【做哭科】【唱】

【正宮端正好】自從幸西川。還京兆。甚的是月夜花朝。這半年來白髮添

多少怎打疊愁容貌。

【幺篇】瘦岩岩不避羣臣笑。玉叉兒將畫軸高挑。荔枝花果香檀卓。日覷了傷懷抱。

【做看真容科】【唱】

【滾繡球】險些把我氣冲倒。身謾靠。把太真妃放聲高叫。叫不應。雨淚嚎。咷。這待詔。手段高畫的來。沒半星兒差錯。雖然是快染能描。畫不出沉香亭畔迴鸞舞。花萼樓前上馬嬌。一段兒妖嬈。

【倘秀才】妃子呵。常記得千秋節。華清宮宴樂。七夕會長生殿。乞巧誓願學連理枝。比翼鳥。誰想你乘綵鳳。返丹霄。命夭。

【帶云】寡人越看越添傷感。怎生是好。【唱】

【呆骨朵】寡人有心待蓋一座楊妃廟。爭奈無權柄。謝位辭朝。則俺這孤

辰限難熬更打着離恨天最高。在生時同衾枕不能勾死後也同棺槨。誰承望馬嵬坡塵土中。可惜把一朵海棠花零落了。

【帶云】一會兒身子困乏。且下這亭子去閒行一會咱【唱】

【白鶴子】那身離殿宇。信步下亭皋。見楊柳裊翠藍絲。芙蓉拆胭脂萼。
【么】見芙蓉懷媚臉。遇楊柳憶纖腰。依舊的兩般兒點綴上陽宮。他管一靈兒瀟灑長安道。

【么】常記得碧梧桐陰下立。紅牙筯手中敲。他笑整整縷金衣。舞按霓裳樂。
【么】到如今翠盤中荒草滿。芳樹下暗香消。空對井梧陰。不見傾城貌。

【做歎科云】寡人也怕閒行不如回去來【唱】

【倘秀才】本待閒散心追歡取樂。倒惹的感舊恨天荒地老。快快歸來鳳幃悄。甚法兒捱今宵懊惱。

【帶云】回到這寢殿中一弄兒助人愁也【唱】

【芙蓉花】淡氤氳串烟裊昏慘刺銀燈照玉漏迢迢纔是初更報暗覷清霄盼夢裏他來到却不道口是心苗不住的頻頻叫

【帶云】不覺一陣昏迷上來寡人試睡些兒【唱】

【伴讀書】一會家心焦燥四壁廂秋蟲鬧忽見掀簾西風惡遙觀滿地陰雲罩俺這裏披衣悶把幃屏靠業眼難交

【笑和尚】原來是滴溜溜遶閒堦敗葉飄疎刺刺刷落葉被西風掃忽魯魯風閃得銀燈爆廝狼狼鳴殿鐸撲簌簌動朱箔吉丁當玉馬兒向檐間鬧

【做睡科唱】

【偷秀才】悶打頰和衣臥倒軟兀刺方纔睡着【旦上云】妾身貴妃是也今日殿

中設宴宮娥請主上赴席咱【正末唱】忽見青衣走來報道太真妃將寡人邀宴樂。

【正末見旦科云】妃子你在那裏來【旦云】今日長生殿排宴請主上赴席【正末云】分付梨園子弟齊備着【旦下】【正末做驚醒科云】呀元來是一夢分明夢見妃子却又不見了【唱】

【雙鴛鴦】斜暉翠鸞翹渾一似出浴的舊風標映着雲屏一半兒嬌好夢將成還驚覺半襟情淚濕鮫綃。

【蠻姑兒】懊惱窳約驚我來的又不是樓頭過鴈砌下寒蛩簷前玉馬架上金雞是兀那窗兒外梧桐上雨瀟瀟一聲聲灑殘葉一點點滴寒梢會把愁人定虐。

【滾繡毬】這雨呵又不是救旱苗潤枯草洒開花萼誰望道秋雨如膏向

青翠條。碧玉梢。碎聲兒剝剝增。百十倍歇。和芭蕉子管裏珠連玉散。飄千顆。平白地澆。甕番盆。下一宵。惹的人心焦。

【叨叨令】一會價緊呵似玉盤中萬顆珍珠落。一會價響呵似玳筵前幾簇笙歌鬧。一會價清呵似翠岩頭一派寒泉瀑。一會價猛呵似綉旗下數面征鼙操。兀的不惱殺人也麼哥。兀的不惱殺人也麼哥。則被他諸般兒雨聲相聒噪。

【倘秀才】這雨一陣陣打梧桐葉凋。一點點滴人心碎了。枉着金井銀牀緊圍遶。只好把潑枝葉做柴燒。鋸倒。

【帶云】當初妃子舞翠盤時在此樹下。寡人與妃子盟誓時亦對此樹。今日夢境相尋又被他驚覺了。【唱】

【滾繡球】長生殿那一宵轉迴廊說誓約。不合對梧桐並肩斜靠儘言詞。

絮絮叨叨沉香亭那一朝。按霓裳舞六么紅牙筋擊成腔調。亂宮商鬧鬧炒炒。是兀那當時歡會。栽排下今日淒涼。廝轉着暗地量度。

【高力士云】主上這諸樣草木皆有雨聲。豈獨梧桐。【正末云】你那裏知道。我說與你聽者。【唱】

【二煞】潤濛濛楊柳雨。淒淒院宇侵簾幕。細絲絲梅子雨。粧點江干滿樓閣。杏花雨紅濕闌干。梨花雨玉容寂寞。荷花雨翠蓋翩翩。豆花雨綠葉瀟條。都不似你驚魂破夢。助恨添愁徹夜連宵。莫不是水仙弄嬌蘸楊柳洒

風飄

【二煞】唵唵似噴泉瑞獸臨雙沼。刷刷似食葉春蠶散滿箔。亂灑瓊堦水。傳宮漏飛上雕簷。酒滴新槽。直下的更殘漏斷。枕冷衾寒。燭滅香消。可知道夏天不覺。把高鳳麥來漂。

【黃鍾煞】順西風低把紗窗哨。送寒氣頻將綉戶敲。莫不是天故將人愁悶攪度。鈴聲響棧道。似花奴羯鼓調。如伯牙水仙操。洗黃花潤籬落。漬蒼苔倒牆角。渲湖山漱石竅。浸枯荷溢池沼。沾殘蝶粉漸消。灑流螢燄不着。綠窗前促織叫聲相近。鴈影高。催鄰砧處處搗。助新涼分外早。斟量來這一宵雨。和人緊廝熬。伴銅壺點點敲。雨更多淚不少。雨濕寒梢。淚染龍袍。不肯相饒。共隔着一樹梧桐。直滴到曉。

題目 安祿山反叛兵戈舉

陳玄禮拆散鸞凰侶

正名 楊貴妃曉日荔枝香

唐明皇秋夜梧桐雨

唐明皇秋夜梧桐雨

二七二

唐明皇秋夜梧桐雨雜劇終

裴少俊牆頭馬上

第一折

【冲末扮裴尙書引老旦扮夫人上。詩云】滿腹詩書七步才，綺羅衫袖拂香埃。今生坐享榮華福，不是讀書那裏來。老夫工部尙書裴行儉是也。夫人柳氏，孩兒少俊。方今唐高宗卽位，儀鳳三年，自去年駕幸西御園，見花木狼藉，不堪遊賞，奉命前往洛陽，不問權豪勢要之家，選揀奇花異卉，和買花栽子，趁時栽接。爲老夫年高，奏過官裏，教孩兒少俊承宣馳驛，代某前去自新正爲始，得了六日宣限。那的是老夫有福處。少俊三歲能言，五歲識字，七歲草字如雲，十歲吟詩應口，才貌兩全。京師人每呼爲少俊。年當弱冠，未曾娶妻，不親酒色。如今差他出去公幹，萬無一失。教張千伏侍舍人，在一路上休教他胡行，替俺買花栽子去來。【下】

【外扮李總管上。云】老夫姓李，雙名世傑，乃李廣之後。當今皇上之族，嫡親三口兒。夫人張

氏有女孩兒小字千金年方一十八歲尤善女工深通文墨志量過人容顏出世老夫前任京兆留守因諷諫則天謫降洛陽總管老夫當初曾與裴尙書議結婚姻只爲宦路相左遂將此事都不提起了如今左司家勾喚我今日便行留下夫人與孩兒緊守閨門待我回來另議親事未爲遲也【下】【正末扮裴舍人引張千上云】小生是工部尙書舍人裴少俊自三歲能言五歲識字七歲草字如雲十歲吟詩應口才貌兩全京師人每呼爲少俊年當弱冠未曾娶妻惟親詩書不通女色承宣馳驛前來洛陽不問權豪勢要之家名園佳圃選揀奇花和買花栽子就用一車裝送來日起程今日乃三月初八日上巳節令洛陽王孫士女傾城翫賞張千啗每也同你看去來【下】【正旦扮李千金領梅香上云】妾身李千金是也今日是三月上巳良辰佳節是好春景也呵【梅香云】小姐觀此春天真好景致也【正旦云】梅香你覷着圍屏上佳人才子士女王孫是好華麗也【梅香云】小姐佳人才子爲甚都上屏障非同容易也呵【正旦唱】

【仙呂點絳脣】往日夫妻夙緣仙契。多才藝。倩丹青寫入屏圍。真乃是畫出個蓬萊意。

【梅香云】小姐看這圍屏有個主意。梅香猜着了也。少一個女婿哩。【正旦唱】

【混江龍】我若還招得個風流女婿。怎肯教費工夫學畫遠山眉。寧可教銀缸高照。錦帳低垂。菡萏花深鴛並宿。梧桐枝隱鳳雙棲。這千金良夜。一刻春宵。誰管我衾單枕獨數更長。則這半牀錦褥。枉呼做鴛鴦被。【梅香云】等老相公回來呵。尋一門親事。可不好也。【正旦唱】流落的男遊別郡。耽閣的女怨深閨。

【梅香云】小姐這幾日越消瘦了。【正旦唱】

【油葫蘆】我爲甚消瘦春風玉一圍。又不曾染病疾。迎新來寬褪了舊時衣。【梅香云】夫人道。小姐不快時。少做女工。勝服湯藥。【正旦唱】害的來不疼不痛難

醫治吃了些好茶好飯無滋味似舟中載倩女魂。天邊盼織女期。這些三時困騰騰每日家貪春睡。看時節針線強收拾。

【天下樂】我可便提起東來忘了西。【梅香云】昨日幾家來問親。小姐不語怎麼。【正旦唱】啗萱堂又覷着面皮。至如個窮人家女孩兒到十六七。或是誰家來問親。那家來做媒。你教女孩兒羞答答說甚的。

【梅香云】今日上巳。王孫士女寶馬香車。都去郊外翫賞去了。啗兩個去後花園內看一看。來。【正旦云】梅香將着紙墨筆硯。啗去來。【做行科】。【正旦唱】

【那吒令】本待要送春向池塘草萋。我且來散心到茶蘼架底。我待教寄身在蓬萊洞裏。蹙金蓮紅綉鞋。蕩湘裙鳴環珮。轉過那曲檻之西。

【鵲踏枝】怎肯道負花期。惜芳菲。粉悴胭憔。他綠暗紅稀。九十日春光如過隙。怕春歸又早春歸。

【寄生草】柳暗青烟密。花殘紅雨飛。這人人和柳渾相類。花心吹得人心碎。柳眉不轉蛾眉繫。爲甚西園陡恁景狼籍。正是東君不管人憔悴。

【么篇】榆散青錢亂。梅攢翠豆肥。輕輕風趁蝴蝶隊。霏霏雨過蜻蜓戲。融融沙煖鴛鴦睡。落紅踏踐馬蹄塵。殘花醞釀蜂兒蜜。

【裴舍騎馬引張千上云】方信道洛陽花錦之地。休道城中有多少名園。【做點花本科云】你觀這一所花園。【做見旦驚科云】一所花園呀。一個好姐姐。【正旦見末科云】呀。一個好

秀才也。【唱】

【金盞兒】兀那畫橋西。猛聽的玉驄嘶。便好道杏花一色紅千里。和花掩映美容儀。他把烏靴挑寶鐙。玉帶束腰圍。真乃是能騎高價馬。會着及時衣。

【正末云】你看他霧鬢雲鬢。冰肌玉骨。花開媚臉。星轉雙眸。只疑洞府神仙。非是人間豔冶。

【梅香云】小姐你聽來【正旦唱】

【後庭花】休道是轉星眸上下窺。恨不的倚香腮左右偎。便錦被翻紅浪。羅裙作地席。【梅香云】小姐休看他。倘有人看見。【正旦唱】既待要暗偷期。咱先有意愛別人。可捨了自己。

【梅香云】小姐你却顧盼他。他可不顧盼你哩。【張千上云】舍人休要惹事。嚙城外去看來。

【做催科】【裴舍云】四目相覷。各有春心。從今已後。這相思須害也。【張千做催打馬科云】

舍人去罷。【裴舍云】如此佳麗美人。料他識字。寫個簡帖兒。嘲撥他張千。將紙筆來看他

理會的麼。【做寫科云】張千將這簡帖兒。與那小姐去。【張千云】舍人使張千去。若有人撞

見這頓打。可不善也。【裴舍云】我教你有人若問呵。則說俺買花栽子。不妨事。若見那小姐

說俺舍人教送與你。【張千云】舍人我去。【裴舍云】那小姐喜歡。你便招手喚我。我便來。若

是搶白。你便擺手。我便走。【張千云】我知道。【做見旦科云】小姐你這後花園裏有賣花栽

子麼。【梅香云】這裏花栽子誰要買。【張千云】俺那舍人要買。【做招手裴舍望科云】謝天地事已諧矣。【梅香做叫科云】小姐那兩個人拿過一張兒紙來。不知寫甚麼。小姐看咱。【正旦做念詩科云】只疑身在武陵遊。流水桃花隔岸羞。咫尺劉郎腸已斷。爲誰含笑倚牆頭。梅香將紙筆來。【做寫科云】梅香我央你咱。你勿阻我將這一首詩送與那舍人。【梅香云】小姐教我送這詩與誰去也。詩中意怎生。見那秀才道甚的。則怕有人撞見怎了。【正旦云】好姐姐。你與我走一遭去。【梅香云】你往常打我罵我。今日爲甚的央我。着我寄與誰。【正旦唱】

【么篇】你道是情詞寄與誰。我道來新詩權作媒。我映麗日牆頭望。他怎肯袖春風馬上歸。怕的是外人知。你便叫天叫地。哎。小梅香。好不做美。

【梅香云】這簡帖我送與老夫人去。【正旦云】梅香。我央及你要告老夫人呵。可怎了。【梅香云】你慌麼。【正旦云】可知慌哩。【梅香云】你怕麼。【正旦云】可知怕哩。【梅香云】我

逗你要哩【正旦云】則被你謊殺我也【梅香送裴舍科云】俺小姐上覆舍人看這首詩咱
【裴舍看科詩云】深閨拘束暫閒遊。手撚青梅半掩羞。莫負後園今夜約。月移初上柳梢頭。
千金作這小姐有傾城之態。出世之才。可爲囊篋寶玩【梅香云】俺小姐道來。今夜後園中
赴期。休得失信【裴舍云】張千俺打那裏過去【張千云】跳牆過去【梅香轉向旦云】小姐
他待跳牆來也【正旦唱】

【賺煞】這一堵粉牆兒低這一帶花陰兒密。與你個在客的劉郎說知。雖
無那流出胡麻香飯水。比天台山到逕抄直。莫疑遲等的那斗轉星移。休
教這印蒼苔的凌波襪兒濕。將湖山困倚。把角門兒虛閉。這後花園權做
武陵溪【下】

【裴舍云】慚愧這一場喜事。非同小可。只等的天晚便好赴約去也【詩云】偶然間兩相窺
望。引逗的春心狂蕩。今夜裏早赴佳期。成就了牆頭馬上【下】

第一折

【夫人同老旦嬾嬾上云】老身是李相公夫人。相公左司家喚的去了。不見回來。今日老身東閣下探姪子回來。身子有些不快。天色晚也。梅香。繡房中道與小姐。休教他出來。嬾嬾收拾前後。我歇息去也。【下】【斐舍上云】我回到這館驛安下。心中悶倦。那裏有心去買花栽子。巴不得天晚了也。我如今與小姐赴期去來。【下】【正旦同梅香上云】今日因去後園中看花。牆頭見了那生。四目相視。各有此心。將一個簡帖兒約今夜來赴期。我回到繡房中。梅香不知夫人睡去也不曾。【梅香云】我去看來。【下】【正旦做睡。梅香推科云】小姐小姐。【正旦醒科云】我正好做夢哩。【梅香云】你夢見甚麼來。【正旦唱】

【南呂一枝花】睡魔纏繳得慌。別恨禁持得煞。離魂隨夢去。幾時得好事。透人來。一見了多才。口兒裏念心兒裏愛。合是姻緣簿上該。則爲畫眉的張敞。風流擲果的潘郎稔色。

【梅香云】今夜好歹來也。則管裏作念的眼前活現。【正旦唱】

【梁州第七】早是抱閒怨時乖運蹇。又添這害相思月值年災。【帶云】休道是我。【唱】天若知道和天也害。【云】梅香這早晚多早晚也。【梅香云】是申牌時候了。

【正旦唱】幾時得月離海嶠。纔則是日轉申牌。【梅香云】小姐日頭下去了。一天星月出來了。【正旦唱】怕露驚宿鳥。風弄庭槐。看銀河斜映瑤階。都不動纖細

塵埃。月也你本細如弓。一半兒蟾蜍。却休明如鏡照三千世界。冷如冰浸十二瑤臺。禁鑪瑞靄。把剔團圓明月深深拜。你方便我無礙。深拜你個嫦娥不妬色。你敢且半霎兒霧鎖雲埋。

【梅香云】這場事也非容易哩。【正旦唱】

【牧羊關】待月簾微籜。迎風戶半開。你看這場風月規劃。【梅香云】怎生規劃。【正旦云】你與我接去。【梅香云】怕他不來。倒教我去接他。【正旦唱】就着這風送花香。

雲籠月色。【梅香云】小姐爲甚麼着我接他去。【正旦唱】你道爲甚着你個丫嬛迎少俊。我則怕似趙杲送曾哀。【梅香云】這裏線也似一條直路。怕他迷了道兒。【正旦唱】你道方徑直如線。我道侯門深似海。

【梅香云】你兩個頭日。自說話來。【正旦唱】

【罵玉郎】相逢正是花溪側。也須穿短巷過長街。【梅香云】到那裏便喚你來。

【正旦唱】又不比秦樓夜讌金釵客。這的擔着利害。把你那小性格。且寧奈。【感皇恩】恰這大院深宅。幽砌閒堦。不比操琴堂。沽酒舍。看書齋。【梅香云】遲又不是。疾又不是。怎生可是。【正旦唱】教你輕分翠竹。款步蒼苔。休驚起庭鴉。喧鄰犬吠。怕院公來。

【梅香云】小姐這來時。可着多早晚也。【正旦唱】

【採茶歌】把粉牆兒挨。角門兒開。等夫人燒罷夜香來。月色朦朧天色晚。

鼓聲纔動角聲哀

【梅香云】我說與你。夫人已睡了也。一准不來了。今夜嬷嬷又在前面守着庫房門哩。到天色晚了。我點上燈。就接姐夫去。【裴舍引張千上云】張千。休大驚小怪的。你只在牆外等着。

【做跳牆見科云】梅香。我來了也。【梅香云】我說去。小姐姐。姐夫來了也。你兩個說話。我門首看着。【裴舍云】小生是個寒儒。小姐不棄。小生殺身難報。【正旦云】舍人則休負心。【唱】

【隔尾】我推粘翠靨遮宮額。怕綽起羅裙露繡鞋。我忙忙扯的鴛鴦被兒。蓋翠冠兒。懶摘畫屏兒。緊挨是他撒滯帶。把香羅帶兒解。

【嬷嬷上云】這早晚小姐房裏有人說話。在窗下聽咱。呀。果然有人。我去覷破他。【梅香云】小姐吹滅了燈。嬷嬷來也。【嬷嬷云】吹滅了燈。我聽的多時了也。你待走那裏去。【裴舍同旦做跪科。正旦云】是做下來也。怎見父母。妳妳可憐見。你放我兩個私走了罷。至死也不敢忘你。【嬷嬷云】兀的是不出嫁的閨女。教人營勾了身軀。可又隨着他去。這漢子是誰家。

的【裴舍云】小生是客寄書生乞容寬恕【嬖嬖云】俺這裏不是贏姦買俏去處【正旦唱】
【紅芍藥】他承宣馳驛奉官差。來這裏和買花栽。又不是瀛州方丈接蓬萊。遠上天台。比畫眉郎多氣概。驟青驄踏斷章臺。【嬖嬖云】都是這梅香小奴才勾引來的【正旦唱】枉罵他偷寒送煖小奴才。要這般當面搶白。

【嬖嬖云】不是這奴胎是誰【正旦唱】

【菩薩梁州】是這牆頭擲果裙釵。馬上搖鞭狂客。說與你箇聰明的妳妳。送春情是這眼去眉來。【嬖嬖云】好可羞也。那不羞。眼去眉來。倒與真姦真盜一般。教官司問去【正旦唱】則這女娘家直恁性兒乖。我待捨殘生還却鴛鴦債。也謀成不謀敗。是今日且停嗔過後改。怎做的姦盜拏獲。

【嬖嬖云】你看上這窮酸餓醋甚麼好【正旦唱】

【牧羊關】龍虎也招了儒士。神仙也聘與秀才。何况咱是濁骨凡胎。一箇

劉向題倒西嶽靈祠一箇張生煮滾東洋大海。却待要宴瑤池七夕會。便銀漢水兩分開。委實這烏鵲橋邊女。捨不的斗牛星畔客。

【嬖嬖云】家醜事不可外揚。兀那漢子。我將你拖到官中不道的饒了你哩。【裴舍云】嬖嬖。你要了我買花栽子的銀子。教梅香喚將我來。【正旦唱】

【三煞】不肯教一牀錦被權遮蓋。可不道九里山前大會垓。繡房裏血泊浸尸骸。解下這樓帶裙刀。爲你逼的我緊也。便自傷殘害。顛倒把你娘來賴。【梅香云】你要他這秀才的銀子。教我去喚將他來。便見夫人也。則實說。【嬖嬖云】夫人也。不信。【正旦唱】你則是拾的孩兒落的摔。你待致命圖財。

【二煞】我怎肯掩殘粉淚橫眉黛。倚定門兒手托腮。山長水遠幾時來。且休說度歲經年。只一夜冰消瓦解。恁時節知他是和尚在鉢盂在。他憑着滿腹文章七步才。管情取日轉千堦。

【嬖嬖云】親的則是親。若夫人變了心。可不枉送我這老性命。我如今和你商量。隨你揀一件做。第一件且教這秀才求官去。再來取你。不着嫁了別人。第二件就今夜放你兩個走了。等這秀才得了官。那時依舊來認親。【正旦云】嬖嬖。只是走的好。【唱】

【黃鍾尾】他折一枝丹桂羣儒駭。怎肯十謁朱門九不開。【嬖嬖云】若以後泄漏出些風聲。枉壞了一世前程。拆散了一雙佳配。常言道。一歲使長百歲奴。我耽着利害放你。則要一路上小心在意者。【正旦云】母親年高。怎生割捨。【嬖嬖云】夫人處有我在。此你自放心去罷。【正旦同裴謝科】【正旦唱】不是我敢爲非敢作歹。他也有風情有手策。你也會圓成會分解。我也肯過從肯耽待。便鎖在空房。嫁在鄉外。你道父母年高老邁。那裏有女孩兒共爺娘相守到頭白。女孩兒是你十五歲寄居的堂上客。【同裴舍梅香下】

【嬖嬖云】他每去也。若夫人問時。說個謊道。不知怎生走了。料夫人必然不敢聲揚。等待他

日後再來認親也未遲哩【下】

第二折

【裴尚書上云】自從少俊去洛陽買花栽子回來。今經七年。老夫常是公差。多在外。少在裏。且喜少俊頗有大志。每日只在後花園中看書。直等功名成就。方纔娶妻。今日是清明節令。老夫待親自上墳去。奈畏風寒。教夫人和少俊替祭祖去。咱【下】。【裴舍引院公上云】自離洛陽。同小姐到長安。七年也。得了一雙兒女。小廝兒叫做端端。女兒喚做重陽。端端六歲。重陽四歲。只在後花園中隱藏。不曾參見父母。皆是院公伏侍。連宅裏人也不知道。今日清明節令。父親畏風寒。我與母親郊外墳塋中祭奠去。院公在意照顧。怕老相公撞見。【院公云】哥哥。一歲使長百歲奴。這宅中誰敢題起個不字。若有一些差失。如同那趙盾便有災難。老漢就是靈輒扶輪。王伯當與李密疊尸。爲人須爲徹。休道老相公不來。便來呵。老漢憑四方口。調三寸舌。也說將回去。我這是蒯文通。李左車。哥哥。你放心倚着我呵。萬丈水不教泄漏。

了一點兒。【裴舍云】若無疎失。回家多多賞你。【下】。【正旦引端端重陽上云】自從跟了舍人來此呵。早又七年光景。得了一雙兒女。過日月好疾也呵。【唱】

【雙調新水令】數年一枕夢莊蝶。過了些不明白好天良夜。想父母關山途路遠。魚鴈信音絕。爲甚感嘆咨嗟。甚日得離書舍。

【駐馬聽】憑男子豪傑平步上萬里龍庭。雙鳳闕。妻兒真烈。合該得五花官誥七香車。也強如帶滿頭花向午門左右把狀元接。也強如掛拖地紅兩頭來往交媒謝。今日箇改換別成就了一天錦繡佳風月。

【云】我掩上這門。看有甚人來此。【院公持掃帚上云】哥哥祭奠去了。嫂嫂根前回復去咱。

【見科云】嫂嫂。舍人祭奠去了。院公特地說與嫂嫂得知。【正旦云】院公可要在意者。則怕老相公撞將來。【院公云】老漢有句話敢說麼。今日清明節。有甚節令酒果。把些與老漢吃飽了。只在門首坐着。看有甚的人來。【旦與酒肉吃科院公云】夜來兩個小使長把牆頭上。

花都折壞了。今日休教出來。只教書房中耍。則怕老相公撞見。〔正旦唱〕

〔喬牌兒〕當攔的便去攔。我把你個院公謝。想昨日被棘針都把衣袂扯。將孩兒指尖兒都搗破也。

〔端端云〕妳妳我接爹爹去來。〔正旦云〕還未來哩。〔唱〕

〔么篇〕便將毬棒兒撇。不把膽瓶藉。你哥哥這其間未是他來時節。怎抵死的要去接。

〔院公云〕我門口去吃了一瓶酒。一分節食覺一陣昏沉。倚着湖山睡些兒咱。〔端端打科〕

〔院公云〕誆殺人也小爺爺。你要到房裏耍去。〔又睡科。重陽打科〕〔院公云〕小妳妳女

孩家這般劣。〔又睡科。二人齊打介〕〔院公云〕我告你去也。快書房裏去。〔裴尙書引張千

上云〕夫人共少俊祭奠去了。老夫心中悶倦。後花園內走一遭去看孩兒做下的功課咱。

〔見院公云〕這老子睡着了。〔做打科。院公做醒着掃帚打科云〕打你娘那小廝。〔做見

慌科。尚書云。這兩個小的是誰家。【端端云】是裴家。【尚書云】是那個裴家。【重陽云】是裴尚書家。【院公云】誰道不是裴尚書家花園小弟子還不去。【重陽云】告我爹爹妳妳說去。【院公云】你兩個採了花木還道告你爹爹妳妳去跳起恁公公來也打你娘。【兩人走科。院公云】你兩個不投前面走便往後頭去。【二人見旦科云】我兩人接爹爹去見一老。爹問是誰家的。【正旦云】孩兒也。我教你休出去兀的怎了。【尚書做意科云】這兩個小的不是尋常之家。這老子其中有詐。我且到堂上看來。【正旦唱】

【豆葉兒】接不着你哥哥。正撞見你爺爺。魄散魂消。腸慌腹熱。手脚顛狂。去不迭相公把拄杖拈詳。院公把掃帚支吾。孩兒把衣袂掀者。

【尚書云】嚼房裏去來。【到書房。正旦掩門科。】【尚書云】更有誰家個婦人。【院公云】這婦人折了俺花。在這房內藏來。【正旦唱】

【掛玉鈎】小業種把攏門掩上些。道不的跳天撼地十分劣。被老相公親

向園中撞見者。說的我死臨侵地難分說。〔尙書云〕拿的芙蓉亭上來。〔正旦唱〕
氳氳的臉上羞撲撲的心頭怯。喘似雷轟。烈似風車。

〔院公云〕這婦人折了兩朵花兒。怕相公見。躲在這裏。合當饒過。教家去。〔正旦云〕相公可
憐見妾身。是少俊的妻室。〔尙書云〕誰是媒人。下了多少錢財。誰主婚來。〔旦做低頭科〕

〔尙書云〕這兩個小的是誰家。〔院公云〕相公不合煩惱。合歡喜。這的是不會使一分財禮。
得這等花枝般媳婦兒。一雙好兒女。合做一個大筵席。老漢買羊去。大嫂請回書房裏去者。

〔尙書怒科云〕這婦人決是娼優酒肆之家。〔正旦云〕妾是官宦人家。不是下賤之人。〔尙
書云〕噤聲。婦人家共人淫透私情來往。這非過逢赦不赦。送與官司問去。打下你下半截
來。〔正旦唱〕

〔沽美酒〕本是好人家女。豔冶便待要興詞訟。發文牒。送到官司遭痛決。
人心非鐵。逢赦不該赦。

【太平令】隨漢走怎說三貞九烈。勘姦情八棒十挾。誰識他歌臺舞榭。甚的是茶房酒舍。相公便把賤妾拷折下截。並不是風塵烟月。

【尚書云】則打這老漢他知情。【張千云】這個老子從來會勾大引小。【院公云】相公七年。前舍人哥哥買花栽子時。都是這廝搬大引小着舍人刁將來的。【張千云】老子攀下我來也。【尚書云】是了。敢這廝也知情。【正旦唱】

【川撥棹】賽靈輒。蒯文通。李左車。都不似季布喉舌。王伯當尸疊。更做道向人處無過背說。是和非須辯別。

【尚書云】喚的夫人和少俊來者。【夫人裴舍上見科】。【尚書云】你與孩兒通同作弊。亂我家法。【夫人云】老相公。我可怎生知道。【尚書云】這的是你後園中七年做下功課。我送到官司依律施行者。【裴舍云】少俊是卿相之子。怎好爲一婦人受官司凌辱。情願寫與休書便了。告父親寬恕。【正旦唱】

【七弟兄】是那些劣。慳痛傷嗟也。時乖運蹇遭磨滅。冰清玉潔肯隨邪。怎生的拆開我連理同心結。

【尙書云】我便似八烈周公。俺夫人似三移孟母。都因爲你個淫婦。枉壞了我少俊前程。辱沒了我裴家上祖。兀那婦人你聽者。你旣爲官宦人家。如何與人私透。昔日無鹽採桑於村野。齊王車過。見了欲納爲后同車。而無鹽曰。不可。稟知父母。方可成婚。不見父母。卽是私奔。吓。你比無鹽敗壞風俗。做的個男遊九郡。女嫁三夫。【正旦云】我則是裴少俊一個。【尙書怒云】可不道女慕貞潔。男效才良。聘則爲妻。奔則爲妾。你還不歸家去。【正旦云】這姻緣也是天賜的。【尙書云】夫人將你頭上玉簪來。你若天賜的姻緣。問天買卦。將玉簪向石上磨。做了針兒一般細。不折了便是天賜姻緣。若折了便歸家去也。【正旦唱】

【梅花酒】他毒腸狠切。丈夫又軟揣些些。相公又惡嗽嗽。乖劣夫人又叫丫丫似蝎蜚。你不去望夫石上變化身。築墳臺上立個碑碣。待教我謾撇。

撇愁萬縷悶千疊。心似醉意如呆。眼似瞎手如癩。輕拈掇慢拿捻。

【收江南】呀。砧叮。瑞拈做了兩三截。有鸞膠難續玉簪折。則他這夫妻兒女兩離別。總是我業徹也。強如參辰日月不交接。

【尙書云】可知道玉簪折了也。你還不肯歸家去。再取一個銀壺瓶來。將着遊絲兒繫住。到金井內汲水。不斷了。便是夫妻瓶墜簪折。便歸家去。【正旦云】可怎了也。【唱】

【鴈兒落】似陷人坑。千丈穴。勝滾浪千堆雪。恰纔石頭上損玉簪。又教我水底撈明月。

【德勝令】冰絃斷便情絕。銀瓶墜永離別。把幾口兒分兩處。【尙書云】隨你再嫁別人去。【正旦唱】誰更待雙輪碾四轍。戀酒色淫邪那犯七出的。應拚捨享富貴豪奢。這守三從的誰似妾。

【尙書云】既然簪折瓶墜。是天着你夫妻分離着。這賊醜生與你一紙休書。便着你歸家去。

少俊你只今日便與我收拾琴劍書箱上朝求官應舉去將這一兒一女收留在我家張千便與我趕離了門者【下】
【裴舍與旦休書科】
【正旦云】少俊端端重陽則被你痛殺我也【唱】

【沉醉東風】夢驚破情緣萬結路迢遙烟水千疊常言道有親娘有後爺無親娘無疼熱他要送我到官司逞盡豪傑多謝你把一雙幼女癡兒好覷者我待信拖拖去也

【云】端端重陽兒也你曉事些兒個我也不能勾見你了也【唱】

【甜水令】端端共重陽他須是你裴家枝葉孩兒也啼哭的似癡呆這須是我子母情腸廝牽廝惹兀的不痛殺人也

【折桂令】果然人生最苦是離別方信道花發風篩月滿雲遮誰更敢倒鳳顛鸞撩蜂剔蝎打草驚蛇壞了咱牆頭上傳情簡帖折開啗柳陰中鶯

燕蜂蝶兒也咨嗟。女又攔截。既瓶墜簪折。啗義斷恩絕。

【張千云】娘子你去了罷。老相公便着我回話哩。【正旦云】少俊你也須送我歸家去來。

【唱】

【鴛鴦煞】休把似殘花敗柳冤仇結。我與你生男長女填還徹。指望生則同衾。死則共穴。唱道題柱胸襟。當壚的志節。也是前世前緣。今生今業。少俊呵。與你乾駕了會香車。把這個沒氣性的文君送了也。【下】

【裴舍云】父親你好下的也。一時間將俺夫妻子父分離。怎生是好。張千與我收拾琴劍書箱。我就上朝取應去。一面瞞着父親。悄悄送小姐回到家中。料也不妨。【詩云】正是石上磨玉簪。欲成中央折。井底引銀瓶。欲上絲繩絕。兩者可奈何。似我今朝別。果若有天緣。終當做

瓜葛。【下】

第四折

【正旦引梅香上云】自從裴少俊將我休棄了回到洛陽。父母雙亡。遺下幾個使數。和那宅舍莊田。依還的享用富貴不盡。則是撇下一雙兒女。又未知少俊應舉去得官也不曾。好傷感人也。【唱】

【中呂粉蝶兒】簾捲蝦鬚。冷清清綠窗朱戶。閃殺我獨自離居。落可便想金枷思玉鎖。風流的牢獄。【內做鳥鳴科】【唱】誰叫你飛出巴蜀。叫離人不如歸去。

【醉春風】家萬里夢蝴蝶。月三更聞杜宇。則兀那牆頭馬上。引起歡娛。怎想有這場苦苦。都則道百媚千嬌。送的人四分五落。兩頭三緒。

【裴舍上詩云】親捧丹書下九重。路人爭識五花驄。想來全是文章力。未必家門積善功。小官裴少俊。自從上朝取應。一舉狀元及第。就除洛陽縣尹之職。去到這洛陽城。我且換了衣服。跟尋我那李千金小姐去。問人來。則這裏便是李總管家府門首。兀的不是梅香小姐在

家麼【梅香見科云】我則做不知。我這裏有甚麼小姐。這個漢子不達時務。你這裏立地。我家去也。【見旦科云】你歡喜也。姐夫在門首。【正旦云】這妮子又胡說。果然是他。你看他穿着甚麼衣服哩。【梅香云】他穿着秀才的衣服。小姐真個我不說謊。【正旦云】可怎生穿着秀才衣服【唱】

【滿庭芳】長安應舉。羞歸故里。懶覩鄉閭。他那裏談天口噴珠玉。一刻的者也之乎。他那三昧手能修手模。讀五車書會寫休書。教齋長休題柱。想他人有怨語兀的不笑殺漢相如。

【裴舍云】梅香進去了。就不出來。我自過去。【做見旦科云】小姐間別無恙。今日還來尋你。依舊和你相好。重做夫妻。【正旦云】裴少俊你是說甚麼話。【唱】

【普天樂】你待結綢繆。我怕遭刑獄。我人心似鐵。他官法如鑪。你娘並無那子母情。你爺怎肯相憐顧。問的個下惠先生無言語。他道我更不賢達。

敗壞風俗。怎做家無一二長男遊九郡。女嫁三夫。

【裴舍云】小姐。我如今得了官也。我父親致仕閒居。我特來認你。我就在此處爲縣尹。【正旦唱】

【迎仙客】你封爲三品官。列着八椒圖。你父親告致仕。却離了京兆府。吏部裏注定遷移。戶部裏革罷了俸祿。枉教他遙授着尙書。則好教管着那普天下姻緣簿。

【裴舍云】我則今日就搬將行李來。【正旦云】我這裏住不的。【唱】

【石榴花】常言道好客不如無。搶出去又何如。我心中意氣怎消除。你是簪付負與何辜。旣爲官。怎臉上無羞辱。【裴舍云】我與你是兒女夫妻。怎麼不認我。【正旦唱】你道我不識親疎。雖然是眼中沒的珍珠處。也須知略辯個賢愚。【裴舍云】這是我父親之命。不干我事。【正旦唱】

【鬪鷓鴣】一個是八烈周公。一個是三移孟母。我本是好人。家孩兒不是娼人家婦女。也是行下春風望夏雨。待要做眷屬。枉壞了少俊前程。辱沒了你裴家上祖。

【裴舍云】小姐。你是個讀書聰明的人。豈不聞子甚宜其妻。父母不悅。出子不宜其妻。父母曰。是善事。我則行夫婦之禮焉。終身不衰。【正旦云】裴少俊。你是不知。聽我說與你咱。【唱】

【上小樓】恁母親從來狠毒。恁父親偏生嫉妬。治國忠直。操守廉能。可怎生做事糊突。幸得個鸞鳳交。琴瑟諧。夫妻和睦。不似你裴尙書替兒嫌婦。

【尙書引夫人端端重陽上云】老夫裴尙書。我問人來。這便是李總管家府裏聽的少俊孩兒得了官。授本處縣尹。媳婦兒不肯認他。我引着兩個孩兒同老夫人可早來到也。左右報復去。道裴尙書在於門首。【祇候報科】【裴舍云】呀。父親在門首。我接去。父親。你孩兒得了官也。授本處縣尹。媳婦不肯相認。道我當初休了他來。【尙書云】孩兒在那裏。【見旦科云】

兒也。誰知道你是李世傑的女兒。我當初也曾議親來。誰知道你暗合姻緣。你可怎生不說你是李世傑的女兒。我則道你是優人娼女。我如今和夫人兩個孩兒。牽羊擔酒。一徑的來替你陪話。可是我不是了。左右。將酒來。你滿飲此一盃。【正旦唱】

【幺篇】他把酒盞兒擎。我便把認字兒許。【夫人云】你看我的面皮。我替你擡舉的兩個孩兒。偌大也。你認了俺者。【端端重陽云】妳妳。你認了俺者。【正旦唱】赤緊的陶母熬煎。曾參錯見太公跋扈。一個兒一個女。都一時啼哭。【帶云】哎。兒則被你想殺我也。【唱】須是俺斷不了子母腸肚。

【尙書云】哎。你認了我罷。【正旦云】你休了我。我斷然不認。【尙書云】你既不認。引着孩兒回去。【端端重陽悲云】妳妳。你好狠也。則被你痛殺我也。你若不認。要我兩個性命怎的。我兩個死了罷。【正旦云】我待不認來呵。不干你兩個事。罷罷罷。我認了罷。公公婆婆。你受媳婦幾拜。【尙書云】既是孩兒認了。將酒來。我與你慶喜。你滿飲一盃者。【正旦拜受科】【唱】

【十二月】這是你自來的媳婦今日參拜公姑。索甚擎壺執盞。又怕是定計鋪謀。猛見了玉簪銀瓶。不由我不想起當初。

【堯民歌】呀。只怕簪折瓶墜寫休書。【尚書云】孩兒舊話休題。【正旦唱】他那裏做小伏低勸芳醪。將一盃滿飲醉模糊。【裴舍云】小姐須索歡喜唱。【正旦唱】有甚心情笑歡娛。躑也波躑。賊兒膽底虛。又怕似趕我歸家去。

【尚書云】孩兒也。你當初等我來問親可不好。你可瞞着我私奔來宅內。你又不說是李世傑女兒。【正旦云】父親自古及今。則恁孩兒私奔哩。【唱】

【耍孩兒】告爹爹妳妳聽分訴。不是我家醜事將今喻古。只一個卓王孫氣量捲江湖。卓文君美貌無如。他一時竊聽求凰曲。異日同乘駟馬車。也是他前生福。怎將我牆頭馬上。偏輸却沾酒當壚。

【煞尾】今日個五花誥准應言。七香車談笑取。願普天下姻眷皆完聚。荷

着萬萬歲當今聖明主。

【尚書云】今日夫妻團圓。殺羊造酒。做慶喜的筵席。【詩云】從來女大不中留。馬上牆頭亦好逑。只要姻緣天配合。何必區區結綵樓。

題目 李千金月下花前

正名 裴少俊牆頭馬上

裴少俊牆頭馬上雜劇終

跋

白樸字仁甫。號蘭谷。一號太素。真定人。父華。字文舉。金樞密院判。金史有傳。金亡時。樸年始七歲。行輩故較後於關王。元白世爲通家。樸幼育於遺山。元氏遺山嘗贈詩。有元白通家舊。諸郎獨汝賢語。後官禮儀院太卿。贈嘉議大夫。太和正音譜評其曲如鵬搏九霄。又云風骨磊塊。詞源滂沛。推許備至矣。所著曰天籟閣集。至泗上亭長雜劇。今雍熙樂府亦存一套。以筆墨與樸絕不相似。未敢附入。至梧桐雨與牆頭馬上。俊語如珠。是元曲中所罕觀者。王國維謂樸似詩中劉夢得。詞中蘇東坡。婉約豪放。兩美蓋兼有之矣。盧前校記。

白仁甫雜劇

跋



元劇拾遺二

金陵盧 前校輯

白仁甫雜劇殘本二種

董秀英花月東牆記 存八曲

【近仙客】論婚嫁。笑哈哈。男有室女有家。看明年生下小哇哇。便請姑婆喫碗禿禿茶。

【喬合笙】看綠擁紅遮。正銀臺畫燭光皎潔。映桃顚杏臉人豔冶。任取玉山起。寶香漫爇。看珠廉繡幕香味絕。舞回瑞雪。趁龍笙鳳簫聲韻徹。兩情歡悅。夫妻且喜。洞房花燭夜。偏稱孔雀屏開。玳筵羅列。金鼎噴蘭麝。

【古瓦盆兒】宜室宜家。古書內說。男效才良。女慕貞潔。永遠堅心。堅意似石似鐵。兩情歡悅。夫妻且喜。洞房花燭夜。偏稱孔雀屏內。玳筵羅列。金鼎

噴蘭麝。

【薄媚曲破】兩情濃。非容易。都總關前世。你溫柔。咱聰慧。分明天賜佳配。須念奴身家。本簪纓之裔。告伊知。休覷奴若風塵潑妓。豈如是卑末非同別的。頗頗知文理。略舉頭有神祇。一天恩愛。怎忘伊。兩次三回。只管推來推去。爲甚的。裝盡千般風流樣勢。奴家在室。終日重門閉。怎知今日。千金廉潔身體。等閒輕棄。今旣奴把終身付你。休要將來忘恩負義。鸞鳳和鳴。情正美。星眼朦朧。閉歛黛眉。細看伊。便似有怯雨羞雲意。奴在深閨。夫婦鴛幃滋味。尙未知。此際方曉。新婚宴爾。懷兒緊貼。手兒輕惜。舌送暗香。粉汗融嬌發顫。困無力。雨散雲收。金鳳釵橫雲髻。似醉裏檀口。猶然吁吁喘息。咱甚福分。貧困間得遇多姝麗。更才貌俊美。我共伊真一對。鄭州梨生死相隨。若在地願連理。在天時同諧比翼。聽伊啓。奴家自欣喜。心兒間憐。

念伊恰渾如掌上珠。猶難比休得三心兩意似恁的。博得今生團圓到底。夫妻事。輻輳因緣歡會。盡如是。長記取深情密意莫拋棄。共同往神前拜跪設下山盟海誓。

【破子】教人翫賞真不寐。上花梢夜月遲。高燒銀燭照紅粧。不管驚花夢回。

【月上海棠】宿醒未解尙沈醉。翠娥忙報玳筵重啓。試教問取海棠花。昨宵開到第幾枝。融融暖日江山麗。春風花草自送芳菲。長春園內景堪題。遊賞拚沈醉歸。

【喜還京】去到書幃見他時。再三申意。休辜負暗約幽期。咱和你暫且今宵分袂。到明日別作道理。

【鍼線箱】爲薄情使人縈繫。終日把圍屏悶倚。病懨懨頓覺貪春睡。一日

瘦如一日。有時待重整些殘鍼指。便拈起東來却忘了西。香閨裏悶無言空對鍼線箱兒。

韓乘蘋御水流紅葉 第三折 見詞林摘豔

【正宮端正好】我恰纔秋香亭上正歡濃。望着他這上林苑逃席走。趁西風獨步閑遊。想一年世事如翻手。撚指間重陽又。

【滾繡毬】淅零零暮雨收。冷清清禁苑幽。悶懨懨去年時候。不覺的透羅衣。風力颼颼。風吹散面上酒。戲折的砌畔菊。我則將嫩香來重嗅。果然道佳節難酬。今朝綠蟻人先醉。我則恐明日黃花蝶也愁。信步閑遊。

【倘秀才】一弄兒殘荷敗柳。這場兒是俺那去年前感恨題詩御溝。低首沉吟喟然久。撲簌簌淚交流。恰便似珍珠脫了線頭。

【叨叨令】怕兒湮泪搵濕衫兒袖。冰的我這襪兒涼。浸的我鞋兒透。逗的

我意兒新感起我情兒舊。哭的我心兒酸。引的我眉兒皺。玉英嗒兩箇去來也波哥。嗒兩箇去來也波哥。照的我影兒孤。越顯的身子兒瘦。

【白鶴子】我從那去年前親發送。今歲也尙停留。我分明送過這玳瑁石口。壓欄前到閃在金漆木排柵後。

【白鶴子】經年離了池沼。我則道紅葉爛在汀洲。可怎生顏色兒儼然新。墨跡兒無些兒舊。

【紅繡鞋】緊跣定玻璃鴛鴦。天生下駝腰柳不纜龍舟。恰便似玉女觀泉弄溫柔。將身子斜探定。用一隻手將柳條揪。一隻手擲着這顫巍巍新嫩竹。

【快活三】莫不是有誰人題詩在上溜頭。怎肯道是我干休。好教我廝倖廝追究我與你親把何崖叩。

【鮑老兒】展玉腕廝瑯瑯向水面上兜。更怕甚濺濕泥金衫袖。則這翠竹梢頭少箇釣鈎。引的這水勢兒向東流。我則見衝開錦鱗。口飛綠鴨蕩散白鷗。見題紅泛泛。隨風颭颭。順水悠悠。

【古鮑老】方這里探身在岸口。將紅丟丟葉兒掉在手。就着這向陽日頭。濕浸浸水痕羅帕收渾一似血染般胭脂透。是誰將巧計搜。全不怕官司窳究。他將那兩句兒詩聯就。

【柳青娘】誰曾道是趁逐。天賜這場廝迤逗。看了這詩中意投。必定是箇俊儒流。裁冰剪雪感慣熟。若得來雙雙配偶。盡今生共結綢繆。則這去年前紅葉上紅葉上把詩修。

【道合】恰向今秋。恰向今秋。今秋園苑却閑遊。恰相投。道着俺着俺自儻。慙恁的恁的空遙受。同歡的池上景清幽。細凝眸。自素守使咱家空迤逗。

道那夢那夢合成就。天生落在咱家勾。那夢那夢合成就。若還見的遲疾後。若不咱收風力颼颼。趁着龍溝。險些兒厭厭厭逐水。厭逐水向上上東流。

【耍孩兒】往常我守椒房擔寂寞。捱昏晝。今日箇又添上關心症候。趁西風飄離了樹梢頭。送與我這一場閑悶閑愁。見了些翠裙鳳翅傷秋扇。我聽了些絳幘雞人報曉籌。年年池館皆依舊。你看俺這嬪妃年老。幾時得葉落歸秋。

【二煞】題詩人長共短。有情人知他是好共醜。不明不暗因他瘦。心兒中想念何曾見。夢兒里相逢不廝俦。這姻緣空遙受。青鸞無信。紅葉難酬。

【三煞】弄詩章相戲逐。不良才歹事頭。去年前將兩句相迤逗。暗歡喜空把他心中愛。虛煩惱故遮臉上羞。扮着箇志誠心將他候。看承做神珠玉。

顙出入在鳳閣龍樓。

【一煞】做一箇符牌兒挑在髻邊。做一箇面花兒貼在額頭。做一箇香囊兒盛了揣着。肉無情則許無情。受好處將來好處收。自今夜黃昏後。準備着洞房花燭。綉幙香裘。

【尾聲】穩坐着白象床。滿斟着碧玉甌。擁鮫綃將紅葉兒懷中摟。吃幾杯新親慶喜酒。

李克用箭射雙鵬

【中呂粉蝶兒】賽社處人齊。一個個恁般殺勢。直吃的渾身上村酒淋漓。一個個手張狂。脚趂起。直吃的醺醺沉醉。着人道村里夫妻。但行處不曾相離。

【醉春風】恰曬的布被搭上襖兒乾。又淹的泪流丟前檐濕。你這般揎拳

裸袖打阿誰。我甘不過你你。焦了重焦。絮了重絮。我則待醉了重醉。

【快活三】俺這里村莊兒上會親戚。當村里做筵席。醇糯酒整做下兩三石。有猪肉羊羶氣。

【朝天子】就着這瓮裏碗食。一個個乍手風無拘繫。俺從那里早晨間直喫到日平西。都灌的來醺醺醉。牛表嘲歌。沙三爭氣舞的是一張掀喬樣。勢再有是末樂器。又無他那路歧。俺正是村里鼓兒村里播。

【快活三】則聽的摔風也似喊聲起。吐雨般陣雲飛。則聽的兩捧鼓赤力力似春雷。一聲鑼轟霹靂。驚天地。

【六么篇】忽的向林莽中見這山崦裏。閃出一隊勇烈軍旗。手下軍便排雁行齊。多無那半千來人馬相隨。明晃晃秋霜手中持着刃器。鐸琅琅鑾鈴響戰馬如飛。不刺刺直撞到陣根底。

【六么序】其實端的則見燦燦金盔。糾糾雄威。甲掛唐衣。馬驟狻猊。一點鞭催。兩下軍隨。擺列着一字兒長蛇陣勢。他當攔住去不的。猛然間聽的審問箇真實。來者將姓甚名誰。

【六么令】他道是縱橫壯士。他道是未周德威。留下些買路錢。別有個商議。不登登怒從心上起。我根前怎敢道相欺。大倫的將俺不依隨。

【鮑老兒】呀。你則是小覷俺。閩外將軍八面威。也則是引起俺好鬪便爭。勢喝一聲手下兒郎快準備。轟擺列着金鼓旗旛隊。則見鞭梢點處。三軍隊伍前後皆齊。見一雙皂鷗。空中招展。上下翻飛。

【古鮑老】他道是比及和你對壘。先着你試看咱武藝。左手取寶雕弓。打兩石。右手取鳳翎箭。撚轉端的直箭。闖入珠紅扣。慢慢的弓兜開。碧玉梢。微微的靶推。此龍腰細。托太山前手推抱嬰孩。後手輕轉着力拽。一箇秋。

月團圓勢

【蔓菁菜】綁的一聲絃頭響。似春雷般乍起。箭光流似一點寒星飛墜。我則見把的中滴溜溜撲撲的着田地。一雙鷗透心窩正中着金鉞。我則見垓心內旗影裏把擱着手高聲叫起。

【剔銀燈】自從盤古分天地。便有那漢李廣養由基。他也不似這般快射。我見他拱手舒心便伏低。我見他喏喏連聲退。

【柳青娘】我則見他下的戰騎。怎敢說兵機。撲的來跪膝。遙望見七重圍。則這沙陀壯士歸服你。再誰想高官重職。再誰敢耀武揚威。情願馬頭前親執轡。親執轡一戎衣。

【道合】試他聽的可早歡喜。攀鞍上馬不猜疑。共相隨尋思的話投機。正尋覓英雄輩共扶持。邊威勢道着俺着俺同商議。着俺着俺教天執則今

日離了汾州地將令皆知。誰敢道延遲。金鐙敲者。玉鞭擊者。則俺那衆兒
郎呀。來來齊和着齊和着。凱歌凱歌回。

白仁甫雜劇存目

秋江風月鳳凰船

唐明皇遊月宮

漢高祖斬白蛇

祝英台死嫁梁山伯

楚莊王夜宴絕纓會

閻師道趕江

蕭翼智賺蘭亭記

泗上亭長

崔護謁漿

白仁甫雜劇存目

蘇小小月夜錢唐夢

薛瓊瓊月夜銀箏怨



高

文

秀

雜

劇





高文秀雜劇

黑旋風雙獻功

須賈大夫諱范叔

好酒趙元遇上皇

附周瑜謁魯肅



黑旋風雙獻功

第一折

【冲末扮孫孔目搽旦扮郭念兒同上】【孫孔目詩云】人道公門不可入。我道公門好脩行。若將曲直無顛倒。脚踏蓮花步步生。小生鄆城縣人氏。姓孫名榮。渾家姓郭。是郭念兒嫡親的兩口兒家屬。我在這衙門中做着個把筆司吏。我許了這泰安神州三年香願。今年第三年也。這渾家要跟隨將我去。爭奈小生平昔間軟弱。泰安神州謊子極多。哨子極廣。怎生得一個護臂。跟隨將我去。方可。大嫂。你在家中安排下茶飯。我去長街市上尋一個護臂。走一遭去來。【下】【搽旦云】孔目。你尋了護臂。早些兒來波。這裏也無人。我心上只想着那白衙內。和他有些不伶俐的勾當。我已央人叫他去了。只等來時自有說話。【詩云】衙內性兒乖。把他叫將來。說些私情話。必定稱心懷。【下】【外扮宋江吳學究領僮儻上】【宋江詩云】

家住梁山泊。平生不種田。刀磨風刃快。斧蘸月痕圓。強劫機謀廣。潛偷膽力全。弟兄三十六。個個敢爭先。某姓宋名江。字公明。綽號及時雨。者是也。幼年曾爲鄆州鄆城縣把筆司吏。因帶酒殺了閻婆惜。被告到官。脊杖六十。迭配江州牢城。因打此梁山經過。有我八拜交的哥哥晁蓋。知某有難。領偻儻下山。將解人打死。救某上山。就讓我第二把交椅坐。哥哥晁蓋三打祝家莊身亡。衆兄弟拜某爲頭領。某聚三十六大夥。七十二小夥。半垓來小偻儻。寨名水滸。泊號梁山。縱橫河港一千條。四下方圓八百里。東連大海。西接濟陽。南通鉅野。金鄉。北靠青齊。兗鄆。有七十二道深河港。屯數百隻戰艦。艨艟。三十六座宴樓臺。聚幾千家軍糧馬草。風高敢放連天火。月黑提刀去殺人。我有個八拜交的兄弟。姓孫是孔目。許下泰安神州燒香三年。燒了二年也。今年是第三年。問某討個護臂的人。小偻儻寨門首望着。若兄弟來時。報復某知道。【偻儻云】理會得。【孫孔目上云】小生孫孔目的便是。我離了家中。瞞着我渾家。則說街市上尋個護臂的人去。我這裏離梁山至近。宋江哥哥是我舊交的朋友。我問

他討一個護臂去。可早來到也。你們休放冷箭。報復去道。有孔目孫榮特地拜見哥哥來。
【僂儻報科云】喏報的哥哥得知有孔目孫榮到此求見。【宋江云】道有請。【僂儻云】請進。
【孔目做見科云】哥哥多時不見。受你兄弟兩拜。【宋江云】兄弟免禮。此一來莫非爲討護
臂麼。【孫孔目云】哥哥我則爲這三年香願。今年是第三年也。要帶媳婦兒前去。那泰安神
州。謊子極多。哨子極廣。特來問哥哥這裏告一個護臂來。【宋江云】學究兄弟。這樁事難以
點差。小僂儻踏着山岡。傳着某的將令。道三十六大夥。七十二小夥。半垓來小僂儻。那一個
好男子。保着孫孔目上泰安神州燒香去。可是有也是無。【僂儻云】理會的。我出得這門去。
兀那三十六大夥。七十二小夥。半垓來小僂儻。那個好男子。保着孫孔目上泰安神州燒香
去。可是有也是無。【做三科】。【正末扮李逵上云】有有有。我敢去。我敢去。【唱】

【正宮端正好】遮莫待渡關河。登途徑。把哥哥直送上泰嶽山城。將我這
夾鋼斧。綽清泉。觸白石。擻擻的新磨淨。放心也。我和那合死的官軍併。

【云】報復去道。有山兒李逵來了也。【偻儻云】喏報得哥哥得知。有山兒李逵來了也。【宋江云】着他過來。【偻儻云】着過去。【正末做見科云】宋江哥哥。喏學究哥哥。喏你兄弟來了也。【宋江云】兄弟有個客人在此。你和他廝見咱。【正末做見孔目科云】你兄弟知道。客人喏。【孫孔目驚科云】是人也。那是鬼。【宋江云】兄弟休驚莫怕。則他是第十三個頭領。山兒李逵。這人相貌雖惡。心是善的。【正末唱】

【滾繡球】我這裏見客人將禮數迎。把我這兩隻手插定。哥也。他見我這威凜凜的身。似碑亭。他可慣聽我這莽壯聲。諛他一個癡掙諛得荆棘律的膽戰心驚。【帶云】哥也。他不怕我別的。【唱】他見我風吹的齷齪。是這鼻凹裏黑。他見我血漬的腌臢。是這衲襖腥。審問個叮嚀。

【宋江云】山兒。這樁事我還不會點差。你可是要去。只你這個名字不好。誰不知你是李逵。你更了名。改了姓者。【正末云】哥也。你兄弟去便去。要改這名字怎的。【宋江云】你改了着。

【正末云】既要我改。我改做山兒者波。【宋江云】誰不知你是山兒。【正末云】改做李逵者波。【宋江云】誰不知你是李逵。【正末云】你兄弟老爺老娘家姓王。改做王重義者波。【宋江云】雖然更了名。改了姓。你這般茜紅巾。腥衲襖。乾紅搭膊。腿繃護膝。八答麻鞋。恰便似那烟薰的子路。墨染的金剛。休道是白日裏。夜晚間。揣摸着你呵。也不是個好人。【正末云】你兄弟打扮做莊家後生。可是如何。【宋江云】這等便堪可去。只是那得莊家的衣服來。【正末云】有有有。你兄弟下得山去。在那官道旁邊。一壁掩映着。等那莊家過去。你那衣服借與我使。一使兒。那厮與我萬事罷論。他但說個不與。我一隻手揪住衣服領上。一隻手摺住腳腕。滴溜撲。摔個一字交。闊脚板踏着那厮胸膛。舉起我這夾鋼板斧來。覷着那厮嘴縫鼻凹。恰待砍下哥。休道是衣服。那厮連鐵鋤都與你兄弟了也。【唱】

【倘秀才】我今日改換了山寨的醜名。我打扮做個莊家後生。我着那捕盜官軍摸不着我影。忒搗殺。好相爭。我和他鬪迎。

【宋江云】山兒泰安神州天下英雄都在那裏。你休與人厮丟厮打。做那打家截道殺人放火的勾當。【正末唱】

【伴讀書】泰安州便有那千千丈陷虎池。萬萬尺牢龍阱。我和你待擺手去橫行。管教他抹着我的無乾淨。保護得俺哥哥。哥哥不許生疾病。若是有差遲失了軍中令。哥也。我便情願納下一紙兒軍狀爲憑。

【宋江云】山兒。你要寫文書最好。只是你輸着什麼。【正末云】哥也。你兄弟這一去保護得哥哥無是無非。還家來若有些失錯呵。我情願輸三兩銀子。【宋江云】這個少哩。【正末云】哦。我再做個東道。請你那一班落保的。都吃一個爛醉何如。【宋江云】也還少哩。【正末云】罷罷罷。我情願輸了這六陽魁首。【唱】

【笑和尚】你你你道我調着嘴。不志誠。我我我打着手。多承領管管管他。壯着膽無後倖。偷偷偷若是到泰安州。敗了興。敢敢敢指梁山誓不回程。

來來來我情願輸了我吃飯的這一顆頭和頸

【宋江云】山兒你便寫得是了只要你下山去常忍事饒人者【正末云】哥也假似有人罵你兄弟呢【宋江云】忍了【正末云】有人唾在兄弟臉上呢【宋江云】你也還他些【正末云】還他這些兒【宋江云】少【正末云】還他這些兒【宋江云】少【正末云】還到這裏怕做甚麼【做打拳科】【宋江云】可不打殺人也則要你把是和非少爭競些兒纔好【正末

唱】

【耍孩兒】是和非誰共你閒相競假若是買物件多和少也不和他爭若有醉漢每罵我一千場【帶云】哥也你罵的是【唱】我只索忙陪着笑臉兒相迎那廝鼻中殘涕望着我這耳根邊噴那廝口內頑涎望着我面上零再不和他親折證我只是吞聲忍氣匿跡潛形

【宋江云】那泰安山神州廟有一等打撲臺賭本事的要與人廝打你見他山棚上擺着許

多利物只怕你忍不過就要廝打起來也不見得【正末唱】

【一煞】有那等打探臺使會能擺山棚博個贏占場兒沒一個敢和他爭施逞拳打的南山猛虎難藏隱脚踢的北海蛟龍怎住停我也只緊閉口不放些兒硬我只做沒些本領再不應承

【宋江云】如今你怎生打扮去纔好【正末唱】

【二煞】我將煙氈帽遮了眼睛粗布帛縛了腿脛着誰人識破我喬行徑【宋江云】孫孔目哥哥到那山上要點燭燒香回錢了願都是你與他當值來【正末唱】他上

山時我與他備點燭燒香的事下山時我與他供回錢了願的情一步步跟隨竟【宋江云】假似哥哥上馬呵【正末唱】上馬處就與他執鞭墜鏡【宋江云】假似哥哥吃酒呵【正末唱】吃酒處就與他綽錠提觥

【宋江云】那一個孫大嫂可也生得大有顏色只怕那一夥閒漢跟着他走不好意思【正

末唱】

【三煞】那大嫂年又青。貌又整。則被他一班兒惡少相纏定。似這等天寬地蕩的清平世。怎容得女縱男淫。潑賤精觸犯我真無幸。請大嫂輕輕移步。和哥哥慢慢同行。

【宋江云】山兒我教道你一句話兒你聽者。是恭敬不如從命。【正末唱】

【哨篇】可便道恭敬不如從命。今日裏奉着哥哥令。若有人將哥哥廝欺負。我和他兩白日便見那簸箕星。則我這兩條臂攔關扶碑。則我這兩隻手可敢便直釣缺丁。理會的山兒性。我從來個路見不平。愛與人當道攔坑。我喝一喝骨都都海波騰。撼一撼赤力力山嶽崩。但惱着我黑臉的爹。爹和他做場的歹鬪。翻過來落可便弔盤的煎餅。

【宋江云】便好道弓硬絃長斷。人強禍必隨。你若保着孫孔目回來時。我自有重賞。小心在

意則要你忍事饒人者【正末云】哥哥你放心也【唱】

【煞尾】我去呵兩隻手忙揪住巔嶮峯兩隻脚牢踏住村峭嶺主張的我神州廟裏身周正我可敢攤倒那嵯峨【帶云】放心也哥【唱】這一座泰山頂【同孫孔目下】

【吳學究云】李山兒與孫孔目去了也恐怕有失還該差神行太保戴宗尾着他去打探消息我們方好接應他【宋江云】這說的是小僂羅傳令與神行太保戴宗着他星夜下山打聽李山兒消息疾來回報者【卒子云】理會的【宋江詩云】孫孔目要護臂燒香李山兒怕惹事遭殃因此上差神行太保將消息早報取隄防【同下】

楔子

【搽旦上云】妾身是孫孔目的渾家郭念兒的便是有孔目街市上尋護臂去了我瞞着他着人尋那白衙內來有緊要的說話可怎生這早晚還不見他來也【淨扮白衙內上詩云】

五臟六腑剛是俏。四肢八節却無才。村人骨頭挑不出。俏從胎裏帶將來。自家白赤交的便是官。拜衙內之職。我是那權豪勢要之家。打死人不償命的。有這孫孔目渾家是郭念兒。和我兩個有些不伶俐的勾當。他着人來尋我。我如今到他家裏。若是他夫主不在家。我和他說幾句話。可早來到門首也。孫孔目在家麼。〔搽旦云〕這個是他來了。孔目不在家。你進來。〔白衙內做見科〕〔搽旦云〕我着人尋你。你在那裏。這早晚纔來。〔白衙內云〕我也忙。你喚我做甚麼。〔搽旦云〕如今孫孔目同我要往泰安神州燒香去。他說在火爐店裏安下。我有一計。你便先去那裏等着我。我有兩句兒唱。你則聽着。我便道眉兒鎮常挖皺。你便唱夫妻每醉了還依舊。我叫衙內。你叫念兒。我和你兩個跳上馬便走。〔白衙內云〕此計大妙。你先到那裏。你便等着我。我先到那裏。我便等着你。若見了你呵。跳上馬牙不約兒。赤便走。〔搽旦云〕衙內去了也。這早晚孫孔目爲甚不來。〔孫孔目同正末上云〕兄弟來到我家門首也。你過去與嫂嫂廝見咱。〔正末云〕哥也。請嫂嫂廝見咱。〔孫孔目云〕大嫂。我尋了個護臂

是王重義。你和他厮見咱。〔正末見旦兒科云〕嫂嫂休怪。恕生面少拜識。〔搽旦云〕吓臉腦兒恰似個賊。〔孫孔目云〕你好歹口也。他聽着哩。〔正末云〕哥哥你兄弟有一句話。可是敢說麼。〔孫孔目云〕兄弟有甚話說。〔正末云〕這嫂嫂敢不和哥哥是兒女夫妻麼。〔孫孔目云〕你好眼毒也。你怎麼便認將出來。〔正末云〕我便認出來也。〔唱〕

〔越調金蕉葉〕你看他那說話處呵。〔帶云〕我纔說道恕生面少拜識。〔唱〕他做多少丟眉弄色。〔搽旦云〕你看我這幾步兒走。〔正末唱〕你看他那行動處呵。〔帶云〕娘也又不是那小脚兒。豎裏一尺。橫裏五寸。〔唱〕做多少家鞋弓襪窄。可怕不打扮得十分像胎。〔帶云〕哥哥不是你兄弟口歹也。〔唱〕你可敢記着一場天來大小利害。

〔孫孔目云〕大嫂收拾行李。嚼燒香去來。〔同下〕〔丑扮店小二上詩云〕買賣歸來汗未消。上牀猶自想來朝。爲甚當家頭先白。一夜起來七八遭。小可是這火鑪店上一個賣酒的。但

是南來北往。官員士庶人等進香的。都在我這店中安歇。我今日開開板搭燒的鑊鍋兒熱着。是有甚麼人來。【正末同孫孔目搽旦上】【正末云】哥也來到這火鑪店。小二哥有麼。【店小二云】官人每打了火過去。【正末云】有乾淨房兒麼。俺住一往。【店小二云】官人請裏邊來。有頭一間房子乾淨正好住。【孫孔目云】小二哥把俺這大嫂寄在這裏。不許放甚麼閒雜人等到來攪擾大嫂。你則在這店中頭一間房子裏等着。我和兄弟占了房子便來也。【搽旦云】你可早些兒來。我可害怕。【正末云】嫂嫂。你則在這裏。我和俺哥哥占了房子便來也。【搽旦云】你可早些兒來。我可害怕哩。【正末云】嫂嫂。你在這裏。青天白日害甚麼怕哥哥去波。【搽旦云】孔目。你則早些兒回來。【孫孔目云】我知道。【搽旦云】孔目。你是必早些兒來。休着我憂心也。【正末云】哦。這個嫂嫂。你直這般割捨不得那。【唱】

【么篇】哎。你個嫂嫂。莫得見責。也則是虧着俺爲人在客。我恰纔囑付了。二回五解。【搽旦扯孔目科云】孔目。你早些兒回來。【孫孔目云】我就回來也。【正末扯孔

日做走科云。嫂嫂不索說。我和哥哥便來我恰纔囑付了店家安撫了嫂嫂天色將晚也。唱。則去兀那泰安州尋一個家頭房子去來。同下。

白衙內上云。自家白衙內的便是。有郭念兒約我在這火鑪店內相等。我便來到這裏。他不知在那裏。搽旦云。不知那白衙內來了也不曾我自唱一聲咱。唱。眉兒鎮常挖皺。

白衙內唱。夫妻每醉了還依舊。做叫科云。念兒。搽旦云。衙內快上馬俺和你去來。

同下。店小二云。怎麼了。恰纔那官人寄下的女人。平白地唱了一聲外邊一個人也唱了一聲他兩個私奔走了。如今他那弟兄兩個來時。我可怎麼回他的話。孔目上云。我與兄弟泰安神州占了房子。我想我的大嫂獨自一個在那店肆中。我放心不下。我撇了我那兄弟。看我那渾家去來到這店肆中。我那大嫂呢。店小二云。哥也是我在這裏。孫孔目尋科云。你怕不在這裏。只問你我渾家那裏去了。店小二云。我說則說你休煩惱。你兩個占房子去了。你大嫂平白的唱甚麼眉兒鎮常挖皺。外邊一個人也唱了一聲道是夫妻。

每醉了還依舊。一箇叫念兒。一個叫衙內。無三念無兩念。則一念他就念得走了。【孫孔目云】我兒你死也。我這渾家寄在這裏着人拐的走了。我到田間可等我兄弟來時。他便和你說話。【詩云】渾家好容貌。生得十分俏。被人拐去了。須索把狀告。【同下】

第一一折

【正末上云】自家山兒的便是。和俺哥哥草參亭上占房子去來。三轉身不見俺哥哥。想必去那店肆中望俺那嫂嫂去了。你看時遇春天是好景致也呵。【唱】

【仙呂點絳脣】柳絮堪撻。似飛花引惹。紛紛謝。鶯燕調舌。此景宜遊冶。

【混江龍】春光明曄。路行人拂袖撲蝴蝶。你覷那往來不斷。車馬相接。牆角畔滴溜溜草稔兒挑。茅簷外疎刺刺布帘兒斜。可知道你做營運的家業。大古裏人煙熱鬧。買賣稠疊。

【油葫蘆】三月春光景物別。好着我難棄捨。怎當這佳人士女醉扶者。你

看那桃花杏花都開徹更和那梨花初放如銀葉【白衙內同搽旦上】【衙內云】
大姐嗜行動些【正末唱】我這裏七留七林行他那裏必丟不搭說又被那夥
喬男喬女將咱來拽【白衙內做撞正末科】【白衙內云】不中走走走【同下】【正末唱】
這田地上赤留兀刺那時節

【云】甚麼人絆我這一脚不是趕俺哥哥忙呵我不道的饒了你也【唱】

【天下樂】打得那一匹馬不刺刺走不迭【孫孔目同店小二上】【孫孔目云】我
那渾家到那裏去了【正末唱】我這裏便觀也波絕那裏無話說我見他自推

自顛自硬咽我與你便一處行一處歇哥也不知道你煩惱因甚些

【云】哥也怎麼撇了我先來了那【孫孔目云】我因放我大嫂不下我先回來看他誰想這
店中不見了大嫂也【正末云】哥也可怎生不見俺嫂嫂麼【孫孔目云】兄弟你休問我你
則問店小二去【正末云】兀那店小二俺嫂嫂呢【店小二做怕科】【孫孔目云】你則問店

小二【正末云】兀那廝俺嫂嫂呢【店小二云】着人拐的去丁【正末云】怎生着人拐將去了也【正末做打店小二孫孔目勸科】【正末云】哥也你放手【唱】

【醉扶歸】則俺這拳起處如刀切恨不得打塌這廝太陽穴。【孔目搥正末

科云】兄弟也干他甚麼事【正末云】哥也你放手【唱】你將我這臂膊休攔住了者。

【帶云】我不打這廝別的【唱】只打這廝強奪人妻妾。【帶云】兀那廝可不道寄在不

寄失【唱】你是個小主人家可不道管着一個甚也我恨不得一把火刮

刮匝匝燒了你這村房舍。

【云】哥也我見來我見來一個男子漢一個婦人兩個疊騎着馬我正行走着裏被那馬撞

了我一脚我待要趕去來因爲趕着哥哥不曾去得哥也打與你一個模狀兒我見那廝的

衣裳鞍馬說起來看是也不是【唱】

【一半兒】我適纔途中馬上見他些那一個婦人疊坐着鞍兒把身體起。

那一個喬才橫捧着鞭兒穿插的別。我打個模狀兒說可不道有一半兒朦朧倒有一半兒切。

〔孫孔目云〕店小二哥。你只聽我兄弟說他穿的衣服。和你兩個對着可是他麼。〔店小二云〕哥。你說將來。看是也不是。〔正末唱〕

〔後庭花〕那廝綠羅衫。綠是玉結。皂頭巾。環是減鐵。〔店小二云〕正是正是。〔正末唱〕他戴着個玉頂子。新櫻笠。穿着對錦沿邊。乾皂靴。〔店小二云〕這個一發是了。他叫做什麼衙內。〔正末唱〕那廝暢好是忒陣。且莫說他。誠兒小鷄吹筒。粘竿有諸般來擺設。只他馬兒上更馱着一個女豔冶。

〔孫孔目云〕眼見得他是一箇權豪勢要之家。着他拐了我渾家去。可怎了也。〔正末云〕哥也。那廝走得也不遠。我和你趕將去。〔店小二云〕哥。我對你說。那個婦人在店裏面。唱一聲道。眉兒鎮常挖皺。那一個衙內在店外面。唱一聲。道。夫妻每醉了還依舊。一個叫道。衙內一

個叫道念兒無三念無兩念只一念便念得走了【正末唱】

【醉扶歸】那婦人呵他唱一句爲關節那喬才呵他應一句到來也兩下裏慌速速怕甚麼途路賒必然個寬打着大週摺我和你疾忙趕上者將他一雙的在馬前拽

【孫孔目云】兄弟你休去你這一去則是你獨自一個他那裏人手極多你手裏又無兵器則怕你近不得他【正末唱】

【賺煞尾】我也不用一條鎗也不用三尺鐵則俺這壯士怒目前見血東嶽廟磕塔的相逢無話說把那廝滴溜撲馬上活挾他若是與時節萬事無些不與呵山兒待放會劣懶惱起我這草坡前倒拖牛的性格強逞我這些敵官軍勇烈我把那廝脊梁骨各支支生擺做兩三截【下】

【孫孔目云】兀那廝你認的拐了我渾家的那個人麼【店小二云】他是那白衙內又喚做

甚麼白赤交。【孫孔目云】既然是這等我去大衙門裏告這廝走一遭去我那個大嫂也則被你想殺我也。【下】。【店小二云】怎麼了。那一個趕那廝去了。這一個告狀去了。他這一去若是趕不上回來我可怎了。我關上門也不開這酒店罷。【詩云】今日造化低。惹場大是非。不如關了店只去吊水雞。【下】。

第二折

【白衙內領張千上。詩云】小子白衙內平生好倚翠。拐了郭念兒。一日七箇醉自家白衙內的便是。自從我拐了那郭念兒來。我則怕那孫孔目來告狀。因此上我借這大衙門坐三日。他若來告狀。我自有個主意。張千門首覷着。若有告狀的。放他過來。【張千云】理會得。【孫孔目上云】小生孫孔目的便是。被白衙內拐了我渾家去了。我來到這大衙門裏。我告他一狀。冤屈也。【白衙內云】甚麼人叫冤屈。張千與我拿將過來。【張千云】當面。【白衙內云】兀那廝告甚麼。【孫孔目云】大人。我告着白衙內白赤交。拐了我渾家去了。望大人可憐見。

與小人做主。他把良人婦女拐了。則這等于罷。那廝少不得車碾馬踏。該殺該剮。【白衙內云】這廝。你怎麼這等罵他。假似他聽得呢。【孫孔目云】他有偌長耳朵。【白衙內云】這廝無禮。拏枷來。上了枷。下在死囚牢裏去。【孔目云】大人我是原告。【白衙內云】我這衙門裏。則枷原告。【張千云】你如今告誰。【孫孔目云】我告白衙內。【張千云】你原來不認得白衙內。則這便是白衙內。【孫孔目云】原來他便是白衙內。我告了關門狀。可着誰人救我那。【下】【白衙內云】如何我道他來告狀麼。如今把這廝下在死囚牢裏。我直牢死他。他渾家便屬了我。憑着我這片好心腸。天也與我條兒糖吃。【同下】【丑扮牢子上。詩云】有福之人服侍。無福之人服侍人。小可牢子的便是。今日該我當直。有孔目孫榮下在死囚牢裏。不免拏他出來。【孫孔目帶枷上】【牢子云】入牢先吃三十殺威棍。【孫孔目云】大哥則望你照顧我來。【牢子云】罷罷罷。且入牢去。將軍柱上拴了頭髮。上了脚鐐。手扭。擡上匣牀。使上滾肚索。拽拽拽。【孫孔目叫科】【牢子云】你燈油錢也無。免苦錢也無。倒要吃着死囚的飯。

有這等好處。你也帶挈我去走走。〔正末上云〕這裏也無人。山兒也事要前思。免勞後悔。當此一日。小僮懶踏着山岡。問了三聲道。有好男子跟的孫孔目哥哥往泰安神州燒香去。你正是囊裏盛錐。尖者自出。我便道我敢去。我敢去。又立了軍狀。在宋江哥哥根前說下大言。保護得孫孔目無事還家來。若有些失錯呵。願輸項上這顆頭。同孔目下的山來到得火鑪店內。我和他草參亭上占房子去。不知甚麼人把大嫂拐的去了。我說哥哥你則在這裏。我不問那裏。趕上那廝。奪得大嫂回來。我則趕他去了。誰想那哥正告在刁了俺大嫂的白衙內根前。如今把哥下在死囚牢裏。山兒也你有甚麼面目。見俺宋江哥哥。我無計可使。權打扮做個莊家呆後生。提着這飯罐兒。我怎能勾入的那牢裏去呵。我自有個主意也。〔唱〕

〔雙調新水令〕我可便爲哥哥打扮個醜容儀。〔帶云〕有那等不認得我的。他道我是個呆廝。呆廝。有那等認得我的。他便道我那裏是真呆廝。倒是箇真賊。〔唱〕怎知道我是那宋公明的兄弟。可也自有咱心上事。不許外人知。將我這飯罐兒忙

提山兒也可用着你那賊見識入牢內。

【做向古門問科云】大哥那裏是那牢哩。【內應云】高牆兒矮門棘針屯着的便是。【正末云】哦。高牆兒矮門兒一週遭棘針屯着的便是。多謝了大哥。【做走科云】此間是牢門首也。放下這飯罐兒。我拽動這牽鈴索。山兒也你尋思波着。那牢子便道你既是做莊家呆後生。便怎生認得個是牽鈴索。可不顯出來了。傍邊兒有這半頭甄。我拾將起來。我是敲這門。咱叔待叔待。你家裏有人麼。【牢子云】甚麼人。敢是提牢官來了。住着。若是提牢官呵。拽動這牽鈴索。可是甚麼人。打得這牢門。簌簌的響。我且開開這門看咱。【正末與牢子撞倒科】

【牢子云】我打您個弟子孩兒。【正末云】叔待你爲甚麼打我那。【牢子笑科云】原來是個莊家呆廝。【正末唱】

【落梅風】我這裏高聲的叫。叫到那五六回。哥哥你便開門。呆廝可便與哥哥支揖。【牢子打科云】這呆廝好無禮也。你怎麼抱住我兩隻手臂。我打這個弟子孩兒。

【正末唱】做甚麼惡眼眼怒從你那心上起叔待呆廝不曾湯着你。不索你沒來由這般叫天吶地。

【牢子云】你是甚麼人。【正末云】叔待孩兒每是個莊家。【牢子云】你這莊家們倒會受用快樂。【正末云】叔待俺這莊家至受苦惱也。【唱】

【夜行船】俺家裏要打水澆畦。【帶云】打罷那水澆罷那畦。俺娘道呆廝你還不往田裏去。【唱】我又索與他壓耙扶犁。【牢子云】好也。他把我當耕牛使用。【正末唱】我家裏還待要打柴刈葦。織屨編席。倒杼翻機。俺做莊家忒老實。俺可也不謊詐。不虛脾。

【牢子云】兀那廝你來這裏做甚麼。【正末云】叔待你家裏有我個孫孔目哥哥麼。【牢子

云】這弟子孩兒不知是牢他說是我家裏他姓孫。你可姓甚麼。【正末云】我姓王。【牢子

云】我打這個弟子孩兒他姓孫。你姓王。怎麼是兄弟。【正末云】叔待我可知和他不親哩。

這孔目跟的那官人到俺那鄉里勸農去來見我家房子乾淨他就在俺家裏下俺娘見他是箇孔目將那好茶好飯兒這般管待他因問俺娘姓甚麼俺娘道我姓孫那孔目道我也姓孫他拜俺娘做姑姑俺娘道俺家裏別無甚麼人只則有這箇呆廝早晚去那城裏面納些秋糧兒納些夏稅兒你便照顧他俺是這般親俺那裏是那真個的親眷來那【牢子云】原來是這等【正末唱】

【甜水令】俺那時節因納稅當差曾離鄉下到來城內【牢子云】這個也是認的兄弟打甚麼緊【正末唱】因此上認義我做相識【牢子云】若是要見他須是替他將油燈錢苦惱錢都與我些【正末唱】我待要與俺哥哥送些茶飯見些情義俺兩個又不是那真個親戚

【得勝令】呀便問我要東西叔待則你那沒梁桶兒便休提不比你財主們多周濟量俺這窮莊家有甚的俺真個堪嗤俺孩兒每臥土坑披麻被

你可也爭知。【帶云】還有精着腿無個袴兒穿的【唱】誰有那閒錢補策籬。

【牢子云】你看這個弟子孩兒把這頭扭過來驀過去一陣尿臊臭如今開開這牢門我着他先進去等待低下頭我一脚踏倒這廝我取一面唉兀那呆廝你先進牢裏去看你哥哥那【正末云】叔待你先行波【牢子做不走科云】我腿轉筋【正末云】叔待你休怪呆廝說俺家裏個老驢也是這麼抽蹄抽脚的【牢子云】哇【正末云】叔待你又怎麼的【牢子云】我腿上一個瘡【正末云】早看覷着不要遲了怕變做疔瘡哩【牢子云】你看這廝罵得我好【正末云】叔待你將我的這件東西波【牢子云】甚麼東西【正末云】俺娘與了我一貫鈔着我路上做盤纏我就揣在懷裏怎麼的吊了俺大家尋一尋還我【牢子云】等我替你尋【牢子低頭科】【正末蹬科】【牢子跌倒科】【正末入門科云】叔待我先進來了也叔待你家裏怎生這般黑洞洞的【牢子云】一個傻弟子孩兒休要呆着跟將我來【正末云】叔待你家裏人一定不老實可怎生高牆矮門兒一週遭棘針兒屯着【牢子云】呆廝跟的我

來。這是牢裏。〔正末笑科云〕呵呵我怎知是牢裏。〔唱〕

【歸塞北】他前面引只我背後把他跟隨。我將那田地兒踏窩。坨兒來記。呀誰知道一步步走入那棘針根底。

【鴈兒落】那坨兒裏牆較低。那坨兒裏門不閉。那坨兒裏得空便。那坨兒裏無尋覓。

〔牢子云〕跟着我入牢裏去。〔正末唱〕

【川撥棹】跟着他入牢內。使盡我這賊見識。哭哭啼啼。切切悲悲。則俺那孔目哥哥在那裏。你可也思量些甚飯食。

〔云〕孔目哥哥。〔孫孔目應科云〕哎喲。喚我的是誰。〔正末唱〕

【七兄弟】我這裏喚你。倒問我是誰。喚你的是王重義。〔云〕哎喲。哥哥也。〔孫孔目云〕兄弟也。你在那裏來。〔牢子打科云〕休要大驚小怪的。〔正末唱〕閣不住兩眼洒。

惶淚俺哥哥含冤負屈有誰知兀的不斷送在高牆厚壁矮門內。

【梅花酒】哥這罪也自省的使不着你精細使不着你伶俐竟不知你甚日脫離告押衙休疑惑辨別個是和非有關防無勢力把平人下在死田地。

【喜江南】呀俺哥哥又不是打家截道的殺人賊倒賠了個如花似玉的好嬌妻送與你這倚權挾勢白衙內到今朝這日纔得我非親是親的送那碗飯兒喫。

【牢子云】你看這呆廝口裏只管篤篤喃喃的說着許多說話既然有飯快拏將來餵他些罷。【正末云】叔待與俺哥哥些飯兒吃。【做解手科】。【牢子打科云】你餵他飯便罷你怎麼解他的手。【正末云】你休打波叔待不要鬪我要你將我的來波。【牢子云】敢又是那一貫

鈔。【正末唱】

【歸塞北】俺哥哥三朝的五日。可便忍餓耽饑。五六日不曾嘗着水米。常言道饑飽勞役。

【云】叔待你將我的來波。【唱】

【鴈兒落】他煙支支的撒滯滯。涎鄧鄧相調戲。別無人則有你。【云】你這個神道。是甚麼神道。【牢子云】這個是獄神。【正末云】你跪着。我也跪着。【唱】

嗒兩個說取
一個牙疼誓。

【牢子云】你爲甚麼也跪着神道。要我說誓來。【正末唱】

【小將軍】我恰纔送些茶飯與俺哥哥。且點饑。【帶云】你恰纔開門時節。你那頭撞着我這頭。叔待有俵。【唱】

明白的把一張匙。却插在這裏。這路天下不是
你個歪東西。叔待我將你來跪了。可便重還跪。

【牢子云】你便這一張匙。打甚麼不緊。你饑你哥哥飯去。【正末云】哥哥。你吃些兒波。【孫

孔目云。我吃不得了也。【正末云】哥哥不吃。我自家吃。【牢子云】兀那呆廝。是甚麼東西。【正末云】一罐子羊肉泡飯。哥哥不吃。我自家吃。【牢子云】你哥哥這幾日吃死囚的飯。他不吃。拏來我吃。【正末云】你真個要吃。管山的燒柴。管水的吃水管。牢的吃我脚後根。【牢子云】這廝他倒傷着我。將來我吃。【正末背科云】我隨身帶着這蒙汗藥。我如今攪在這飯裏。他吃了呵。明日這早晚。他還不醒哩。叔待你吃。你吃。【牢子云】將來我吃。【做吹科】

【正末云】叔待吹甚麼哩。【牢子云】將來我吹去了些砒霜巴豆。【牢子吃飯科云】倒好飯兒。鄉里人家着得那花椒多了。吃下去麻撒撒的。哎。噲。麻撒撒的。【牢子倒科】

【正末云】兀那牢子起來。這廝麻倒了也。到明日也還不醒哩。我解放了俺哥哥。則不俺哥哥一個人。我把這滿牢裏人都放了。我開開這門。你每各自逃生去。哥哥。我指與你一條大路。你一徑先上梁山寨。見俺宋江哥哥去。我晚間殺了白衙內。回來獻功也。【唱】

【鴛鴦煞】這廝他兩三番會使拖刀計。喏安排下搭救哥哥智。只在今日

明朝得勝而歸。暢道天理難欺。人心怎昧。則他這肉眼愚眉。把一個黑旋風。爹爹敢來也認不得。【下】

【牢子起身慌科云】哎喲。麻撒撒的。【下】

第四折

【白衙內同搽旦上】【白衙內詩云】借坐衙門放告牌。引得他人插狀來。專待囚牢身死後。方纔做了永遠夫妻大稱懷。自家白衙內的便是。我將孫孔目下在死囚牢中早晚便是死的人也。俺夫妻永遠團圓到老。兀的不快樂殺我也。正好飲酒。爭奈無有了。我使的伴當去那同知家裏取酒去。這早晚怎生不見來。【正末扮祇候上云】自家山兒的便是。我昨日救了俺孫孔目哥哥。今夜晚間殺白衙內。我打扮做個祇候人。提着這瓶酒。我則能勾到那廝根前。我自有個主意。天色晚了也行動些行動些。【唱】

【中呂粉蝶兒】酒果做緣由。安排下這場歹鬪。兩事家不肯干休。打這廝

損別人。安自己。他直吃到上燈前後。猛可裏擡頭不覺的助殺氣冷風吹透。

【醉春風】我想那一個濫如猫。這一個淫似狗。端的是潑無徒賊子更和着浪包婁。出盡了醜醜。情理難容。殺人可恕。怎生能毅。

【做見科云】兀的不是酒。【白衙內云】放下酒。你自出去。【正末云】這廝趕將我出來。我則在這窗兒外聽着。看他說甚麼。【搽旦云】衙內你坐着我去看些好菜蔬來。再吃酒哩。【正末探住旦科云】潑弟子。你認得我麼。則我是王重義。休言語。但開口脖子上則一刀。【搽旦云】好漢饒我性命。【正末唱】

【上小樓】不要你將沒作有。則要你貪花戀酒。我則見那一來一往。一上一下。擺腦搖頭。則爲你這個不識羞。和那個賊禽獸。雙雙的成就。【云】我不殺你。你可唱波。【搽旦云】唱甚麼那。【正末做揪搽旦科唱】可唱你那眉兒鎮常挖皺。

【正末殺搽旦科云】我把這一顆頭。且放在這裏。我可殺白衙內去。這廝醉了。我怎麼肯不明不暗殺了這廝。不免將涼酒噴醒他來。我慢慢的殺他未遲。【做噴科】【白衙內云】蓋了天窗。猫溺下尿來了。【做見正末科云】你是誰。【正末唱】

【么篇】爭知道他在我面前。不隄防我在他背後。只見他手脚張狂。左右攔當。何處奔投。則爲這喫劍頭。送得俺哥哥牢內囚。風也不透。【做揪白衙內科云】我不殺你。你唱波。【白衙內云】着我唱甚麼。【正末唱】可唱你那夫妻每醉了還依舊。

【正末殺白衙內科云】我把這兩顆頭都拏將來。做一搭裏放者。再將他衣服上扯下一塊來。撚做箇紙撚。去腔子裏蘸着熱血。在白粉壁上寫道是宋江手下第十三個頭領黑旋風。李逵殺了這白衙內來。【詩云】從來白衙內。做事忒狡猾。拐了郭念兒。一步一勾搭。惱犯黑旋風。登時火性發。隨你問傍人。該殺不該殺。寫是寫了。不免將着這二顆頭。到梁山泊上宋

江哥哥根前獻功去來【唱】

【小梁州】誰着你一世爲人將婦女偷。見不得皓齒星眸。你道有閒茶浪酒。結綢繆。天緣轉不枉了好風流。

【么篇】雖則是婚姻注定前生有。到的我黑爹爹一筆都勾。那裏也月下客。冰上叟。多管是殺人的領袖。【云】俺如今回去見宋江哥哥。他問道山兒你那泰安山的事怎麼了。我可也不說別的【唱】則獻上這血漉漉兩顆活人頭【下】

【宋江引吳學究孫孔目同卒子上】【宋江云】某乃宋江是也。因爲神行太保戴宗打探李山兒消息說孫孔目兄弟到得泰安神州廟。半山裏草參亭子上回來。早不見了他的渾家。元來是被白衙內拐騙去了。想這厮是箇有權有勢的人。李山兒一個如何近傍得他。爲此與吳學究星夜領一枝人馬前來接應。幸喜孫孔目兄弟已先來了。單不知李山兒的下落。大小僕儻作速與我趨上去者。【正末上云】兀那來的軍馬。不是我宋江哥哥也。【宋江云】

那挑着兩箇人頭的。不是李山兒麼。【正末云】俺李山兒獻功來。【擲人頭科】【唱】

【滿庭芳】奉哥哥元戎帥首。着我山兒孔目。同去秦嶽神州。又誰知草參

亭上剛回後。早不見了潑賊淫囚。【帶云】元來他與白衙內呵。【唱】他兩個笑吟

吟成雙做偶。背地裏悄悄設計施謀。【宋江云】他可設甚計謀來。【正末云】比時

孫孔目哥哥趕上去。正要尋個大衙門告他下來。豈知白衙內那厮早借一座大衙門坐着。專

等他來告狀。就一把拏住。發下死囚牢裏。指望將他禁死了。與他渾家做了永遠夫婦。可不好

那。【唱】專等待來追究。便將他牢監固守。只落得盡場兒都做了鬼胡由。

【云】我想當日在哥哥根前立下軍政文書。若不救的孫孔目出來。豈不怕輸了我李山兒

這一顆頭那。【唱】

【十二月】因此上裝一個送飯的。沾親帶友。那一個管牢的。便不亂扯胡揪。他見了咱拏着的。是飯羹羊肉。就待要一氣兒呷上兩盞三甌。他怎知

道下的有砒霜巴豆但喫着早麻撒撒害得個魄喪魂丟。

【堯民歌】那時節先打發了孫家孔日出牢囚我就直到他衙門裏面報冤讎。只見他兩個醉中情意正相投更遇着我爲他取到沽來酒清也波謳。清謳樂未休。只這兩句是他死時候。

【宋江云】他每兩個唱着的是甚麼曲兒你就殺了他來。【正末云】當日那淫婦姦夫暗地期約一個唱道眉兒鎖常挖皺一個唱道夫妻每醉了還依舊兩個跳上馬牙不約兒赤便走。今日撞着俺黑爹爹李山兒一把摺住頭髻按翻地上着他仍舊唱這兩句曲兒聲未絕口早磕擦的一板斧一個劈下頭來【唱】

【隨尾】他他他也會一騎馬雙馱着走怎知俺兩板斧劈下了頭。這都是親身作業親身受不枉了立軍狀的山兒果應了口。

【宋江云】今日梟了姦夫淫婦之首都是李山兒之功也。小僂儻將此兩個首級掛號梁山

泊前警諭衆庶。一面就忠義堂上。簪下酒臥番羊。與孫孔目李山兒共做一個慶喜筵席者。
【詞云】白衙內倚勢挾權。潑賤婦暗合團圓。孫孔目反遭縲綫。有口也怎得伸冤。黑旋風拔
刀相助。雙獻頭號令山前。宋公明替天行道。到今日慶賞開筵。

題目 及時雨單責狀

正名 黑旋風雙獻功

黑旋風雙獻功

二四二



黑旋風雙獻功雜劇終

須賈大夫譚范叔

楔子

【淨扮魏齊領卒子上。詩云】自從分晉列爲侯。天下雄兵數汴州。誰想馬陵遭敗後。至今說着也還羞。某乃魏齊是也。佐於魏國。爲丞相之職。想俺先祖魏斯。與那趙籍韓虔同爲晉大夫。三分其地。我魏國建都於大梁。今天下并爲七國。是秦齊燕趙韓楚。和俺魏國各據疆土。倚強凌弱。不肯相下。俺魏國與齊國有積世之讎。前年齊國遣孫臏統領軍馬。明稱救韓。暗來襲魏。被他詐敗佯輸。添兵減竈。在馬陵山下。削木爲號。衆弩俱發。射死大將龐涓。擄了長兄公子申歸齊。俺魏國從此不振。曾許他三年一進貢。屈指之間。早是三年了也。近日俺惠王病染不安。命俺權國欲遣一文武全備。能言快語之士。往聘齊國。一來還他三年貢物。二來求放公子申還朝。重修兩國之好。永爲唇齒之邦。俺國中惟有中大夫須賈。其人可以任

使已曾奏知俺主着他前去他說今日起程必來辭別可怎生這早晚還不見來左右與我門首覷者若須賈來時報復我知道【卒子云】理會的【冲末扮須賈上云】小官魏國中大夫須賈是也俺主惠王不豫魏齊權國令小官奉使於齊奈小官生而拙訥不能應對恐誤兩國之好小官家中有一辯士乃是范雎此人深懷妙策廣覽羣書問一答十堪充其任小官欲舉此人同去也見俺魏國多才有何不可此間正是相府門首小校報復去道有須賈來了也【卒子做報科】【魏齊云】道有請【卒子云】請進【做見科】【魏齊云】大夫你來了也今日爲何還不登程【須賈云】須賈行李已發還有一事未敢擅便特此稟知【魏齊云】大夫有何事但說不妨【須賈云】須賈平日拙口鈍辭猶恐應對有誤家中有一辯士名曰范雎得與此人同行凡事計議萬無一失須賈未敢自專請老相國裁奪【魏齊云】你說那范雎在於何處【須賈云】現在舍下【魏齊云】旣然如此何不就着此人來見俺波【須賈云】左右請將范先生來者【卒子做喚科云】范先生安在【正末扮范雎上云】小生

姓范名睢。字叔。本貫魏國人。氏幼習儒業。兼看兵書。不幸父每早年亡化。在此中大夫須賈門下。做着箇門館先生。今日着人呼喚。不知有甚事。須索走一遭去。〔做見須賈科云〕大夫呼喚小生。有何事分付。〔須賈云〕今小官奉使往齊。特舉先生爲副。萬一請得魏申公子還國。先生必有重用。俺適纔已稟過魏相了。同去見來。〔正末云〕旣如此。大人請先。小生隨後。〔須賈做入見科云〕稟上老相國。則此人便是范睢。〔正末拜科〕〔魏齊云〕辯士免禮。恰纔須賈大夫舉薦你。同入齊爲使。若保的俺長兄公子無事還於本國。那其間自有重賞加官也。〔正末云〕大人放心。小生自今日入齊爲使。管教公子無事還國也。〔唱〕

【仙呂端正好】憑著俺仲尼書。蒼頡字。周公禮子產文辭。奈家貧不遇人驅使。怎肯道是無用也。於才思。

〔魏齊云〕只要你保的公子還國。必有重用。〔正末唱〕

【幺篇】常則是半生忙不遂我平生志。居陋巷甘分隨時。今日箇和使臣

冠蓋相隨次。離魏國到臨淄。憑喉舌決雄雌。休戰陣免興師。【帶云】大人放心。憑范雎三寸之舌。包請俺公子歸國便了。【唱】管成就這公事。【下】

【須賈云】須賈就此告行。上託宗廟之靈。君主之福。下賴公子之德。相國之威。管取兩國和好。無負此一番使命也。【做拜別科】【魏齊云】大夫則要你小心在意者。【須賈做出門科云】左右那裏收拾行裝。輕車一輛。從者六七八人。與范雎先生同往齊邦爲使。則今日走一遭去。【詩云】從來使命本非輕。猶喜相知共此行。三寸舌爲安國劍。一函書作固邊城。【下】

【魏齊云】令人安排酒果。到於十里長亭。與須賈大夫餞行去來。【下】

第一折

【外扮驕衍領張千上。詩云】形據瑯琊勝財歸渤海。肥七雄誰第一。什二在東齊。小官乃齊國中大夫驕衍是也。方今周室旣衰。列國諸侯互相吞併。號曰七雄。是秦齊燕趙韓楚魏。先年間俺國與魏邦有隙。皆因魏邦倚恃龐涓之勢。屢次侵犯。俺國後來遣卜商大夫往魏進

茶聞知孫子大賢。在茶車裏暗藏他歸國。俺主公拜爲軍師。是時龐涓伐韓。孫子口稱救韓。却引兵徑去襲魏。詐敗佯輸。添兵滅竈。龐涓大喜。曰我固知齊軍怯入我境。士卒亡者過半矣。竟被孫子將那龐涓賺到馬陵山下誅了。連他公子申也被擄了。魏邦因此許俺三年進貢。今經第三年也。魏邦使臣。乃是須賈。帶一副使名爲范雎。這范雎果然是箇能言巧辯之士。俺主公見他一席話。不勝大喜。遂放公子申還國。兩邦修好。永爲唇齒。俺主公特遣小官。在驛亭中擺設筵宴。管待范雎。更有偌多賞賜禮物。表俺主公敬賢之意。張千門首覷者。若賢士來時。報復某知道。〔正末上云〕小生范雎。隨着須賈大夫到此齊國爲使。見了齊君。被小生幾句話打動的。他心歡意悅。就釋放俺公子申無事回還。今日有齊國中大夫騶衍在驛亭中。令人相請。須索去走一遭。想俺學成文武全才。虛淹半世。幾時是那崢嶸發達時節也呵。〔唱〕

【仙呂點絳脣】日月煎熬。利名牽擾。人空老。今日明朝。則俺這愁思知多。

少。

【混江龍】若依着先王典教。貧而無諂。富無驕。俺可甚一身流落。半世辛勞。常只是白首相知。猶按劍。枉了也。朱門先達。有同袍。猛回頭。則落的紆地微微笑。倒不如癡呆懵懂。甘守着陋巷的這簞瓢。

【云】可早來到驛亭也。令人報復去道。有范雎在於門首。【張千做報科云】報的大人得知。有范雎來了也。【騶衍云】道有請。【張千云】請進。【做見科】【騶衍云】賢士。小官奉主公命令。在此相候良久。賢士請坐。【正末云】量小生有何德能。勞大王如此重待。【騶衍云】賢士有如此大才。久後必有大用也。【正末唱】

【油葫蘆】自古書生多命薄。端的可便成事的少。你看幾人平步躡雲霄。便讀得十年書也。只受的十年暴。便曉得十分事也。抵不得十分飽。至如俺學到老。越着俺窮到老。想詩書不是防身寶。剗地着俺白屋教兒曹。

【騶衍云】賢士如今這秀才每但讀些書便去求官應舉。賢士有如此大才。何不進取功名也。【正末唱】

【天下樂】他每只是些趨避。當差影身草。自古來文章可便將人都誤了。【騶衍云】我想古人都是靠着文章出身的。怎見得就誤了人來。【正末唱】勸令人休將前輩學。【騶衍云】學便如何。【正末唱】學卞莊斬虎的。入虎穴學呂望釣魚的。近池沼學太康放鷹鷂。拿燕雀。

【騶衍云】賢士你不學古人。待要怎生也。【正末唱】

【那吒令】我論着那斬虎的。則不如去斬蛟。【騶衍云】這釣魚的。可是如何。【正末唱】釣魚的。則不如去釣鰲。【騶衍云】這放鷹的。可是如何。【正末唱】放鷹的。則不如去放鵬。調大謊。往上趨。抱羸腿。向前跳。倒能勾祿重官高。

【騶衍云】賢士。如今世上都是只敬衣衫不敬人的時節。也須穿着那鮮明衣帽。打扮的整

齊些纔好【正末唱】

【鶻踏枝】但有些箇好穿着。好靴脚。出來的苦眼鋪眉。一箇箇納胯那腰。說謊的今時。可便使着天那。則俺這誠實的管老死蓬蒿。

【騶衍云】賢士。你何不尋幾箇相識朋友。告求些齋發去。【正末唱】

【寄生草】本待要尋知契。謁故交。見十家九家門關了。起三陣五陣簷風。哨有千片萬片梨花落。但得箇一頃半頃洛陽田。誰待想七月八月長安道。

【騶衍云】張千將酒來。【張千云】酒到。【騶衍云】賢士。小官奉命將着那牛酒管待賢士。請滿飲此杯者。【做遞酒科。正末云】大人請。【騶衍云】賢士請。【正末云】恭敬不如從命。小生飲這杯酒咱。【做飲酒科。】【騶衍云】小官奉主公的命。在此驛亭中管待賢士。須要盡醉方歸。張千喚將那歌兒舞女來者。着他席間伏侍賢士。【張千云】歌兒舞女走動。【二旦上動

樂科【騶衍云】賢士如今暮冬天道紛紛揚揚下的是國家祥瑞更接着這歌兒舞女嬌
喉細細紅袖翩翩賢士請放開懷抱滿飲一杯者【正末云】大人委的是好受用也【唱】

【金盞兒】俺只見瑞雪舞鵝毛美酒泛羊羔這陰風不透重簾幙兩行絃
管列妖嬈頻敲白象板輕品紫鸞簫【騶衍云】賢士此處比門外又是一般天氣
【正末唱】抵多少地寒氈帳冷殺氣陣雲高

【騶衍再遞酒科云】小官想來據賢士有經綸濟世之才補完天地之手文通三略武解六
韜只合早決功名立取榮耀剗地困於窮途可不枉了你也【正末云】大人我范睢幼年失
教不諳經史想爲官者要忠勤廉正去暴除貪量范睢是一愚瞽之夫則可待時守分知命
安身未敢希望功名也【唱】

【醉扶歸】俺則待手把着嚴陵釣耳洗着許由瓢不圖他頂冠束帶立於
朝但得箇身安樂【騶衍云】賢士你怎麼說這等沒志氣的話人生功名富貴皆由自取

也不專是天數【正末唱】則這的便是俺一斟一酌再休題富貴也有箇輪來到。

【騶衍云】賢士你看俺爲官的喫堂食飲御酒佳人捧臂壯士擎鞭出則高牙大纛入則峻宇雕梁堂上一呼塔下百諾何等受用似你這閒居的麤衣淡飯草履麻縑有甚麼好處【正末云】大人則您這爲官的怎比俺清閒快樂也【唱】

【金盞兒】你爲官的剛量度今朝又早想來朝您幾時學得俺鶻嘍嘍一枕頭鷄叫【騶衍云】倒是你那閒居的好【正末唱】閒居的無事那逍遙喫的是醪醪一醉酒直睡到紅日半竿高則俺這無憂愁青衲襖索強如你耽驚怕紫羅袍。

【騶衍云】賢士再飲一杯【正末做醉科云】大人酒勾了也【做睡科騶衍云】賢士敢有酒睡着了也左右休大驚小怪的等賢士醒來時再飲幾杯者【須賈上云】不如意事常八九

可與人言無二三。小官須賈自至齊國。賴得范雎之力。在齊王座間。反覆辯論。范雎對答如流。辭無凝滯。齊王大喜。厚賜回聘禮物。又放俺公子申還國。永爲唇齒之邦。豈不可喜。小官今早謝過了齊王。止有中大夫騶衍尙未面別。聞知他在驛亭待客。不若就彼處告辭。令人騶大夫在此麼。【張千云】俺大夫在此待客哩。【須賈云】有勞報復一聲。道有魏須賈還國。特來告別。【張千做報科】【騶衍云】你說管待賢士。着他回去。明日來辭。【張千做回科云】俺大夫管待賢士哩。着你明日來辭。【須賈云】公子和行李都已先去了。怎生是好。令人有勞。再說一聲。道須賈不能久待。【張千云】俺大夫着你明日來辭。我怎敢又過去。【須賈云】沒奈何。再央你過去說一說。【張千云】也罷。你且等着。待我與你再稟。【張千做稟科云】有須賈他說。即刻要辭別。不能久待。【騶衍做怒科云】這廝好打。說道管待賢士哩。着他明日來。我沒有私宅的。這裏也不是他告辭處。你休出去。一壁有者。【張千做侍立科】【須賈云】小官在此門下伺候良久。不見回音。莫不那祇候人。不肯通報麼。天色漸晚。恐怕

誤了程途。待不辭來。又恐怕大夫見罪。他說管待賢士。不知管待的是何賢士。我自過去。有何不可。【做入門科云】這是儀門前。且莫過去。我試看咱。【做見正末驚科云】我道大夫管待甚的賢士。可是俺那范雎。此席爲何而設。我過去觀破此人。看他說甚麼。【做進見正末驚起科云】呀。大夫到此也。【須賈云】范雎。你也在這裏那。【正末云】是小生被召在此。【須賈云】須賈奉使。多謝大夫周方。今日還國。特來告辭。【騶衍云】須賈。你來是拜辭。還是撞席。我沒有私宅的麼。這驛亭中。豈是你辭別去處。我若不看賢士之面。我將你囚於齊國。着你終身不能回去也。【須賈做怕科云】小官得罪了也。小官在門外聽候。【騶衍云】住者。須賈着你道。大雪中來辭。我怎生無一杯酒與你喫。看着賢士面上。令人將酒來。【張千做斟酒騶衍遞科云】須賈滿飲一杯。【須賈云】小官謹領。【騶衍云】住者。賢士不曾飲過哩。須賈你怎敢先飲。【須賈做低頭科云】是是是。【騶衍云】賢士滿飲此杯者。【正末云】小生怎敢先飲。【騶衍云】賢士恭敬不如從命。賢士飲了者。【正末云】小生飲。【做飲酒科】。【騶

衍云。令人將酒來。須買你滿飲一杯。須買做接酒科。騶衍云。住者。你慌做甚麼。大甕家釀着酒哩。你喫多少。靠後。賢士。一隻脚兒來。兩隻脚兒來。賢士請箇雙杯。正末做飲酒科云。小生飲。騶衍云。令人將酒來。須買你飲這杯酒。須買做接酒科。騶衍云。住者。幾年不曾見那酒。兩隻手撈鈴一般相似。靠後。賢士可不道三杯和萬事。一醉解千愁。正末云。小生酒勾了也。騶衍云。賢士既不用酒。叫左右將禮物來。卒子做托砌末上科。騶衍云。賢士。小官奉主公之命。有黃金千兩。權爲路費。少助行色。莫嫌輕微也。正末云。大夫。小生多蒙大王厚禮。這等牛酒管待。尙且難消。又賜黃金千兩。斷然不敢叨受。騶衍云。賢士。俺主公所賜之物。賢士不受。莫非嫌輕麼。正末唱。

【賺煞】我可也敢嫌輕。騶衍云。莫非爲少麼。正末唱。非爲少。騶衍云。賢士不受。可是爲何那。正末唱。則俺這窮命裏消他不了。騶衍云。蔬菜薄味不成管待。正末唱。百味珍羞食又飽。騶衍云。賢士有酒哩。再飲幾杯波。正末唱。便做道酒腸

寬沉醉醕醕。俺這裏下堦道。〔做行復立科云〕范睢你不辭而回。是何禮也。〔做回謝科唱〕屈脊低腰。承管待深恩甚時報。〔騶衍云〕賢士。這黃金是主公所賜。請收了者。〔正末唱〕這千金敢叨。〔須賈云〕大夫見賜。安得而辭。〔正末唱〕斷然的不要。〔須賈云〕可不道富與貴人之所欲也。〔正末云〕不義而富且貴。於我如浮雲。〔唱〕俺則待麤衣淡飯且淹消。〔下〕

〔騶衍云〕賢士去了麼。〔張千云〕去了也。〔騶衍云〕須賈你知罪麼。〔須賈云〕小官不知罪。〔騶衍云〕須賈你豈不聞任賢則昌。失賢則亡。故秦用百里奚而秦霸。鄭用子產而鄭強。吳去子胥而吳衰。越去范蠡而越滅。如你魏國可謂失賢矣。前者不用孟子爲相。却用龐涓爲帥。所以馬陵之戰。你國公子申被擄於此。如今有一范睢。又不能用而爲相。却用你爲大夫。俺主公釋放你公子申還國者。專爲范睢之賢也。兀那須賈。你到於本國。便能辭官謝罪。讓位范睢。萬事罷論。倘若挾冤記讎。須賈你覷者。俺這裏雄兵百萬。戰將千員。有一日兵臨城

下將至濠邊。四下裏安環。八下裏拽砲人。平了你宅舍。馬踐了你庭堂。將你魏國蹺踏的粉碎。那其間則怕你悔之晚矣。須賈。【詩云】你也會讀古聖文章。須知蔽賢者謂之不祥。莫等待兵臨城下。方纔懊悔道自取其殃。【下】【須賈云】我正疑怪范雎今日臨行不見。却在此間飲酒。我乃魏國中大夫。受命爲使。倒不得與此宴。范雎是一從者。反受他牛酒管待。又賜黃金千兩。我若非親身至此。怎知有這等事。我想范雎本是一箇貧士。因見我到此。故不敢受他這千金之賜。我如不來。此金必然受了。教我轉轉猜疑。其中必然暗昧。【做沉吟科云】這有甚麼難見處。想必范雎在我背後。以魏國陰事告齊。故得此重賞。范雎你好無禮也。你坐於堂上。我立於階下。全無一點不安的意思。今日之事。我且藏於腹中。等待還國之後。范雎。和你兩箇慢慢的說話。正是恨小非君子。無毒不丈夫。【下】

第一折

【魏齊領卒子上云】某魏齊是也。遣須賈大夫入齊爲使。不想齊王就放長兄魏申還於本

國又有回聘之禮。此皆是須賈大夫之功也。今日他在宅中。安排酒殽。請某赴宴。想爲賞雪而設。已曾分付左右。輛起安車。往須賈大夫宅中走一遭去。〔下〕〔須賈引祇從上云〕小官須賈自從使齊還國。主公大喜。優禮甚厚。止有范雎一事。還不曾說明。今日就家中略備菓桌。專請丞相一人。要究范雎受齊宴賞之私。是何緣故。早間已令人請下。未見到來。時遇暮冬天道。紛紛揚揚。下着國家祥瑞。天色寒冷。一壁廂備下熱酒伺候。左右門首覷者。等丞相來時。報復我知道。〔祇從云〕理會的。〔魏齊領卒子上。詩云〕紫閣黃扉相府開。安危須仗出羣材。車聲何事鱗鱗動。專爲華筵賞雪來。此間正是須賈大夫私宅門首。令人報復去道。某家來了也。〔祇從做報。須賈慌接科云〕須賈有何德能。敢勞老相國屈高就下也。〔魏齊云〕多承大夫重意。老夫來遲。休怪。〔須賈云〕不敢。令人一面吹打。擡上果桌來者。〔祇從做擡果桌。須賈遞酒科云〕將酒來。老相國請滿飲此杯。〔魏齊云〕大夫此一遭出使。保的長兄還國。皆是大夫之力也。〔須賈云〕此豈須賈之能。全仗主公的洪福。老相國的餘威。何

足掛齒。今日雪中荷蒙台駕降臨。須賈不勝榮感。但有一事。要稟知老相國。未敢擅便。【魏齊云】大夫有何事。但說不妨。【須賈云】非是須賈饒舌。實爲國家利害。不得不言。前者須賈不才。出使齊國。所舉范雎同去。事畢將回。須賈因辭齊大夫駟衍於驛亭中。適值駟衍奉其主齊君之命。以牛酒筵宴款待范雎。宴罷又贈黃金千兩。其時范雎看見須賈到來。遂辭金不受。我想此人必以魏之陰事告齊。故得其賞。不然何以致此。須賈一向懷疑。未敢遽發。但此事關係非小。今日難得老相國降臨。乞差人召來。與須賈面對審問。一箇明白。【魏齊云】大夫不說某豈得知。便着人喚將范雎來者。【卒子云】范雎安在。【正末云】小生范雎是也。自陪須大夫入齊爲使。保的公子還於本國。【歎科云】也不見一些功勞在那裏。豈不是時也命也。今日冬天臘月十二。乃是小生賤降之日。太學中同輩書生請小生飲一杯兒酒。恰纔正飲之間。有一書生說起太公事來。俺想他遇不着那文王呵。【唱】

【南呂一枝花】這其間尙兀自垂釣在渭水傍。獨坐在磻溪上。至如我有

才如呂望也。則怕無福。可便遇文王。暗自斟量。天生下窮酸相。幾時行通利。方憑着嚙鼓舌。搖唇立取他封侯拜將。

【梁州第七】但只問魏公子因何釋放。全仗着那一箇遊說齊邦。怎生這功勞不在咱頭上。幾曾霑一絲兒賞賜。壯半米兒行裝。可着俺越多伎倆。越受淒涼。枉誤了十載文章。乾捱了半世風霜。他他他誰肯念陋巷間一瓢的書生。是是是我願。則願那都堂中八府的宰相。來來來他每都不着。我見那深宮內萬歲的君王。這天氣怎當。白茫茫冰連江海。三千丈徒步去將何往。早則是冒雪衝寒凍。欲僵。這便咱衣錦還鄉。

【做見祇從科云】請小生有何事幹。【祇從云】范先生你在那裏來。俺大夫安排筵宴管待。丞相哩教我請你快行動些。【正末云】元來是大夫教你請我麼。【唱】

【隔尾】你那裏蒲萄酒設銷金帳。羅綺筵開白玉堂。聞知道魏相國親身

到宅上【做徘徊科云】既是請丞相赴宴。怎又請我【唱】故意把寒儒廝獎顯的他寬洪海量【云】哦。我知道了也【唱】多應是須賈高情。將我這范睢來講。

【做見科】【須賈云】范睢你在那裏來【正末云】今日是小生賤降之日。太學中一輩的書生。請小生飲幾杯酒。聽得大人呼喚。小生不敢稽遲。一徑造此【須賈云】哦。元來今日是你生日。祇從人與我掃一塔乾淨田地。請先生去了衣服者【正末云】老丞相在上。小生怎敢去衣服。則這般呵好【須賈云】還請去了衣服【正末云】我猜着了也【唱】

【牧羊關】我怕喫那細索麵。醒酒湯。便是油汁水。灑污也何妨。今日箇爲公子設佳筵。怎倒與小生做賤降。【魏齊云】范睢恭敬不如從命也【正末做脫衣服科】【須賈云】將問事來【祇從做丟下問事】【正末慌做科云】酒席上怎麼用這東西【唱】只見一條沉鐵索。當前面兩束麤荆棍。在邊廂。那裏有這般樣稀奇物。大夫也強將來做薦壽觴。

【須賈云】范。睢。你知罪麼。【正末云】小生不知罪。【須賈云】今日箇請老相國在此。和你講明一句話。當日同使於齊。齊君牛酒金帛。獨獨管待你。是何緣故。你可對老相國實說。【正末云】老丞相在上。當初隨大夫入齊爲使。見了齊君。小生一席話間。使齊君大喜。釋放俺公子還國。這的是小生之功。怎做得小生之罪。【須賈云】范。睢。你不以吾國陰事告齊。焉得有此重待。你如何不肯實說。【魏齊云】這匹夫不打不招。【須賈云】祇從人與我打着者。一杖子與他增添一歲。【祇從做打科】【正末唱】

【隔尾】正是那耕牛爲主。遭鞭杖。啞婦傾杯反受殃。災禍臨身自天降。我吃了這一場棍棒。天那。這的是爲國於家落來的賞。

【須賈云】左右。將酒來。老相國常言道。酒肉攤場。吃王條。依正行。今日筵上飲酒的。自飲酒。他受刑的。自受刑。正所謂情法兩盡。請老相國滿飲一杯。【正末云】大夫這數九的天道去了。衣服不凍。殺小生也。【須賈云】你這等人不凍死了。要他怎的。【正末唱】

【牧羊關】淚電于腮邊落。血冬凌滿脊梁。凍剝剝雪上加霜。則被你餓掉了三魂。敲翻了五臟。帶肉連皮顫徹髓透心涼。似這等勘范叔森羅殿。抵多少凍蘇秦冰雪堂。

【須賈云】左右將酒來。【祇從云】酒到。【須賈做遞酒科云】老相國請滿飲一杯。少遮寒色。【正末云】大夫你打了小生一日。也有甚麼茶飯與小生些兒吃。【須賈云】你餓了麼。據禮不當與你吃。我怎肯做的。坐兒不覺立兒饑。祇從人那裏將的他那茶飯來。【祇從做拿砌末放下科】【須賈云】祇從人你着他自己揭開食用波。【正末做開看科云】這的是喂頭口的草料。怎生與小生吃。【須賈云】你道是喂頭口的草料與你吃。匹夫我保你同入齊爲使。你以陰事告齊。受他金帛牛酒。你與頭口何別。豈不是背槽拋糞。你喫了者。一根草與你添一千歲壽。若不吃呵。祇從人將大棒子打着者。【祇從做打科】【正末唱】

【紅芍藥】哎呀。一輪紅日爲誰藏。地老天荒我則見半空中瑞雪亂飛揚。

一剗顛狂。則恁這待佳賓筵會上。端的箇華堂。別是風光。放下那一盤家
判草半青黃。拌上些粗糠。

【須賈云】你這等人。只該與你這樣東西喫。【正末唱】

【菩薩梁州】則我這綿囤也似衣裳坐不的紅爐也。那土坑喫黃齏的肚
腸。【帶云】擡了者。【唱】我吃不的這法酒肥羊。則我這三般地獄怎生當。無
情風雪無情棒。似吃着無心草。死熬這脰。情況打得我肉綻皮開。內外傷。
眼見的不久身亡。

【正末做死科】【魏齊云】那范睢打的如何。【卒子云】打死了也。【魏齊云】大夫這酒也飲
的勾了。【須賈做醉科】【魏齊云】哦。大夫醉了也。等他醒來時說。我自回去也。左右將坐車
來還府中去。【詩云】主人已沉醉。老夫歸去來。軒車還相府。燈火出天街。【下】【須賈做醒
科云】丞相爺安在。【祇從云】適纔回去了也。【須賈云】他回去了。敢是怕我貽累他哩。左

右揣那匹夫過來。【祇從云】范睢已打死了也。【須賈云】哦他死了。休道打殺一箇。打殺了十箇也無事。祇從人與我將他撇在後面廁坑裏。明日將糞車載出去。不是這等也警不的。後人只爲范睢不忠於國。不孝於家。小官平生一世。偏恠這等無恩無義的人。【詩云】非我不心慈。王法本無私。夫人必自悔。然後人悔之。【下】【祇從做擡正末撇下科云】將范睢丟在廁坑中也。咱等伏侍這一日。天氣寒冷。各自回家吃杯酒去。待明早回話便了。【下】【正末做醒科唱】

【隔尾】哎呀。我幾曾醉眠繡被流蘇帳。莫不是夢斷茅廬映雪窗。長歎罷。剛將眼睜放。我看了這廂。我又覷了那廂。天也原來我這七尺身軀在那廁坑裏趨。

【叫疼科云】范睢你好苦也。大夫你好狠也。你便打死我也罷了。怎麼丟在廁坑裏。這穢氣教我如何當得。且待我慢慢的掙鬪起來。只索逃我這性命去。【外扮院公冲上云】自家須

賈大夫家一箇院公是也今日俺主人擺設筵宴管待那魏齊丞相整整吃了一日的酒如今天色晚了也我點起燈來家前院後執料去咱【做撞見正末慌科】院公云是什麼人在這裏走動【正末做躲科】唱

【牧羊關】待走來如何走待藏來怎地藏沒揣的偏和他打箇頭撞院公云我舉起這燈來試看咱我道是誰原來是范睢你看一身穢汚你也少喫一鍾波【正末唱】我幾曾吃美酒羊羔剛則是吃了會胡枷亂棒院公云你既不醉呵怎生渾身都是穢汚【正末唱】則被這糞沾濕我兩鬢角尿浸透我一胸膛院公云你站開些這臭氣當不得【正末唱】你聞不的我這穢氣渾身臭院公也我幾喫那開堙十里香

院公云你原來不會吃酒可怎生這箇模樣【正末做跪科云】院公可憐見你救我咱我同大夫入齊爲使見了齊王一席話間齊王大喜便將公子魏申釋放還國齊王命中大夫

騶衍在驛亭中賜牛酒管待小生又賜黃金千兩我並不曾受這是大夫親見的今歸本國
安排筵宴請魏齊丞相飲酒說我以陰事告齊將我三推六問吊拷紉扒打死了我丟在這
糞坑中倒虧這穢氣熏活了望院公怎生救我出去此恩異日必當重報【院公云】嗨好可
憐人也這裏也無人你跟將我來打些水淋的你身上乾淨脫了你那穢污衣服這寒冷天
道不凍殺了你來我有穿的舊綿衣服待我取將來與你穿【做取砌末科上云】你穿了這
衣服還有五兩碎銀子與你將息去我如今開了後角門放你出去你休在這裏不問他州
外府逃你的性命你久已後若得志呵只休忘了我的思念【正末做拜科云】院公你是
我重生的父母再養的爺娘小生也不往他處唯有秦國最強可以報讎就此告辭去也【

唱】

【黃鐘尾】我便似伍員去楚心猶壯孫臏投齊氣怎降謝恩人肯主張放
咱去入咸陽仗英雄顯志量見秦君說勾當管穰侯立辭相不荒唐有承

望【云】院公不是我范睢說口。想報冤之期可也不遠【唱】你則待的到蟄龍一聲雷
震響【下】

【院公云】早是他遇着我哩。若撞見別人可怎了也。若是死了這樣有才學的人豈不可惜。
等主人問時。我只說在糞車裏已將他送出城外去了。料想不來尋他。正是天上人間方便。
第一莫待他年纔想今日【下】

第二折

【須賈引祇從院公上。詩云】齊邦爲使有風塵。今日驅車又入秦。人道此中狼虎地。可能容易出關門。小官須賈。此來爲秦國新拜一相。乃是張祿。遣人徧告六國。各以中大夫入秦慶賀。小官到此好幾日了。爭奈各國使臣也還有未到的。那張祿丞相不肯放參。時遇冬寒。天道風雪大作。少不得要往相府前去伺候。院公。你在客館中。整頓下茶飯。我等雪慢呵乘車而回也。【院公云】理會的。【院公下】【須賈做行科云】雪大的緊。祇從人且將這車兒向人

家房簷下略避一會等雪慢時再行也【正末上云】小官范睢是也入秦以來改名張祿代穰侯爲相曾遣人徧告六國各遣中大夫前來稱賀那須賈到此已幾日了我如今卸下冠帶仍舊打扮布衣到客館中看須賈去他可還認的我麼想我范睢若不受那苦楚幾時得這崢嶸發跡也呵【唱】

【正宮端正好】未亨通。遭窮困。身居在白屋寒門。兩輪日月消磨盡。不覺的添霜鬢。

【滾繡毬】人道是文章好濟貧。偏我被儒冠誤此身。到今日越無求進。我本待學儒人。倒不如人。昨日周。今日秦。【帶云】似這般途路難逢呵【唱】可着我有家難奔。恰便似斷蓬般移轉無根。道不得箇地無松柏非爲貴。腹隱詩書未是貧。則着我何處飄淪。

【正末做窺望】【須賈見科云】奇怪大雪中走將來這箇人。好似范睢也。待道是呵。我當初

打殺他了再怎生得箇范睢來待道不是呵你看那身分兒好生相似且休問他是不是待我喚一聲范睢范睢近前來我和你說話咱【正末云】誰喚范睢哩【唱】

【叨叨令】我聽的他兩三番叫嚙往前進猛可便扭回身行至車兒近我這裏忙掠開淚眼將他認【須賈云】是我喚你哩【正末唱】我這裏覷絕時倒把身軀褪【正末做怕科】【須賈云】范睢你見了小官這般慌做甚麼那【正末云】大夫也你莫不又待打我也波哥你莫不又待打我也波哥諛的我兢兢戰戰忙逃奔

【須賈云】范睢少待一別許久正要和你講話何故如此驚恐先生固無恙乎【正末唱】

【滾繡毬】大夫也想着你折磨我那一場我喫了你那一頓你打到我有一二三百棍【須賈云】你且休題舊話則問先生何以到此【正末唱】自從我逃災出魏國夷門【須賈云】原來先生西入秦邦有幾時了【正末唱】到今日經兩冬過一春

睡夢裏不曾得箇安穩。【須賈云】你也會思量小官麼。【正末唱】想着你那雪堆兒裏將我棍棒臨身。【須賈云】你這般慌做甚麼。【正末唱】但題着你名姓先驚了膽。夢見你儀容。【帶云】兀的是須賈大夫來也。【唱】哎呀可又早謊了魂。有甚精神。

【須賈云】小官今日見先生觀其氣色。比往時大不同。想必崢嶸得意於此。【正末云】大夫休說小生吃的。且看小生穿的。【唱】

【倘秀才】你看我這巾幘舊雪冰透我腦門。衣衫破遮不着我這項筋。甚的是白馬紅纓彩色新。自歎氣。自傷神。只落的微微暗晒。

【須賈云】嗟乎范叔。一寒如此哉。左右取一領綈袍過來。【祇從做取衣料。】【須賈云】雪大天氣寒冷。此綈袍聊與先生禦寒咱。【正末云】量小生有何德能。多謝了大夫。【做接衣料。】

【唱】

【伴讀書】謝大夫多情分。賜綈袍無慳吝。我可便接將來。怎敢虛謙遜。覺的軟設設。身上如綿囤。不由不喜孜孜。頓解心頭悶。我我我怎報的。你這救濟之恩。

【須賈云】這綈袍穿着倒也可體【正末唱】

【笑和尚】比我舊腰身寬二分。比我舊衣襟長三寸。正遮了這破單褲。精賺刃。凍剝剝。正暮冬。如今暖溶溶。便開春來來。來謝綈袍。粧點了我胸身分。

【背云】此人綈袍戀戀。尚有故人之心也。【須賈云】先生與小官同到邸舍。共一飯。敝舊如何。【正末云】敢問大夫爲何至此。【須賈云】先生不知。小官特來慶賀張祿丞相。先生在秦已久。可曾聞的張祿丞相。與誰人最善也。【正末云】原來大夫因賀張祿丞相。到此小生別無聞見。但張祿丞相與小生亦有一面之交。【須賈云】哦。先生原來與張君有善。【做背科】

云】我這綈袍送的着了也【回云】先生吾聞秦國大小之事一決於相君今吾等在此去留皆出其口先生如肯與小官少進片言慨放小官回還也見得先生不忘故舊豈有意乎【正末云】這箇當得但恐人微言輕不足爲重【須賈云】我想先生在魏國時小官也不會輕視先生【正末云】多感多感【唱】

【滾繡毬】想着你那日辰那時分我胡吃了三推六問着我似拽車的驢馬同塵想着你喂惜的情草料的恩我怎肯背槽拋糞【須賈云】君子不念舊惡這也不必提起了【正末唱】請你箇老哥哥遠害全身則啗這義的到底終須義大夫也你那親的原來則是親我怎做的有喜無嗔

【須賈云】先生乃讀書儒者想昔日春秋趙盾在那翳桑下遇着靈輒也無過一飯之恩後來趙盾有屠岸賈之難靈輒扶輪而報小官薄德怎敢自比於趙盾據先生義氣決不在靈輒之後【正末云】可知道來【唱】

【呆骨朵】休則管巧言令色閒評論。到如今比並甚往古忠臣。我可也不似靈輒。我可也難學趙盾。大夫也假若你趙盾身危困。我待學靈輒臂扶輪。則不要槽中拌和草。便是那桑間一飯恩。

【須賈云】這早晚雪可慢些兒也。我與先生同行數步。前往相府去來。【做同正末上車行科。須賈云】先生。你休瞞我。想先生在秦必見重用。既不呵。如何這相府前祇從人等。見先生來。皆凜凜然起避。你必然發跡了也。【正末云】大夫。這廝每有甚麼難見處。【唱】

【滾繡毬】他見我塵滿衣。垢滿身。更和這鬍鬆兩鬢。纔出的相府儀門。他罵我做叫化頭。乞儉身。都佯呆着不瞅不問。【須賈云】他如今爲何懼怕先生也。【正末唱】猛見這素綈袍在我身上。全新爲甚的那廝。每趨前褪後都皆怕。大夫也可知道。只敬衣衫不敬人。自古常聞。

【須賈云】先生。小官想張君得志於秦。自非文武兼全焉能有此。【正末唱】

【二煞】他論機謀滅竈厭着齊孫臆。他論戰策不弱如鞭屍楚伍員。則他那智量似穰苴。文學似子夏。德行似顏淵。舌辯似蘇秦。端的箇能安其國。能治其家。能正其身。請大夫把衣冠整頓。我與你同作伴謁張君。

【須賈云】先生小官去住皆在張君一語之下。小官只在此等候。【正末唱】

【二煞】你略消停且待窮交信。便入去須防丞相嗔。我着你早出潼關早歸汴水。早到東京。早離西秦。引你去親登相府。完却公差。直着他開放賢門。這歸期有准。管着你蕩飛騎疾如雲。

【須賈云】只是大雪中有勞先生。改日另當致謝。【正末唱】

【煞尾】我與你分開片片梨花粉。拂散紛紛柳絮塵。金馬門中往前進。我將你箇納士招賢路兒引。【下】

【須賈云】不想范雎與張祿丞相有一面之交。我之事必濟矣。倘得無事放還。我仍舊帶了。

范睢回於魏國同享榮華也。〔做等科云〕在此等候良久如何不見范睢出來。我試向前問一聲。咱〔做見卒子科〕。〔須賈云〕小官借問虞候。咱〔卒子云〕你問甚麼。〔須賈云〕恰纔入相府去的先生如何不見出來。〔卒子喝云〕休胡說。這府內只有丞相爺出入。那一個敢入的去。〔須賈做驚科云〕沒也。恰纔入去的那箇秀才范睢。〔卒子云〕甚麼秀才。則他便是。俺丞相爺。〔須賈做慌科云〕恰纔入去的那秀才便是張祿丞相。嗨。須賈你中了計也。初聞張祿丞相之名未知其詳。故以列國中大夫皆至秦邦爲賀。我若知是范睢。小官焉敢自投虎狼之地。原來他改名張祿。實欲智擒須賈。要報舊日之讎。〔做哭科云〕哀哉可憐。我須賈微軀不得還於本國矣。罷罷罷。如今日回客館去。待到來日膝行肘步。肉袒求見。萬一有箇僥倖得免其死。如不見饒。這也是我命數盡。此復何恨哉。大丈夫睜着眼做到今日。合着眼受惜乎。俺一家老小倚門而望。豈知死在秦邦。永無還日。〔歎科云〕俺一家人則當做了一箇惡夢者。〔下〕

第四折

【驕衍同衆大夫領張千上云】小官齊國中大夫驕衍是也。奉秦國之命。着俺六國中大夫來賀張祿丞相。這位是楚國大夫陳軫。這是趙國大夫虞卿。這是韓國大夫公仲侈。這是燕國大夫劇辛。今日筵宴。是俺國排設。專賀秦相的。除魏國須大夫有罪。不敢同請。這幾國大夫。都在此等候多時。想秦相這早晚敢待來也。【正末扮冠帶引卒子上詩云】一自更名西入秦。能令六國盡來賓。正是畫虎未成君莫笑。安排牙爪始驚人。小官范雎是也。自俺爲相。各國大夫都來慶賀。今日却是齊國驕大夫設宴相請。須索走一遭去也。【做見科】【驕衍云】有屈丞相俯臨。小官等失迎。勿令見罪。【正末云】驛亭一別。契闊至今。既辱遠來。又勞佳設。則媿張某才輕德薄。怎想有今日也呵。【唱】

【雙調新水令】白身一跳到關西。坐都堂便登八位。入朝爭相印。當殿脫儒衣。口吐虹霓。三千丈五陵氣。

【騶衍云】令人將酒過來。【張千云】酒到。【騶衍云】各國大夫近前丞相喜得美除。理當拜賀。【各國大夫同拜科】。【正末云】請起。【唱】

【步步嬌】這的是楚趙秦韓齊燕魏今日箇七國冠裳會。把干戈從此息。我有甚不歡欣不肯拚沉醉。【騶衍云】丞相請滿飲此杯。【正末云】住者。【唱】且按住這鳳凰杯。【騶衍云】丞相因何不肯飲酒。【正末云】張千。【張千云】小人有。【正末唱】你只問須賈來也是未。

【云】你各國大夫在此。當日某同須賈入齊爲使。因齊王爲某舌辯。不勝見喜。令騶大夫在驛亭中賜牛酒管待。又賜金帛。某不敢受。當時有須賈撞見。對魏齊丞相說某以陰事告齊。將某推勘打死。丟在糞坑之中。如今齊國騶大夫現在於此。我當初曾以陰事告齊。也不曾。【騶衍云】丞相當日並無此事。【正末云】

【沉醉東風】我隨他千鄉萬里倒將我六問三推。凍我在雪堆中。撇我在

茅坑裏說着呵尙兀自惡心嘔逆恰便似死羊般渾身尿共屎委實的受盡了腌臢氣息。

【張千做喚科云】須賈安在。【須賈做膝行肘步上云】死罪死罪。賈不意相君能自致於青霄之上。賈不敢復讀天下之書。賈不敢復與天下之事。賈不敢復相天下之人矣。賈有死罪。請入鼎鑊之中。請置狐貉之地。唯相君命之。【正末云】須賈。你罪有幾何。【須賈云】賈得罪於相君多矣。擢賈之髮。不足數賈之罪。【正末云】你今日因何來遲。【須賈云】丞相可憐。今日是須賈賤降之日。望丞相寬容。過了今日。他日受責如何。【正末唱】

【沽美酒】去年時我記的。今日是你生日。天教我便還報你。【云】張千。【唱】我這裏喚公吏。快疾波請先生去了衣袂。

【太平令】哎。你箇須賈也。哥哥休罪。【云】張千。將問事來。【張千云】理會的。【做丟下問事科】【正末唱】早準備搯子麻槌。下着的國家祥瑞。揀一塔乾淨田地。

將這廝跪只。按只。與我杖只。直打的皮開肉碎。

【須賈云】丞相與各國大夫飲宴。須賈凍於雪中。從旦至今。不曾吃飯。丞相安可忍乎。丞相那吃不了的茶飯。告些兒與須賈食用。便死呵。做箇飽鬼。【正末云】張千。將他那茶飯來與他吃。【張千云】理會的。【張千將砌末放下科】。【正末云】教他自揭開食用。【須賈做揭開科云】丞相。這箇是頭口吃的草料。怎生與我吃。【正末云】你道是喂頭口的草料。怎生與人吃。想當日我與你同入齊爲使。見了齊君。一席話間。齊君大喜。放公子申歸國。你道我以陰事告齊。將我打死了。丟在那廁坑裏。匹夫你比頭口何別。張千與我打着者。【張千做打科】。【正末唱】

【川撥棹】這東西去年時你備的。我與你揣在懷裏。放在跟底。請先生服毒。自喫俺這裏別無甚好飯食。

【云】張千。將那莖豆與須賈食用者。【須賈云】這箇是喂驢馬的草料。教我怎生食用波。

【正末云】匹夫你不記的。當初有言道是一根草與我添一千歲壽哩。【唱】

【七弟兄】這的與你做生日。一根草滿壽你一千歲。去年將小子痛凌遲。今日教你也知滋味。

【驕符云】丞相各國大夫都在此慶賀。須要盡醉方休也。【正末唱】

【梅花酒】俺只見衆公卿擺列齊。在紫閣黃扉。捧玉液金杯。一週遭繡履珠衣。從早起至晚夕。食又飽酒又醉。他在那大雪裏凍一會。問一會。問一會。會打一會。

【須賈云】丞相你便在暖閣內飲宴。將我凍在這大雪裏面。可正是坐兒不覺立兒饑也。【正末唱】

【收江南】呀你道我坐兒不覺立兒饑。今朝輪到我還席。則爲你損人利己。使心機。圖着箇甚的。可正是得便宜翻做了落便宜。

【須賈云】罷罷罷。既到今日。丞相終不饒須賈之罪。他殺不如自殺。願賜丞相寶劍。待須賈自刎而亡。【院公冲上云】老漢是須大夫家院公。今日俺大夫在相府有難。我索看去咱。【做窺望科云】呀。那張祿丞相果然就是范睢。我如今顧甚麼生死。不免徑自撞入。【做叩頭科云】丞相爺在上。院公叩頭。【正末云】誰是老院公。【院公云】則我便是院公。【正末起拜科云】大恩人請坐。受小官幾拜咱。【騶衍云】丞相。他是須賈家院公。爲何拜他。【正末云】衆大夫不知。我當初與須賈入齊爲使。他道我以陰事告齊。將我打死了。丟在廁坑裏。我掙掙起來。逃走性命。肯分的遇着老院公。齎發我盤纏衣服。放出後門。得至秦國。若不。是老院公救了我呵。豈有今日。則他便是我大恩人也。【須賈做掙起扭住院公科云】原來是你老匹夫救活了他來。苦當時不放他得至西秦。我豈受今日之恥。我先殺了你這老匹夫。落箇墊背的。【正末云】令人與我將須賈打下者。【唱】

【清江引】老院公肯分的來到這裏左右難迴避。他怎敢輕料虎狼鬚。快

與我搥住猿揉臂【帶云】須賈【唱】你饒過了這老院公我也饒過了你。

【院公云】望丞相爺看老院公薄面饒過俺主人罷【正末唱】

【鴈兒落】雖然是爲恩人有面皮我與你這賊子無情意你若耍生辭函谷關只除非夢返夷門地

【須賈云】丞相這都是舊話不提他也罷了【正末唱】

【得勝令】呀你道是舊話再休題我可不乾喫你一場虧【騶衍同衆大夫跪科云】丞相在上須賈罪過雖重但他綈袍戀戀也還有故人之情望丞相姑恕【正末云】衆大夫請起【唱】也則爲尙有綈袍戀因此上權停棍棒威待饒伊我也要將今日思前日待不饒伊又道我只報讎不報德

【云】既然衆大夫在此討饒令人將須賈放了者【做放科云】須賈我不看綈袍分上怎肯便饒你死罪如今放你歸去傳示你主早早解過魏齊到來休教走了【唱】

【收尾】我如今且將須賈驢頭寄。疾回去報與梁王得知。着他早早的解過魏齊來。【帶云】那時節再約衆大夫同臨敵國。【唱】慢慢的再賀俺范睢喜。

【須賈換冠帶同衆大夫拜謝科云】謝丞相寬恩。敢不唯命。【院公云】這一件倒不好承認。那魏齊手下心腹人極多。只怕也有似俺院公的。私下放他溜了。教俺主人那裏去抓他。【騶衍云】小官等再奉丞相一杯。【正末云】酒也深了。一面撤過宴者。【詞云】因須賈不識忠臣。用讒言閉塞賢門。施僥倖將人陷害。怎知他天道無親。大雪中綈袍戀戀。纔得箇免禍全身。快獻取魏齊首級。罷刀兵永滅征塵。

題目 須賈大夫諱范叔

正名 張祿丞相報魏齊

須賈大夫諱范叔雜劇終

好酒趙元遇上皇

第一折

【等李老旦一折了。】
【等外一折了。】
【正末扮醉上。】
便放。

【點絳脣】東倒西歪後合前搶離席上。這酒興顛狂。醉魂兒望家往。

【混江龍】猛然觀望。見風吹青旆喚高陽。喫了些潑醅醇糯勝如玉液瓊漿。喜的是兩袖清風和月偃。一壺春色透瓶香。花前飲酒。月下欣然。鬢頭垢面。鼓腹謳歌。茅舍中酒盞邊。喇瞪囉瞪唱三盃肚里。由你萬古談揚。

【做入酒務喫酒科。】
【等李老旦上云了。】

【油葫蘆】你道我戀酒貪盃廝定當。你暢好村莽壯。可知道外名兒喚做一窩狼。你不見桃花未曾來腮上。可早闌珊了竹葉樽前。唱嗤嗤把頭髮

揪口口口使脚莊耳根上一迷的直拳搶都扯破我衣裳。

【天下樂】捨棄了今番做一場。打罵恁孩兒。有甚勾當。又不曾游手好閑。廝定當動不動要手模。是不是取招狀。欺負煞受飢寒窮射糧。

【等李老云了】這三日喫呵有些人情來。

【那吒令】前日是瞎王五上梁。昨日是村李胡賽羊。今日是酒劉洪貴降。待不去來。他來相訪。相領相將。

【云】這酒有好處。

【鵲踏枝】有酒後聚得親房。有酒後會得賢良。豈不聞古語常言。酒解愁腸。我有酒後寬洪海量。沒酒後腹熱腸荒。

【等外云了】【云】教我斷酒。

【寄生草】折末爲經紀。做貨郎。使牛作豆將田構。搽灰抹土學搬唱。剃頭

削髮爲和尚。教我斷消愁解悶。瓮頭春。斷不得願情。雲陽鬧市。伸着版項。
【等云了】【云】教我斷一年斷不的。我說這四季斷不的。

【醉中天】春裏斷呵。春暖羣芳收。夏裏斷呵。夏暑芰荷香。秋裏斷呵。金井梧桐敗葉黃。冬裏斷呵。瑞雪飛頭上。天有晝夜陰晴。人有旦夕禍福。人生死祇在一時半晌。斷了金波綠釀。却不我等閑的虛度時光。【等云了】【云】你教材裏住。須沒酒喫。兩件更斷不的。

【金盞兒】教我村舍里伴芒郎。養皮袋住村坊。每日風吹日炙。將田搆。和那沙三趙四。受風霜。怎能勾百年渾是醉。甚的是三萬六千場。那兩件敢休交。野花攢地出。我則怕村酒透瓶香。

【等孝老扯見外科】【等孤上云了】【見淨住淨云了】【做驚科】

【云】今番當別人去也。不干小人事。【淨云了】【等旦索休書了】【做抽符寫了哭科】

揪口口口使脚莊耳根上一迷的直拳搶都扯破我衣裳。

【天下樂】捨棄了今番做一場。打罵恁孩兒。有甚勾當又不曾游手好閑。廝定當動不動要手模。是不是取招狀。欺負煞受飢寒窮射糧。

【等李老云了】這三日喫呵有些人情來。

【那吒令】前日是瞎王五上梁。昨日是村李胡賽羊。今日是酒劉洪貴降。待不去來。他來相訪。相領相將。

【云】這酒有好處。

【鵲踏枝】有酒後聚得親房。有酒後會得賢良。豈不聞古語常言。酒解愁腸。我有酒後寬洪海量。沒酒後腹熱腸荒。

【等外云了】【云】教我斷酒。

【寄生草】折末爲經紀。做貨郎。使牛作豆將田搆。搽灰抹土學搬唱。剃頭

我待橫三盃在路傍。都无二十日索身喪。你休別處招魂。我這一靈兒不離了酒糟房。

第一折

【等賣酒的上云住。】駕引一行上坐云了。【正末扮冒風雪上。】放。

【一枝花】湯着風把柳絮迎。冒着雪把梨花拂。雪遮得千樹老。風剪得萬枝枯。這般風雪程途。雪迷了天涯路。風又緊雪又撲。恰渾如扒漣篩揚。却便似擣綿扯絮。

【梁州】假若韓退之藍關外不遷駿馬。孟浩然灞陵橋也不肯騎驢。凍得我手脚如麻木。天寒日短。迥野消疎。關山苦楚。風雪交雜。渾身單夾衣服。舞風亂慘真珠。我擡起頭似出窟的雞。雞縮着肩恰便似水滄老鼠。弓着腰恰便似人樣鰕。幾時到帝都。刮天刮地狂風古。誰曾受這番苦。見三

正金鞍馬拴在老桑樹。多敢是國戚皇族。

【做入去向火聞得酒香科】云打二百錢酒來。【等將酒過來科】

【牧羊關】見酒後忙參拜。飲酒後再取覆。共這酒故人今日完聚。酒呵只道永不相逢。不想今番一處爲酒。上遭風雪。爲酒上踐程途。這酒浸頭和你重相遇。咳酒爹爹安樂否。

【做與外把盞科】等外與酒喫了。

【隔尾】小人則是隨驢把馬喬男女。你須是說古論文士大夫。這六點兒運人不曾把人做。雖是愚濁的匹夫。不會講先生禮數。擱擱的咽喉中嚥下去。

【等外廝打了】聽住。

【感皇恩】我恰待自飲芳醕。是誰唱叫喧呼。只聽得絮叨叨不住的罵寒

儒不住地推來搶去。則管扯拽揪摔。可知道李太白留劍飲典琴沽。

【採茶歌】一個扯着衣服。一個更血模糊。秀才早難道滿身花影倩人扶。三二個儒人何消恐懼。我替還口債出青蚨。

【等駕認做兄弟科】
【做過來喫酒科】
【做啼哭】
【駕問了】
【做說關子了】

【紅芍藥】丈人文母狠心毒。司公做官胡突。果然這美女戾其夫。他可待似水如魚。好模樣歹做處不覩事。要休書倚官強拆散俺妻夫。真乃是馬牛襟裙。

【菩薩梁州】我雖是鰥寡孤獨。對誰人分訴。銜冤負屈。因此上氣填胸兩。淚如珠。這書一個舉霜毫。一個班着臂膊。一個把咱扶着。道兩行字便是我生天疏。却交无事還鄉故。這好是要人做。不想二百長錢買了命卒。哥哥你着紙修書。

【做辭了】【等駕云了】

【尾】不想今番橫死身亡。口口首遙指雲中鴈寄書。兩隻脚不停住。這憂愁這悽戚。煩惱對誰訴。怎聲揚。忍負屈趙上皇。你穩坐皇都。怎知這捱風雪的射糧軍乾受苦。

第二折

【等孤上云住】【正末便上】放。

【粉蝶兒】六出花飛。碧天邊凍雲不退。抱雙肩緊把頭低。醉魂消。酒才醒。四肢無力。眼見得命掩泉塗。這場災。怎生回避。

【醉春風】送了我。也竹葉似瓷頭春。花枝般心愛妻。則爲戀香醪。尋着永別盃。待怎生悔。悔也是前世前緣。自生自受。怨天怨地。

【迎仙客】排着從人。排着公吏。這无常暗來人不知。又不曾插翅飛。止不

住泪若芭堆。嗨。這的是自尋的沒頭罪。

【做見孤了。】【教外推轉了。】【做荒云。】相公有你哥哥信將着里。【等孤云了。】

【上小樓】有你哥哥信息。小人堦前分細。快快疾疾。端端的。數說真實。若趙元說得來。差之毫釐。情願便命歸泉世。

【等問了。】

【么】一行三個人。殷勤勸一盃。少酒債主人家。唱叫揚疾。替還了一二百錢。別无思議。因此上認我做兄弟。

【等問了。】【云。】小人下月申解文書。來到草橋店上。見三個秀才喫酒沒錢。小人替還了。問我姓甚。小人道姓趙。他道我也姓趙。我拜做了哥哥。因此修一封書。他道是相公哥哥里。【等孤云了。】【做臂膊上見了科。】【等孤披秉了。】【祇候人納坐了。失驚科。】

【十二月】納我在交椅上坐地。拿着手脚身起。地鋪着綉褥。香噴金猊。喚

大夫是甚脉息。我這病眼難醫。

【堯民歌】幾曾見卑田院土地拜鍾馗。判官當廳問牙推。這神針法灸那般疾。似藍采和舞不的看花迴。冷笑微微。吾皇敕賜與。判斷開封取。

【等云了】【云】教我做南京府尹。這衙里有酒末。

【耍孩兒】不會做官做地偷有例。五刑之書整理着。蕭曹律令不曾習。有當案分令史支持。沒酒的休入衙門裏。除睡人間總不知。無縈繫。問甚從人司吏。喫了後回席。

【二】飲酒如李太白。糊突如包待制。喚我个沒底瓶。普天下人都識。青霄有路終須到。好酒無名是不歸。每日價熏熏醉。問甚三推六問。不如撞酒充席。

【尾】問甚秋泉竹葉青。九醞荷葉盃。不揀你與我滄浪水。也強如忍風雪。

飢寒半路裏

第四折

【等字老淨旦一折】【駕上云了】宣住【正披秉共楊戩上】【等外云了】

【新水令】要甚末兩行祇從鬧交泰。怎如馬頭前酒瓶十擔。這紗幬頭真紫欄。怎如白僵帶舊紬衫。又不曾闊論高談。休想做口官攬。

【等外云了】【云】那裏有龍虎去不得。

【喬牌兒】這言語沒店二。可知水深把杖兒探。對君王休把平人陷。趙元酒性淹。

【甜水令】不戀高官。休將人賺。這煩惱怎生擔。你道相逢驚了人膽。不如我住草舍茅庵。

【折桂令】不做官。我怕的是鬧炒炒虎窟龍潭。元來這龍有風雲。虎有山

岩祇怕虎鬥龍爭。惹起奸讒。朝治裏誰人似俺。懵懂愚痴。愁語喃喃。淨淨
懨懨。早難道宰相王侯。到不如李四張三。

【做見駕科】

【七弟兄】微臣怎敢。大官參。我只知苦澁酸渾淡。清光滑辣任誰貪。下民
易虐何曾濫。

【梅花酒】微臣最小膽。只待逐日薰熬。聖主台鑑。休兩兩三三。也不做明
廉共暗察。伯子共公男。自羞慘。官高後腦兒掩。祿重自忒貪。

【收江南】我汴梁城則做酒都監。自斟自舞自清談。沒煩沒惱口勞嗌。是
非處沒俺。這玉堂食怎如瓮頭泔。

【等勾淨旦一行上云了】

【鴈兒落】姜太公顛倒敢。魯義姑心中鑑。倚官府耍了手模。也暫你遭坑

陷

【得勝令】却不風月擔兒擔。早則蜻蜓把太山撼。往日式餘濫。今番刀下斬。忍不住叁攬。風雪裏將人賺。說得臉如藍。索休書却大膽。

【駕斷出】

題目 丈人丈母狠心腸

司公倚勢耍紅粧


正名 雪裏公人大報冤

好酒趙元遇上皇

好酒趙元遇上皇

二九八

好酒趙元遇上皇雜劇終



跋

高文秀東豐人。府學生。早卒。作劇都三十四種。以黑旋風爲題材者凡八種。借用人名。杜撰事實。本元劇通例。惟此其尤著者。惜僅存雙獻功。與諱范叔。遇上皇。合共三劇。太和正音譜稱其曲如金瓶牡丹。以喻其美艷且華貴也。使文秀得享天年。所作當益多。今并此而不能盡傳。抑可憾已。盧前校後記。

元劇拾遺四

金陵盧 前校輯

高文秀雜劇殘本一種

周瑜謁魯肅 第二折。見詞林摘豔

【南呂一枝花】蒼天老後生。白髮添新恨。枯苗未得雨。蒿木不逢春。東走西遶。自古來難求進。我如今三十也不立身。空着我謁遍朱門。到處里難尋一箇主人。

【梁州】無一箇舉賢才。漢朝蕭相。那里也那養窮民。齊國田文。胸懷四海。三江悶。陋巷中消磨日月。破窗下守待風雲。詩句裏包含天地。書卷內費用光陰。酒盃中浸潤乾坤。自古來不辨清渾。宰社處豈重陳平。乞食呵誰憐韓信。今日箇得官也。纔識蘇秦。滿衣土人。東吳誰識周公瑾。直待得發

時分異日登壇受主恩。那其間車馬盈門。

【牧羊關】則您那諸卿相更和這萬乘君。腰繫着虎符金印。你道是恐後那無憑我須是言而有信。受貧時親借你麥得官後轉施恩。我着那孔夫子寫一張借錢契。姜太公做保人。

【賀新郎】煩奈養三千劍客孟嘗君。越交我抱怨十分罵他一頓。他將那一般樣財主每忙趨進。相接罷慌忙動問。便將咱兩等看承不借與我幾斗兒陳爛麥。到借與他十錠雪花銀。古人言今日方纔信敬愚不敬賢。追富不追貧。

【隔尾】如今那有錢的不學海量則學慳吝。出來的則敬衣衫不敬人。看了那富漢每輕人。好交我氣不忿懷揣着怨恨出的他這府門。待不罵着周瑜氣難忍。

【絮蝦蟆】自思忖自議論。混沌初分耕田隱姓伊尹。聚螢讀書車胤。會稽擔柴買臣。淮灣寄食韓信。太公垂釣渭濱。伍員吹簫吳郡。孔子絕糧在陳。顏回甘貧守分。王陵沽酒待賓。相如題橋發憤。蕭何司吏出身。樊噲屠戶得運。高祖原是庶民。光武居在村鎮。自古來自古來。登基明君開國功臣。朝中賢臣。閩外將軍。他每都生在白屋寒門。當日那蘇秦須不曾胎胞兒裏。便掛那黃金印。千丈志一跳身。獨步青雲。須爲將相。定立功勳。

【二煞】暗思韓信十年困。不抵周瑜一日貧。求人濟慢傷神。今世之中男子人。休得遭貧困。年限氣受不盡。富漢每不下馬熬煞窮民。

【三煞】年紀大小都休問。世事高低且莫論。衣衫新者便爲親。特地投他借與是人情。不借是本分。孔子道不義而富貴。於我如浮雲。

【收尾】一地風雲捱飢困。千里關山勞夢魂。魯子敬哥哥行去投逡。染塵

埃滿身伴日月兩輪遙望見萬里鵬程去心緊。

高文秀雜劇存目

黑旋風詩酒麗春園

黑旋風大鬧牡丹園

黑旋風敷衍劉耍和

黑旋風鬥雞會

黑旋風喬放學

黑旋風窮風月

黑旋風借屍還魂

老郎君養子不及父

禹王廟霸王舉鼎

忠義士班超投筆

五鳳樓潘安擲果

木叉行者領水母

豹子尙書謊秀才

豹子秀才不當差

豹子令史十請棒

病樊噲打呂青

劉先主襄陽會

窮秀才雙棄瓢

烟月門神訴冤

風月害夫人

伍子胥棄子走樊城

太液池兒女並頭蓮

鄭元和風雪打瓦罐

醉秀才戒酒論杜康

相府門廉頗負荆

御史臺趙堯辭金

誌公和尚開啞禪

宣帝問張敞畫眉

雙獻頭武松大報仇

保成公竟赴澠池會

高文秀雜劇存目

四



中華民國柒拾捌年陸月廿日

中國文學珍本叢書

第一輯 第十八種

中華民國廿五年一月初版

元人雜劇全集 二冊

普及本實價五角
特印本實價七角

編纂者

盧冀

野

主編者

施蟄

存

發行人


張靜

廬

發行所

上海雜誌公司

上海總店：四馬路三二二四號
 廣州支店：永漢北路一三三九號
 南京支店：太平路二一四八號
 開封支店：中山北街二八四號
 雲南支店：土主廟街四七號







國立中央圖書館



1100814

